

**CLARISSIMI VIRI
IANOCII DE
MANECTIS, ... DE
DIGNITATE &
EXCELLENTIA...**


Giannozzo Manetti, Iohannes
Alexander Brassicanus






Ex Bibliotheca
majori Coll. Rom.
Societ. Jesu

h






CLARISSIMI VI
RI IANOCII DE MANE-
ctis, Equitis ac Iureconsulti Floren-
tini, ad inclytum Arragonum
Regem ALFONSVM,
de dignitate & excel-
lentia hominis Li-
bri IIII.



Ex Bibliotheca IO. ALEXANDRI
BRASSICANI Iureconsulti,
recens in lucem editi.



BASILEAE
M. D. XXXII



MAGNIFICO AC VERE NO
 bili uiro D. Nicolao Rabenhaupt à Su
 chee, Inclyti Romanorum, Pannoniæ, &
 Bohemiæ regis FERDINANDI per
 Austriam Cancellario, meritis. domino
 & patrono opt. Ioannes Alexan
 der Brassicanus Iurecon
 sultus S. D. P.



Ideo nos in ea tēpora in
 cidisse, uir ornatissime,
 in quibus homines nihil
 ita in quotidianis sermo
 nibus habeant, quàm fidei ac ueri
 tatis nomē: interea uero sic peruer
 se, improbeq; uiuāt, ut Zoroastris
 illum uersiculum, quondam oracu
 li uice celebratum, sepe soleam me
 cum mēmoriā repetere:

οὐ γὰρ ἀληθείης φυτὸν ὅτι νῦν ὡς γαίης.

Quem sic latinum fecimus:

Planta equidem ueri uix terrā agnoscitur omni.

Atq; hæc uniuerfa labes, siquid ta
 men ego intelligo, uix aliò referri

4 IO. ALEXAND. BRAS-
potest ac debet etiam, quàm quod
bona pars parum exploratū habe-
mus, quid sit esse hominē, hoc est,
& dignitatis & imbecillitatis suæ
rationem habere. Cur autē non ita
dicā, quādo nulla sit quæ maior ho-
mini dignitas accedere possit, q̃ si
certum eundemq̃ cōstantem uitæ
cursum & tenorē obtineat : rursus
autem nullū certius humanę imbe-
cillitatis argumētum existat, q̃ in
rebus ad immortalē uitā præcipue
pertinentibus, pluma uentoq̃ faci-
lius moueri: Id quod seculo nostro
q̃ familiariter peculiare sit, tu pro
tuo singulari iudicio, prudentiaq̃
illa incomparabili longe melius ar-
bitrari dispicereq̃ poteris. Nunc
ut huic malo, uel de alieno libera-
lis, aliquā medicinā facerem, simul
& diligentia meā gratæ mētis offi-
cio

cio tibi adprobarē, mitto ad te im-
 præsentiarū IANOTII de Mane-
 ctis Equitis ac Iurecōsulti Florenti-
 ni, de dignitate excellentiaq̃ homi-
 nis, raræ eruditionis libros IIII,
 quos uti cōsueuisti succisiuis horis,
 & libenter leges, & hoc addiētis
 clientis tui munus æqui boniq̃ fa-
 cies. Fuit is Ianocius ex peruetu-
 sta, nobiliq̃ Manectorū familia, uir
 egregie nobilis, adhæc insigniter
 eruditus: quippe unus ex ijs qui ē
 Manuelis Chrysolorę ludo, tanq̃
 ē Pythagorę secretiore schola, pro-
 be formatus exierit. Imitatus est in
 hoc scripti genere M. T. Cicero-
 nem, & Lactantium, quorum elo-
 quentiam si non assequi potuit, di-
 ligentiam tamen atq̃ felicitatē tra-
 ctandi, non adeò absq̃ studiosorū
 fructu secutus est. Habes & libri

argumentum, & autoris nequaquã
 aspernandi institutum. Interea ue-
 ro uir magnifice, mihiq; modis om̃i-
 bus obseruande, bona studia ac illo-
 rum sectatores commẽdatos habe-
 re perge, mihiq; inter illos omniũ
 infimo, uti pro germana bonitate
 tua facis assidue, hoc duro præser-
 tim tempore, sinum præbeas. Sic e-
 nim, nisi fallor, & gloriæ tuæ & ho-
 nestis om̃ibus artibus iam ferè de-
 sertis, incomparabile præfidiũ affe-
 res: Siquidẽ ut nobilitate, ingenio,
 fide, bonarumq; omnium rerũ pe-
 ritia præstas, ita par est ut à bonis
 scriptoribus, eruditiscq; uiris omni-
 bus maiore splendore quotidie in-
 clarescas. & bene uale. Viennę Au-
 striæ ex collegio regio, Anno à na-
 to Christo M. D. XXXI. mense
 Augusto.

Hen:

Paruus sum liber & satis tenellus,
Sed cunctis numeris pereruditus:
Ergo præsidio uiri elegantis,
Certe & præsidio uiri potentis
In lucem est opus exeam, secundo
Phœbi numine, dexterisq; Musis.
At me Nicoleos meus patronus,
Immo Nicoleos pater benignus
Defendet, leget, omnibus peritis
Scriptorem semel adprobabit illum.
Quod si liuor edax, simulq; Momus
Nigro fortè sale uelit nocere,
Ille est Nicoleos uocatus, ille,
Fatali arbitrio puto & salute,
Qui uulgus facile inuidientiorum
Possit fundere, & omnibus malignos
Castris exuere: breui paratur
Si caussa ualcas bonus triumphus.
Ergo fronte ab eo semel serena,
Paruus sum licet, at pereruditus.

8 AD INCLYTVM
ARRAGONVM REGÈM AL-
FONSVM Ianotij de Manectis
Equitis ac Iureconfulti Flo-
rentini præfatio.



ETVS quædam, Serenissi-
me Princeps, eruditorū ui-
rorū, qui cogitationes suas
literis mandabant, cōsuetu-
do fuit, ut egregia laborū
suorū opera ad principes scriberent: qđ
eos duabus duntaxat causis adductos fe-
cisse existimabam: Vna, ut exinde illorū
amor ac beneuolētia bonis principibus
innotesceret: altera, ut operib⁹ ipsis quæ
dignis illorū principum nominibus de-
dicabantur, maior propterea autoritas
proueniret. Ceterum mihi hanc lauda-
bilem doctorum hominum consuetudi-
nem nūc sequi, & eorum uestigia imitari
uel maxime cupienti, duę aliæ causæ ac-
cedebant, quibus ego inductus & quasi
compulsus meipsum ulterius continere
nō poteram, quin nouū quoddam opus
nuper à me compositū, cuius titulus est,
De digni

De dignitate & excellētia hominis, cum
 omni reuerentia tuo nomini perscribe-
 rem. Harū prima erat, ut cunctas huma-
 ni corporis & animi dotes, & omnia to-
 tius hominis priuilegia tribus prioribus
 libris antea explicata, in dignissima et ad-
 mirabili persona tua affatim conuenire
 abūdeq̃ cōcurrere hac nostra præfatio-
 ne ostenderemus; quæ sigillatim impræ-
 sentiarū recenseremus, nisi ad te scriben-
 tes adulationis crimen timeremus, præ-
 fertim cū id ipsum pluribus scriptorū no-
 strorū locis diligenter & accurate hæc-
 nus fecisse meminerim. Vnum tamen ta-
 citi præterire non possumus, cuncta hoc
 opere late copioseq̃ tractata, toties cer-
 ta & uera uideri nobis, quoties in singu-
 lares quasdam ac uere admirabiles & pe-
 nē diuinas personæ tuæ dotes animum
 mentemq̃ cōuertimus. Secunda talis oc-
 currebat: Quū enim non multo ante Flo-
 rentini populi nomine legati et oratores
 Neapoli apud te commoraremur, faciū
 est, ut semel opusculum quoddam præci-
 puum & egregium, & magnis insuper

laudibus & memoratu dignū, cursim le-
 geremus, quod à Bartholomeo Fatio ui-
 ro eruditissimo simulatq; elegantissimo,
 de eadem materia Nicolao quinto sum-
 mo Pont. scriptum & dedicatum fuerat.
 Vnde cum non multo post fortè ad græ-
 cam illam celeberrimā ac famosissimam
 turrīm semel essemus, atq; pro humani-
 tate tua prolixū quendam de studiosis &
 eruditis hominibus sermonem simul ha-
 beremus, modo nescio quo euenit, ut in
 particularem prædicti opusculi mentio-
 nem incideremus. Quocirca paulò post
 benigne & perhumane quidem à nobis
 exegisti, ut de eisdē rebus scribere uelle-
 mus, tibiq; opus dedicaremus. Nos ue-
 ro qui Maiestati tuæ in primis morē ge-
 rere & obsequi maxime cupiebamus, ni-
 hil nobis gratius fore, respondere nō du-
 bitauimus, q̃ ut tibi gratificari & famu-
 lari possemus: ideo nos, ut nosti, liben-
 ter scripturos, & opus tuo nomini dedi-
 caturus, alacriter iucūdeq; promissimus.
 Vnde cum paulò post scribere inchoas-
 semus, ac præ breuitate tēporis inchoatū
 opus

opus perficere & absoluere nequiuissimus, rursus postea resumpsimus, ac nempe multo prius absoluissemus, nisi repentinus Foederici tertij nouelli Impatoris in Italiã aduentus nos quotidie aliqd describentes parumper retardasset: nam nostræ Reip. legati honorandę coronationis eius causa Romã uenim⁹, atq; ibi tantũ cõmorati sumus, quoad ipse inde recederet. Ex hac itaq; legatione postea in patriã reuersi, ultimas demũ prædicto operi iam pridẽ inchoato manus imposuimus, atq; cõmemoratis causis adducti, tuo nomini dedicaui⁹: ut certi pollicitationũ nostrarũ debitores, tibi ceu uero illorũ promissorũ creditori, tandẽ aliquãdo cõtracta debita solueremus. Totũ aut opus in IIII lib. nō temere & fortuito, sed singulari quadã & præcipua cõsideratiõe, diuisimus: nã cū primo singula quæq; quæ in corpore humano, ac deinde in eius anima, & in tota hoīs p̃sona aliquatenus apparebāt, diligẽter & accurate cõsideraremus, nō iniuriã uisũ est nobis, tũ p̃ maiori quadã rerũ tractandarũ dignitate, tum

12 IANOTII AD ALFONSVM
etiam pro certiori & planiori omnium co-
gnitione, singularia illa singulis libris seor-
sum ac separatim oportunius & conue-
nientius explicare. Quocirca in primo
de egregijs dūtaxat humani corporis do-
tibus: In secundo de præcipuis quibus-
dam rationalis animæ priuilegijs: In ter-
tio de admirabilibus totius hominis mu-
neribus, quanto à nobis fieri potuit dili-
gētius & accuratius explicauimus: quæ
omnia cū tribus prioribus libris fecisse
uideremur, quartū insuper adhibere pla-
cuit, in quo ea confutarem quæ à plu-
ribus idoneis autoribus de laudatione et
bono mortis, & de miseria humanæ uitæ
conscripta fuisse intelligebamus, quoniā
illa nostris quodammodo aduersari & re-
pugnare non ignorabamus. Verum ut
hæc nostra parua munuscula tibi gratio-
ra uiderentur, nonnulla etiam partim in
laudē Maiestatis tuæ à nobis antea descri-
pta, partim nomini tuo dedicata, in uno
& eodem uolumine coartauimus, atque
ad te summa cum deuotione è Florentia
usque Neapolim perferēda curauimus.
Humiliter

13 ARRAG. REGEM PRAEFAT.

Humiliter itaq; rogamus, ac suppliciter
obsecramus, ne hæc nostra paruula mu-
nuscula ullatenus spernas: sed potius p-
pterea gratanter accipias quesumus,
quoniam à nobis, maiestati tuæ ni-
mirum dediti sumus, libentissi-
me simulatq; deuotissime
transmittuntur.

IANOCII

DE MANECTIS, EQVITIS
& Iurecōsulti Florentini, ad Inclytum
Arragonum regem ALFON-
SVM, de dignitate & excel-
lentia hominis Li-
ber primus.



VM igitur hoc no-
strū quodcunque o-
pus ab humano cor-
pore feliciter incipe-
re debeamus, ipsum
uel ex limo terræ &
humo, unde homi-
nem appellatum putant: uel potius, si Io-
sepho uernaculo Iudæorū historico cre-
dimus, ex rubea terra conspersa, quæ he-
braice Edon nūcupatur, ex quo Adam,
euphoniæ causa paululum immutatum,
dictum esse arbitratur: quanquā eo illius
linguæ nomine homo significetur in sa-
cris literis: ab omnipotenti Deo mirabi-
liter formatum fuisse legimus, quod ipse
per rationalis animæ creationem atque
inspirationem

inſpirationem diuinitus uiuificās ad contemplationem ſui artificis erexit, ut optime ſimulatque elegantiffime ingenioſus poëta hiſ carminibus ſignaffe uiſus eſt:

*Pronaq; cum ſpectent animalia cætera terram,
Os homini ſublime dedit, cœlumq; uidere
Iuſſit, & erectos ad ſydera tollere uultus.*

Vnde Græci rectius & expreſſius ἀνδρῶν
πρὸς, quod ſurſum ſpectet, quàm nos hominem ab humo, uel q̃ Hebræi Adam ab adamada, appellaffe & cognominaffe uidētur. De perfectā igitur humanæ nature formatione diligēter & accurate indagare et inueſtigare cupiētes, quid duo excellentiſſima cōmemorandorū philoſophorū & oratorū ingenia de hoc ipſo ſenſerint parumper uideamus: ut quantum præſtantes & excellentes homines, partim puris ſuis naturalibus conſtituti, partim ſupno lumine illuſtrati, in eo ipſo ualuerūt, capere et intelligere poſſimus. Proinde propria duntaxat Ciceronis ac Lactantiꝝ uerba cæteris omnibus omiſſis, in hoc loco ponere & in medium aſſerre curabimus. Cicero nanq; cum con

tra Epicurū, hominem ab immortalī deo-
factum fuisse contenderet, in secundo de
natura deorum in hunc modum locutus
est: Cum tribus rebus animantiū uita te-
neatur, cibo, potione, spiritu, ad hæc omnia
perficienda os est aptissimum, quod ad-
iunctis naribus spiritu augetur. Dentibus
in ore cōstructis māditur, atq; ab his ex-
tenuatur & demolitur cibus, eorum ad-
uersi acuti morsu diuidūt escas, intīmi au-
tem cōficiunt, qui genuini uocantur: quæ
confectio etiā à lingua adiuuari uidetur.
Linguā autē ad radices eius hærens exci-
pit stomachus, quo primū illabuntur ea
quæ accepta sunt. Hic oris utraq; ex par-
te tonsillas attingens, palato extremo at-
que intīmo terminatur: Atque is agitatio-
nibus & motibus lingue cum depulsum
& quasi detrusum cibum accepit, depel-
lit. Ipsius autē partes hæ quæ sunt infrā,
in quas id quod deuoratur descendit, di-
latantur: quæ autē suprā, contrahuntur.
Sed cum aspera arteria (sic enim à medi-
cis appellatur) ostium habeat adiūctum
linguæ radicibus paulò suprā quàm ad
linguam

līguā stomachus annectit, eaq; ad pulmones usq; pertineat, excipiatq; animā, ea qua eductus sit spiritus, eadēq; à pulmonibus respiret & redeat, tegitur quasi quodā operculo: quod ob eam causam datum est, ne siquid in eam cibi fortē incidisset, spiritus impediret. Sed cum alui natura subiecta stomacho cibi & portionis sit receptaculum, pulmones autē & cor extrinsecus spiritum adducant, in alio multa sunt mirabiliter effecta, quæ cōstant ferē ē neruis. Est autē multiplex, & tortuosa, arcetq; & cōtinet, siue illud aridum est, siue humidum, quod recipit, ut id mutari & cōcoqui facile possit: eaq; tum astringitur, tum relaxat, atq; omne quod accepit, cogit & confundit, ut facile & calore quem multū habet in terendo cibo, & præterea spiritu omnia tracta atq; cōfecta in reliquum corpus diuidantur. In pulmonibus autem inest raritas quædam & assimilis spongijs mollitudo, ad hauriendū spiritū aptissima, qui tum se cōtrahunt aspirātes, tum se spiritu dilatant, ut frequenter ducatur cibus animo


malis, quo maxime aluntur animantes. Ex intestinis autem & aluo secretus à reliquo cibo succus is quo alimur per=manat ad iecur, per uías quasdam à medio intestino usque ad portas iecoris. Sic enim appellant ductas & directas uías quę pertinent ad iecur, per quas cadit cibus à iecore dilapsus. Ab eo cibo cum est secreta bilis, ijꝑ humores qui è renibus profunduntur, reliqua se in sanguinem uertunt, ad easdem quę portas iecoris confluunt, ad quas omnes eius uíæ pertinent: per quas lapsus cibus ex hoc ipso loco in eam uenam quę caua appellatur, confunditur, perqꝫ eam ad cor confectus iam coctusqꝫ perlabitur. A corde autē in totum corpus distribuitur per uenas admodum multas, in omnes partes corporis pertinētes. Quemadmodum autē reliquiæ cibi depellantur, tum astringētibus sese intestinis, tum relaxantibus, haud sanē difficile dictu est, sed tamen prætereundū est, ne quid habeat in iucunditatis oratio. Illa potius explicetur. incredibilis fabrica naturę, Nam quæ spi.
ritu

ritu in pulmones anima ducitur, ea cale-
 scit primum ab ipso spiritu, deinde coagi-
 tatiōe pulmonum, ex eaq̃ pars redditur
 respirando, pars concipitur cordis parte
 quadā, quā uentriculū cordis appellant.
 Cui similis alter adiunctus est, in quē san-
 guis à iecore per uenā illā cauam influit:
 eoq̃ modo ex his partibus & sanguis per
 uenas in omne corpus diffunditur, & spi-
 ritus per arterias. Vtræq̃ autem crebræ
 multæq̃ toto corpore intextæ uim quan-
 dam incredibilem artificiosi operis diui-
 niq̃ testantur. Quid dicam de ossibus,
 quæ subiecta corpori mirabiles commis-
 sura habent, & ad stabilitatem aptas, &
 ad artus finiendos accommodatas, &
 ad motū, & ad omnem corporis actio-
 nem? Huc adde neruos, à quibus artus
 continentur, eorumque implicationem
 corpore toto pertinentem: qui sicut ue-
 næ & arteriæ à corde tracti & profe-
 cti in corpus omne ducuntur. Ad hanc
 prouidentia naturæ tam diligentē tamq̃
 solertē adiungi multa possunt, è quibus

intelligatur quantę res hominibus à dñs
quamq̃ eximię tributę sint. Quę primū
eos humo excitatos, celsos et rectos con
stituit, ut deorū cognitionem cœlum in
tuentes capere possent. Sūt enim ex ter
ra homines non ut incolę aut habitato
res, sed quasi spectatores supernarum re
rum atq̃ cœlestium, quarū spectaculum
ad nullum aliud genus animātium perti
net. Sensus autē interpretes ac nunciij re
rum in capite tanquā in arce mirifice ad
usus necessarios & facti & collocati sunt.
Nam oculi tanquam speculatores altissi
mum locū obtinēt, ex quo plurima con
spicientes fungantur suo munere. Et au
res cum sonum percipere debeant, qui
natura insublime fertur, recte in altis cor
porū partibus collocatę sunt. Itemq̃ na
res, eo qđ omnis odor ad superiora fer
tur, recte sursum sunt: & quod cibi & po
tionis iudiciū earum magnum est, nō si
ne causa uicinitatē oris secutę sunt. Iam
gustatus qui sentire eorum quibus uesti
mur genera deberet, habitat in ea parte
oris, qua esculentis & poculentis iter na
tura

tura patefecit. Tactus autem toto corpore æquabiliter fusus est, ut omnes ictus, omnesque nimios & frigoris & caloris appulsus sentire possimus. Atque ut in ædificijs architecti auertunt ab oculis naribusque dominorum ea quæ profluentia necessario tetri essent aliquid habitura, sic natura res similes procul amādauit à sensibus. Quis uero opifex, præter naturā, qua nihil potest esse callidius, tantā solertiam persequi potuisset in sensibus: quæ primum oculos membranīs tenuissimis uestiuit & sepsit, quas primū perlucidas fecit, ut per ea cerni posset: firmas autē, ut continerent: sed lubricos oculos fecit & mobiles, ut declinarent si quid noceret, & aspectū quō uellent, facile cōuerterent. Aciesque ipsa qua cernimus, quæ pupilla uocatur, ita parua est, ut ea quæ nocere possint, facile uitet: palpebræque quæ sunt tegumenta oculorum, molliissimæ tactu, ne delerent aciem aptissime factæ & ad claudendas pupillas nequid incidere, & ad aperiēdas: Idque prouidit ut identidem fieri posset cū maxīma celeritate.

b 3



munitæq; sunt palpebræ tanq; uallo pilorum, quibus & apertis oculis si quid incideret repelleretur, & somno conuiuentibus, cum oculis ad cernendū nō egere mus, ut tanq; inuoluti quiescerēt. Latēt præterea utiliter, & excelsis undiq; partibus sepiuntur: Primū enim superiora supercilijs obducta sudorē à capite & fronte defluentē repellunt. Genæ deinde ab inferiore parte tutant subiectæ, leuiterq; eminentes. Nasus ita locatus est, ut quasi murus oculis interiectus esse uideatur. Auditus autem semper patet: eius enim sensu etiam dormientes egemus, à quo cum somnus acceptus est, etiā ex somno excitamur. Flexuosum iter habet, ne qd intrare possit, si simplex & directum patēret. Prouisum etiam, ut si qua minima bestiola conaretur irrūpere, in sordibus aurium tanquam in uisco inhæresceret. Extrā autem eminent quæ appellātur aures, & tegendī causa factæ tutandiq; sensus, & ne adiectæ uoces laberentur atq; errarent priusquam sensus ab his pulsus esset; sed duros & quasi corneos habent introitus

introitus, multisq; cum flexibus, quod his naturis relatus amplificatur sonus. Quocirca & in fidibus testudine resonatur, aut cornu, & ex tortuosis locis & inclusis referuntur ampliores. Similiter nares, quæ semper propter necessarias utilitates patent, cōtractiores habent introitus, nequid in eas quod noceat possit pervadere: humoremq; semper habent, ad pulverem multaq; alia depellenda non inutilem. Gustatus præclare septus est: ore enim continetur, & ad usum apte & ad incolumitatis custodiã. Omnisq; sensus hominum multò antecellit sensibus bestiarum. Primum enim oculi in his artibus, quarum iudicium est oculorum, in pictis, fictis, celatisq; formis, in corporũ etiã motione ac gestu multa cernunt subtilius: Colorũ etiam & figurarũ, tum venustatẽ atq; ordinẽ, & (ut ita dicã) decentiã oculi iudicant: Atq; etiã alia maiora: nam & uirtutes & uitia cognoscũt, iratũ, propitiũ, lætantẽ, dolentẽ, fortẽ, ignauũ, audacem, timidumq; cognoscũt. Auriũ itẽ est admirabile quoddã artificiosumq;

iudicium, quo iudicatur & in uocis & in
ribiarum, neruorumq; cātibus uarietas,
sonorum interualla, distinctio, & uocis
genera permulta, canorum, fuscum, le-
ne, asperū, graue, acutum, flexibile, du-
rum: quæ hominum solum auribus iu-
dicantur. Narium item & gustandi arte
& tangendi magna iudicia sunt, ad quos
sensus capiendos & perfruendos plures
etiā q̃ uellem artes repertæ sunt: per-
spicuū est enim quō compositiones un-
guentorum, quō ciborum conditiones,
quō corporū lenocinia processerint. Ad
usum autem orationis incredibile est ubi
diligenter attenderis, quanta opera ma-
chinata natura sit. Primū enim à pulmo-
nibus arteria usq; ad os intimū pertinet,
per quam uox principium à mente du-
cens percipit & funditur. Deinde in ore
sita lingua est finita dētibus: ea uocē im-
moderate profusam fingit & terminat,
quæ sonos uocis distinctos & pressos ef-
ficat, cum & ad dentes & ad alias partes
pellit oris. Itaq; plectri similem linguam
nostri solent dicere, chordarum dentes,
nares

nares cornibus, his quæ ad nervos resonant in cātibus. Quàm uero aptas, quāq; multarum artium ministras manus natura homini dedit: digitorum enim contractio facilis, facilisq; porrectio ppter molles cōmissuras & artus nullo in motu laborat: Itaq; ad pingendum, fingendum, ad sculpēdum, ad uerborum eliciendos sonos ac tibiarum, apta manus est ad motionem digitorum: atq; hæc oblectationis, illa necessitatis, cultus dico agrorū, extructionesq; tectorum, & reliqua. Atq; hæc Cicero de corpore humano ieiune & exiliter, ut Lactantio uiro eloquentissimo, ut mihi uero homini nō disertio uideri solet, mirabiliter ac diuinitus elocutus est. Nūc de ipso Lactantio uideamus, quē in libro de Opificio hominis sic deserentem legisse meminimus: Cum igitur statuisset deus ex omnibus animalibus solū hominem facere cœlestem, cætera uniuersa terrena, hunc ad cœli contemplationem rigidū erexit, bipedemq; constituit, scilicet ut eadem spectaret unde illi origo est. Illa uero depressit ad ter

ram, ut quia nulla his immortalitatis expectatio erat, toto corpore in humū proiecta uentri pabuloq; seruirēt. Hominis itaq; solius recta ratio, & sublimis status, & uultus deo patri communis & proximus, originem suam fictoremq; testatur. Eius propē diuina mens, quia non tantū animantium quæ sunt in terra, sed etiam sui corporis est sortita dominatū, in summo capite collocata tanquā in arce sublimi speculatur omnia & contuetur. Hāc eius ~~uulam~~ deus non obductam porrectamq; formauit, ut in mutis animalibus, sed orbi & globo similem: quod orbis rotunditas perfectæ rationis est ac figuræ. Eo igitur mens & ignis ille diuinus tanquam cœlo tegitur, cuius cum summum fastigium naturali ueste texisset, priorem partē, quæ dicitur facies, necessarijs membrorum ministerijs et instruxit pariter et ornauit: Ac primū oculorum orbes concauis foraminibus conclusit, à quo forastu frontem nominatam Varro existimauit: & eos neq; minus neque amplius q̃ duos esse uoluit, quod ad speciem nullus est

à quo front.

est perfectior numerus quàm duorum: Sicut & aures duas, quarum duplicitas incredibile est quantam pulchritudinẽ præ se ferat, quod tum pars utraq; similitudine ornata est: tum ut uenientes extrinsecus uoces facilius colligantur. Nam & forma ipsa miradum in modum ficta, quod earum foramina uoluit esse nuda, & inobsepta: quod & minus decorum & minus utile fuisset, quoniã simplicium cauernarum angustias præteruolare uox posset & spargi, nisi perceptam per cauos sinus & repercussam retentam foramina ipsa conueherent: illis similima uasculis, quibus impositis solent angustiora uasa impleri. Eas igitur aures noluit deus artifex mollibus pelliculis informare, quæ pulchritudinem demerent pendulæ ac flaccientes: neq; duris atq; solidis ossibus, ne ad usum inhabiles essent immobiles ac rigentes: sed quod esset earum medium excogitauit, ut eas cartilago mollior alligaret: & habent aptam simul & flexibilẽ firmitatem. In his audiendi tantum officium constitutum est, sicut in oculis uidendi,

quorū præcipue inexplicabilis est & mira subtilitas, quia eorū orbes gemmarū similitudinem præferētes, ab ea parte quauidendū fuit membranīs perlucētibus texit, ut imagines rerum contrapositarū tanquam in speculo refulgentes ad sensum intimum penetrarent. Ineffabilis ergo diuinæ prouidentię uirtus fecit duos simillimos orbes, eosq; ita deuinxit, ut nō in totum conuerti, sed moueri tamen & flecti cum modo possent. Orbes autem ipsos humoris puri & liquidi plenos esse uoluit, in quorum media parte scintillæ luminum conclusæ tenerentur, quas pupillas nuncupamus: in quibus puris ac subtilibus cernendi sensus ac ratio continetur. Per eos igitur orbes seipsam mēs intendit, ut uideat; miraq; ratione in unū miscetur & coniungitur amborum luminum uisus. Vt igitur oculi munitiores essent ab iniuriā, eos ciliōrū tegminibus occultuit: unde oculos dictos esse Varro ni placet. Nam & ipsæ palpebræ, quibus mobilitas inest, palpitatio uocabulū tribuit: & pilis in ordine stantibus uallatæ,
septū

septum oculis decentissimum præbent:
 quarum motus assiduus incomprehen-
 sibili celeritate concurrens, & uidendi te-
 norem non impedit, & reficit obtusum.
 Acies enim, id est membrana illa perlu-
 cens, quã siccari & obarescere non opor-
 tet, nisi humore assiduo tersa pure nite-
 at, obsolescit. Quid ipsa superciliorum
 fastigia pilis breuibus adornata? nõne
 quasi aggeribus & munimentum oculis
 nequid superne incidat, & speciẽ simul
 præstant? Ex quorũ confinio nasus exo-
 riẽs, & ueluti æquali porrectus iugo, ue-
 ramq; aciem simul & discernit & munit.
 Inferius quoq; genarum non indecens
 tumor, in similitudinem collium leuiter
 exurgens, ab omni parte oculos efficit
 tutiores: prouisumq; est ab artifice sum-
 mo, ut si quis fortẽ uehemẽtior ictus ex-
 titerit, eminentibus repellatur. Nasi ue-
 ro pars superior usq; ad medium solida
 formata est: inferior autẽ cartilagine ad-
 hæret molli, ita ut ad usum digitorũ pos-
 sit esse tractabilis. In hoc autẽ quãuis sim-
 plici membro, tria sunt officia cõstitutata:

48 70
unum ducendi spiritus: alterum capiendi odoris: tertium, ut per eius cauernas purgamenta cerebri defluant: quas ipse deus tam mirabili quàm diuina ratione molitus est, ut tamen hiatus nasi oris speciem non deformaret, quod erat planè futurum si simplex foramen patèret. At id, ueluti pariete per medium ducto, intersepsit atq; diuisit, fecitq; ipsa duplicitate pulcherrimū. Ex quo intelligimus quantum dualis numerus una & simplici compage solidatus, ad rerū ualeat perfectiorem. Nam cum sit corpus unum, tamen totum ex simplicibus membris constare non poterat, nisi ut essent partes uel dextræ uel sinistræ. Itaq; ut pedes duo, & itē manus, non tantum ad utilitatem aliquā usumq; uel gradiendi uel faciendi ualēt, sed ad habitū decoremq; admirabilē conferunt: sic & in capite, quod totius diuini operis quasi culmē est, & auditus in duas partes, & uisus in duas acies, & odoratus in duas nares à summo artifice diuisus est: quia cerebrum in quo sentiendi ratio est, quamuis sit unum, tamen in duas partes

tes membrana interueniēte discretū est. Sed & cor, quod sapiētiae domiciliū uide-
tur, licet sit unū, duos tamen intrinsecos
sinus habet, quibus fontes uiui sanguinis
continentur, septo intercedente diuisi: ut
sicut in ipso mundo summa rerū, uel de
simplici duplex, uel de duplici simplex &
gubernat & continet totū, ita in corpore
de duobus uniuersa cōpacta indissocia-
bilem prætenderent unitatē. Oris quoq;
species & rictus ex transuerso patefactus
q̃ utilis quamq; decēs sit, enarrari nō po-
test, cuius usus in duobus cōstat officijs,
sumēdi uictus & eloquēdi. Lingua intus
inclusa, quæ uocē motibus suis in uerba
discernit, & est interpres animi, nec tamē
sola potest per se loquendi munus adim-
plere, nisi acumen suū palato illiserit, nisi
adiuta uel offensione dentiū, uel cōpres-
sione labiorū. Dentes tamē plus cōferūt
ad eloquendū: nam & infantes non ante
incipiūt fari, q̃ dētes habuerint: & senes
amissis dentibus ita balbutiunt, ut ad in-
fantiā reuoluti denuo esse uideātur. Atq;
ipso ne nudī ac restricti magis horrore

quàm ornamento essent, gingiuvis molli-
bus, quæ à gignēdis dentibus nominan-
tur, ac deinde labiorum tegminibus ho-
nestauit: Quorum durities sicut in mola-
ri lapide maior est & asperior q̃ in cæte-
ris ossibus, ut ad conterendos cibos, pa-
bulumq̃ sufficeret. Labra ipsa, quæ qua-
si antea cohærebant, quàm decenter in-
tercidit: quorū superius sub ipsa medie-
tate nariū lacuna quadam leui, quasi ual-
le signauit, inferius honestatis gratia fo-
ras molliter explicauit. Nam quod atti-
net ad saporē capiendū, fallitur quisquis
hunc sensum palato inesse arbitrat: Lin-
gua est enim qua sapores sentiūtur: nec
tamen tota: nam partes eius, quæ sunt ab
utroq̃ latere teneriores, saporem subti-
lissimis sensibus trahunt: Et cum neq̃ ex
cibo quicquam, neq̃ ex potione minua-
tur, tamen inenarrabili modo penetrat
ad sensum sapor eadem ratione qua ni-
hil de quacunque materia odoris decer-
pit. Cætera quàm decora sint, uix expri-
mi potest. Deductum clementer à genis
mentum, & ita inferius cōclusum, ut acu-
men

men eius extremum signare uideatur leuiter impressa diuísio. Rígídum ac teres collū, scapulæ uelut mollibus iugis à ceruice demissæ, ualida & substricta neruis ad fortitudinem brachia, insignibus toris extantum lacertorum ingens robur, utilis ac decens flexura cubitorum. Quid di *Mirabile*
cam de manibus, rationis ac sapientiæ mi *in mani-*
nistris? quas solertissimus artifex plano, *bus artifi-*
ac modice concauo sinu fictas, ut si quid *cium.*
tenendū sit, apte possit insidere, in digitos terminauit: in quibus difficile est expedi-
re, utrum ne species an utilitas maior sit: Nam & numerus perfectus ac plenus,
& ordo & gradus decentissimus, & arti-
culorum parium curuatura flexibilis, &
forma unguium rotūda concauis tegmī-
nibus digitorum fastigia comprehendēs
ac firmans, ne mollitudo carnis in tenen-
do cederet, magnum præbet ornamen-
tum. Illud uero ad usum miris modis ha-
bile, quod unus à cæteris separatus, cum
ipsa manu oritur, & in diuersum matu-
rius finditur: qui se uelut obuium cæte-
ris præbens, omnem tenendi faciendiq;

Pollex un
de.

rationē uel solus uel præcipue possidet,
tanquam rector omnium & moderator:
Vnde etiā pollicis nomen accepit, qđ ui
& potestate inter cæteros polleat. Duos
quidem articulos extantes habet, non ut
alijs ternos, sed unus ad manus carnē ne-
citur pulchritudinis gratia: si enim fuisset
tribus articulis & ipse discretus, foeda
& indecora species ademisset manibus
honestatem. Nam pectoris latitudo sub-
limis, & exposita oculis, mirabilem præ-
se fert habitus sui dignitatem: Cuius hæc
causa est, quod uidetur hominem solum
deus ueluti supinum formasse: nam ferè
nullum animal in tergum iacere potest:
muras autem animantes, quasi ἀπρον, al-
terno latere iacentes finxisse, & ad terrā
compressisse. Idcirco illis angustum pec-
tus, & ab aspectu remotum, & ad terrā
uersus abiectum: homini autem patens
& erectum, quia plenum rationis à cœlo
datæ, humile aut indecens esse non de-
buit. Papillæ quoq; leuiter eminentes, &
fuscioribus ac paruis orbibus coronatæ,
nonnihil addunt uenustatis: foeminis ad
alendos

alendos foetus datæ, maribus ad solum decus, ne informe pectus & quasi mutillum uideretur. Huic subdita est planities uentris, quā mediā ferē umbilicus non indecenti nota signat, ad hoc factus, ut per eum foetus dum est in utero nutriatur. Sequitur necessariò ut de internis quoq; uisceribus dicere incipiamus, quibus non pulchritudo, quia sunt abditæ, sed utilitas incredibilis attributa est. Quoniā opus fuit, ut terrenum hoc corpus succo aliquo de cibis & potibus aleretur, sicut terra ipsa imbribus ac pruinis, prouidentissimus artifex in medio eius receptaculū cibis fecit: Quibus concoctis & liquefactis, uítales succos membris omnibus dispertiret. Sed cum homo constet ex corpore & animā, id quod suprà dixi receptaculum soli corpori præstat alimentum: Animæ uero aliam sedē dedit; fecit enim quoddā genus uiscerū molle atq; rarū, qđ pulmonē uocamus, eumq; non in uteri modū sinxit, ne effunderetur simul spiritus aut inflaret simul. Ideoq; ne plenū quidē uiscus effecit, sed

inflabile atq; aëris capax, ut paulatim spiritum reciperet, dum uitalis uentus per illam spargitur raritatem: & eundem rursus paulatim redderet, dum se ex illo explicat. Ipsa enim uicissitudo spirandi respiciendiq; tractus, uitam sustentat in corpore. Quoniā ergo duo sunt in homine receptacula, unum aëris, quod alit animā: alterum ciborum, quod alit corpus: duas per collum esse fistulas necesse est, cibalem & spiritalem: quarū superior ab ore ad uentrem ferat, inferior uero à naribus ad pulmonem. Quarum natura & ratio diuersa est: Ille enim qui est ab ore transitus mollis effectus, & qui semper clausus cohæreat sibi, sicut os ipsum: quoniā potus & cibus dimota & patefacta gula, quia corporales sunt, spacium sibi transmeandi faciunt. Spiritus contra, qui est incorporealis ac tenuis, quia spacium sibi facere non poterat, accepit uiam patētem, quæ uocatur gurgulio. Is constat ex ossibus flexuosis ac mollibus, quasi ex annulis in cicutæ modum inuicem compactis & cohærentibus, patetq; semper hic trās-

*Spiritus ci-
biq; mea-
tus diuersi*

tus: Nullam enim requiem meandi potest habere spiritus: quia is qui semper comeat, demissa utiliter de cerebro membri portione, cui uua nomen est, uelut occursu quodam refrenatur, ne aut teneritudinem domicilij cum impetu ueniens attracta pestilenti aura corrumpat, aut toram nocendi uiolentiam internis receptaculis perferat. Ideoque etiam nares breuiter sunt aperte, quæ idcirco sic nominantur, quia per eas uel odor uel spiritus nare non desinit. Tamen huic fistulæ spiritali non tantum ad nares, uerum ad os quoque iter patet in extremis palati regionibus: ubi se colles faucium spectantes uuam, tollere incipiunt in tumorem: cuius rei causa & ratio non obscura est. Loquendi enim facultatem non haberemus, si sicut iter gulæ ad os tantum, ita & gurgulio ad nares tantum pateret. Aperuit igitur uia uoci diuina solertia ex illa fistula spiritali, ut posset lingua ministerio suo fungi, & uocis ipsius inoffensum tenorem pulsibus suis in uerba concidere. Cibi uero in aluum recepti, & cum potus humore per-

mixti, cum iam calore percocti fuerint, eorū succus inenarrabili modo per membra diffusus, irrigat uniuersum corpus & uegetat. Intestinorum quoq; multiplices spiræ ac longitudo in se conuoluta, uno tantum substricta uinculo, quàm mirificū dei opus est? Nam ubi maceratos ex se cibos aluus emiseric, paulatim per illos interiorum anfractus extruduntur, ut quicquid ipsis inest succi, quo corpus alitur, membris omnibus diuidatur. Et tamen ne qui fortē obhæreant ac resistent, quod fieri poterat propter ipsorum uoluminum flexiones in se sæpe redeūtes, & fieri sine pernitie non poterat, oppleuit ea intrinsecus crassiore succo, ut purgamenta illa uentris ad exitus suos facilius per lubricum niterentur. Illa quoq; ratio subtilissima est, quod uesica, cuius usum uolucres non habent, cum sit ab intestinis separata, nec ullam habeat fistulam, quæ ex illis urīnam trahat, completur tamen & humore distenditur. Id quomodo fiat, non est difficile peruide-
re: Intestinorum enim partes quæ ab al-
uo

ad cibum, potumq; suscipiunt, patentiores sunt quàm cæteræ spiræ, & multò tenuiores: hæ uesicam complectuntur & continent, ad quas partes cum potus & cibus mixti peruenerint, fimum quidem crassius fit, & transmeat: humor autem omnis per illam teneritudinem percolatur, eumq; uesica, cuius æque tenuis subtilisq; membrana est, absorbet ac colligit, ut foras quâ natura exitum patefecit emittat. De utero quoque & conceptione, quoniam de internis loquimur, dici necesse est, ne quid præterisse uideamur: quæ quanquam in operto lateant, sensum tamen atque intelligentiam latere non possunt. Vena in maribus quæ semen continet, duplex est, paulò interior quàm illud humoris obscœni receptaculum: sicut enim renes duo sunt, itemq; testes, ita & uenæ seminales duæ, in una tantum compage cohærentes. Ipsum semen quidam aiunt, ex omni corpore ad uenam genitalem confluere. Et reliqua huiusmodi prosecutus, paulò post ita inquit: Ego ipsorum genitalium

membrorum nunc mirificam rationē poteram exponere, nisi me pudor ab huiusmodi sermone reuocaret. Itaque à nobis indumento uerecundię quę sunt pudenda uelentur. Quid reliquæ corporis partes, num carent ratione ac pulchritudine; cōglobata in nates caro, quàm sedendi officio apta; & eadem firmior quàm in cæteris membris, ne premente corporis mole, ossibus cederet. Item femorum deducta & latioribus toris ualida longitudo, quò facilius onus corporis sustineret quam paulatim deficientē in angustū genua determinant: quorum decentes nodi flexuram pedibus ad gradiendum sedendumq; aptissimā præbent. Item crura non æquali modo ducta, ne indecens habitudo deformaret pedes: sed teretibus suris clementer extantibus sensimq; tenuatis, et firmata sunt et ornata. In plantis uero eadem quidem, sed tamen longe dispar q̃ in manibus ratio est: quæ quoniam totius corporis fundamenta sunt, mirificus eas artifex non rotūda specie, ne homo stare non posset, neue alijs ad standum

Pedū descriptio.

standū pedibus indigeret, sicut quadrupedes, sed porrectiores longioresq̃ formauit, ut stabile corpus efficerent planitie sua: Vnde illis inditum nomē est. Digi-
 titi æque totidem, quot in manibus, speciem magis q̃ usum præferentes, ideoq̃ & iuncti & breues, & gradatim cōpositi: quorum qui est maximus, quoniā illum sicut & in manu discerni à cæteris opus non erat, ita in ordinem redactus est, ut tamē ab alijs magnitudine ac modico interuallo distare uideatur. Hæc eorū speciosa germanitas, non leui adiuumento nifum pedum firmat; cōcitari enim ad cursum nō possumus, nisi digitis in humum pressis, soloq̃ nitentibus, imperū saltūq̃ capiamus. Atque hæc omnia Lactantius de corpore humano mirabiliter profectio ac diuinitus explicasse deprehendit: & tamen ipse multa de industria prætermisisse cōfirmat, quæ usq̃ adeò dubia & obscura esse uidebātur, ut nemo eorum uim rationemq̃, nisi fabricator ille omnipotentissimus, clare & aperte perspicere potuisset. Cum igitur ea superius enara-

rauerimus quę de corpore humano duo
diuini homines, & Latinę linguę illustra
tores, perpetuis literarum monumentis
mandare non dubitarunt: reliquum est
ut quid de eisdē rebus physici senserint,
qui accuratam quandam humani corpo
ris anatomiam scriptam reliquēre, uel pa
rumper uideamus. Quoniam uero hęc
prædicti corporis fabricatio cæteris ani
māibus longe dignior atq; admirabilior
esse uidetur, nō absurdū fore putamus, si
anteq̃ ad membra particularia sigillatim
descēdamus, aliqua memoratu digna de
corporis nostri excellētia, cunctorumq;
aliorum differentia, breuiter disseramus.
Corpus igitur nostrū, si diligenter & ac
curate proprias eius condiciones, & non
nullas præcipuas qualitates cōsideraue
rimus, cū figura, tum generali & uniuers
ali magisterio, tum quoq; necessaria qua
rundā superfluarū partiū carentia, tribus
peculiaribus & egregijs dotibus, cætera
om̃ia multū admodū excellere, ab alijsq;
differre distareq; comperiemus. Figura,
ut de singulis pauca quædam breuissime
refera

referamus, cæterarum omnium nobilissima, ita intuentibus apparet, ut de ea nullatenus ambigi dubitariue possit. Nam sic rigida & recta est, ut cunctis alijs animantibus in terram pronis humiq; depressis, quasi solus eorū omnīū dominus & rex & imperator, in uniuerso terrarū orbe non immeritò dominari ac regnare & imperare uideatur. Cuius quidem erectionis & staturæ cum causas quæreremus, quatuor duntaxat apud physicos fuisse reperiēbamus. Prima erat materiæ leuitas: quæ cum esset spūmōsa & aërea, præsertim si cū ceteris animantibus compararetur, ab alijs causis adiuta in altum eleuabatur. Secunda, caloris magnitudo efferebatur: quippè humanum corpus eiusdem quantitatis animalibus ampliorē & intensiorem calorem habere perhibetur & creditur. Tertio loco formæ perfectio accedebat: perfectissima enim humanæ intelligentiæ forma excellentissimam atque rectissimam figuram exigebat. Quarta ratione finis ostēdebatur: Nā homo suapte natura ad intelligendū

natus & institutus erat: in quo quidem eius proprio & peculiari officio, nobilitas & excellentia uisus & auditus, sensuū (ut ita dixerim) sensatorum ac sagacium, apprime sibi famulantur & seruiunt: quod efficere nequaquam potuissent, nisi editum aliquem & eminentem locum positionibus suis obtinuissent. Cuius similitudinem in urbium oppidorumque praesidibus & gubernatoribus prospicere & intueri licet, qui in altis magnarum turrium aedificationibus arduisque artium munitio nibus, urbanorum custodum habitacula construere & aedificare consueuerunt. Circa secundam uero differentiam uel potius excellentiam considerandum est, quod pleraque animalia ad alicuius siue artis siue artificij participationem naturali quodam instructu inclinata feruntur, quod in araneis & apibus atque hirundinibus & alijs quibusdam solertibus animantibus manifeste deprehenditur. Hoc autem rationale idcirco à natura ita factum itaque institutum esse creditur, ut ad cuiuslibet artis, non ad unius soli perceptionem, aptius

habiliusq̃ oriretur: si enim homo ad cer-
 tam quandā artem, ceu de araneis & api-
 bus dicitur, à natura instructus accessis-
 set, profectò quemadmodum illis anima-
 libus contigisse uidemus, cæteris penè
 omnibus exercitijs & professionibus ca-
 ruisset. At uero ei datæ & exhibitæ fue-
 runt manus, ut per huiusmodi non inani-
 mata, sed quasi uiua instrumenta, & (ut in-
 quit Aristoteles) organorum organa, ua-
 ria diuersarum artium iam perceptarum
 opera & officia exercere & exequi pos-
 set. Quocirca multis superfluis & super-
 uacaneis partibus, ut cornibus, rostris,
 aduncis unguibus, uillosis pellibus, pin-
 nis & squamis, caudisq̃, & huiusmodi
 deformationibus omnino caruisse existi-
 matur & creditur. Cum itaq̃ de talibus
 humani corporis uel differentijs uel ex-
 cellentijs pauca hæc retulerimus, restat
 ut ad particularia eius membra breuiter
 accedamus: nō enim in præsentiarum id
 agimus, ut cūcta illa referamus quæ Ari-
 stoteles & Albertus summi philosophi
 in suis illis præclaris & decantatis anima-

lium uoluminibus, nec ea insuper quæ Galenus & Auicenna excellētissimi medicinæ artis autores, in proprijs ipsarum anatomiarū codicibus tradiderūt. Hanc humani corporis fabricationem supra quæ dici potest admirantibus nobis, & solennem quandam ac diuinam diuersorum membrorū compactionem singulari admiratione sæpenumero cōsiderantibus, de ossibus primo, tanquam de necessarijs quibusdam futuri ædificij fundamentis: de extrinsecis deinde membris, quæ sensibus patent: tertio, de intrinsecis & occultis, breuius quoad fieri poterit, scribere ac referre placuit. Cunctorum ossium quæ in toto corpore reperiuntur (ut omissis particularibus, ne fortè in rebus superfluis nimis curiosi fuisse uideamur, & uniuersali quadam relatione contenti simus) partim uelut quædam reliquorum membrorū fundamenta putantur, quoniam in his, ceu in nonnullis solidis fundamentis, totum corpus constructum & fabricatum esse conspicitur: qualia sunt dorsi spondyli: hæc enim nō aliter

aliter humani corporis cernuntur, quàm illud lignū alicuius nauis uideatur quod in ea primum collocatur & ponitur: Partim uero ita existimātur, uelut si clypeus quidam ad tuitionem & protectionē militis cuiusdam accommodaretur: Qualia sunt cranei ossa: Partim insuper uelut arma quædam perhibentur: nam his ipsis quasi armis quibusdam propugnatores offendere ac lædere cupientes longe repellunt, cuiusmodi minuta quædam ossa reperiuntur quæ à medicis sisamina nuncupantur: Partim deniq; uelut columnæ & bases ad suspensionem & erectionem aliquorum membrorum institutæ uidentur: Quale esse dicitur lambdæ os, sic ad similitudinē Græci illi⁹ characteris nūcupatū. Quorū omniū quātæ & quales sint in corpore nostro utilitates uarijs necessitatibus cōditæ, quoniā difficile dictū est, & nimis supuacaneū esset si singula quæq; psequeremur: idcirco de industria prætermisimus, ad extrinseca mēbra celerissime ac breuissime festinātes. Pedes, ut ab inferioribus incipiamus, homini mouēdi

& ambulandi gratia dati sunt: Ideoq; ita instructi itaq; fabricati esse cernuntur, ut si aliter facti fuissent, officio suo fungi nequaquam potuissent. Mirabilis profectò est eorum forma: admirabilior muscutorum contextio: Admirabilissima omnium digitorum inter se cum tanto decore distinctio & separatio. Quid de tibijs & cruribus? Quid de genibus & coxis dicemus? nōne hæc omnia subtili quodam solertiq; artificio ita constructa esse uideamus, ut sponte sua moueri, & reliquum corpus ferre ac sustentare facile queant? De testiculis rursus ac pudendis, quanta solertia ad generandum instituta & procreata sint, explicare difficile foret. Quid insuper de uentre, umbilico, stomacho, thorace ac pectore & intestinis sentiemus? Quid præterea de spatulis & brachijs? Quid de cubitis & manibus? Quid de renibus & nucha? qd deniq; de collo & gutture referemus? nōne singula quæque tanto ac tam mirabili opificio cōstructa & fabricata fuisse conspiciamus, ut de deo humani corporis autore nullatenus ambigere

ambigere suspicari ue debeamus: de quibus sigillatim nōnulla memoratu digna scribere & literis mandare uoluissē, nisi nimiam orationis prolixitatem timuissē: quod de industria uitaui, præsertim cum plura doctissimorum & elegantissimorum hominum documenta superius à nobis recitata fuisse meminissē. Cæterum de capite, reliquis extrinsecis unà cū pulmone & hepate, splene & corde, intestinis & cūctis alijs interioribus omissis, quoniam idipsum cæterorum membrorum nobilissimum & præstantissimum esse iure existimatur & creditur, nonnulla excelsa & digna eius priuilegia paulò accuratius & diligentius recensēbimus. Quocirca ante omnia singulares quasdā totius ipsius cōditiones & præcipuas, deinde partium suarum qualitates, parumper attingemus. Plura de capite nostro etiā atq; etiā considerantibus nobis, præ cæteris mēbris data ei & exhibita priuilegia fuisse cōstabat. Primo nāq; ipsum nobiliori & excelsiori loco constitutum & collocatum, digniori deinde & ampliori

figura ornatum, postremo maiori quantitate præditum extitisse cōspiciebamus. Etenim ut de singulis pauca quædā breuissime simulatq; uerissime expediamus. Nimirum superiorem ac supremum arcis locū, ob sensus homini ad sciētiā & intelligentiā famulantes, obtinuisse perhibetur & creditur. Figuræ uero rotundæ ac sphæricę ita utrinq; pressæ, ut ante & retro aliqualiter tumidū, dextrorsum uero & sinistrorsum leuiter planū cerne retur, ob cerebri magnitudinē ac necessariam quandā uentriculorū suorū distinctionem, fuisse tradit. Talis quippe figura & cæterarū omniū capacissima est, & nisi in solo pūcto, quemadmodū à mathematicis planē & aperte demonstrat, tangi nequaquā potest. Proinde ea ipsum figura præditū & ornatū apparuisse uidemus, ut & cerebrū cū uarijs uentriculorum suorū distinctionibus caperet, simul atq; ab extrinsecis læsionibus tutaretur. Magnitudinis postremo et molis quantitas, præter aliqualem illius figuræ rotunditatem, ideo necessaria fuit, ut & ampli-

tudinem

tudinem cerebri, & quæ ab eo oriebantur, uenuste apteque cōplecterentur. Decem præterea præcipua & singularia in hoc nobilissimo atque dignissimo mēbro, à medicis medicinæque autoribus considerata fuisse legimus: de quorū singulis, ceu de capillis & cute, de carne ac pāniculo exteriori, de craneo, de duobus panniculis interioribus, de cerebro, de duobus item panniculis inferioribus, de rete insuper mirabili, & de osse passillari, sic enim ab illis nūcupatur, quædā enarrabimus. Capilli quāquam ex necessitate materiæ generati esse uiderētur, quoniam caput est in arce, uelut unicū quoddā et solū totius ædificij caminum, quō omnes corporis uapores & fumi rediguntur, ad necessitatem tamen finis, extrinsecarū scilicet læsionum tuitionem ac protectionem referuntur. Cutis ob duas duntaxat causas robusta ac grossa extitisse creditur, cum ut capilli in ea tanquam in tenaci quadam radice fortius figerentur, tum etiam quia honestum quoddam & solidū ossis & cerebri uelamen erat, quoniam supra

craneum nulli musculi extare & appare
 recernuntur. De carne in fronte, in tem-
 poribus, in mādibulis, extrinsecus appa-
 rēte, nihil aliud breuitatis causa dicimus,
 quàm si de aliquo pulchro cooperimēto
 ac uelamine diceremus. Panniculus ille
 exterior, ob tres præsertim utilitates insti-
 tutus & factus fuisse scribitur: primo ne
 craneum à cute, & rursus cutis à craneo,
 nullo mediante, tangeretur: deinde ut
 craneum per hunc panniculum sentiēdi
 uigorē pciperet, ac sentiret, quo sine ex-
 pers sensus, & (ut ita dixerim) insensatū
 remansisset: postremo, ut mediatore hoc
 panniculo, dura mater à craneo suspen-
 deretur. Etenim hic pāniculus ex nervis
 & ligaminibus generatur, quæ à dura ma-
 tre per commissuras & poros cerebri ex-
 tra craneum penetrare uidetur. Craneū,
 os magnum cerebrum ipsum ab extrin-
 secus penitus circundans, à medicis defi-
 nitur: in cuius concauitate cerebrū, unde
 nerui ac sensus oriunt, cōstitutū & collo-
 catū esse cōfitemē & dicūt. Hoc autē unū
 & continuum ob multas ac diuersas cau-
 sas

las fieri non potuit: nam si unum & continuum fuisset, profectò nullatenus lædi offendiue ualuisset, ut læsio & offensio illa in totum non redundasset: Ac per hoc ea continuatio sibi multum admodū obfuisse. Deinde ut uapores plerunque ad caput ascendentes, per uarias iuncturas, diuersas compages, extra craneū expellentur. Postremo ut medicamentorū uires ac uirtutes, quodocunq; incumbēte necessitate expediret, ad cerebri substantiam penetrarēt. Post craneum duo panniculi cooperientes ac uelantes, idcirco demonstrantur, ne eius mollities à duritie & soliditate cranei ullatenus tangeretur: horum alter craneū ipsum sequitur, qui dura mater propter soliditatē ac duritiem appellat̃. Pia deinde mater accedit, sic ob mollitiem & humiditatē dicta, quæ mollis idcirco facta fuit, ne sua mollitie cerebrum lædere ualeret, & uenas insuper quasdam contineret, à quibus cerebrum aleretur & nutriretur. Cuius quidem cerebri tres, anteriorem scilicet & inter mediam ac posteriorem, principales partes

*Panniculo
rum cerea
bri usus.*

esse contēdimus: in quibus profectō sensus communis, ut uulgaribus physicorū & medicorum uerbis utamur, imaginatiua, extimatiua atque memoratiua facultas, quinque illi sensus interiores, tribus exterioribus prætermiſſis, admirabiliter profectō ac penē incredibiliter latēre & cōtineri cernuntur: quorum omnium quantā & quā mirabilis sit neruorum inter se contextio, & uicissitudinaria quædam colligatio, difficile dictū est. Accommodatissimi nanque, ut ita dixerim, loculi quinque illas intrinsecas, per cūctas philosophorum scholas iamdudum celebratas commemoratasque, uirtutes tanto ac tam mirabili artificio complectuntur, ut hoc singulare ac particulare opificiū, nisi ab omnipotenti deo nullatenus fieri potuisse intelligatur: qui quidem si optionem naturæ nostræ largiretur, ab eaque requireret, cōtentāne esset suis integris nobilitatisque membris, quæ ad formationem corporis pertinerent, an quicquid melius postularet, quid amplius quæreret: porro nescire atque ignorare confitemur. De panniculis inferioribus,

rioribus, de rete atq; passillari osse, reli-
 quis tribus, ne nimij simus, deinceps di-
 cere omittamus. Quæ ergo compositio
 membrorum, quæ cōformatio lineamen-
 torum, quæ figura, quæ species q̃ huma-
 na pulchrior aut esse aut excogitari pos-
 test? Quod cum illi ueteres sapiētissimiq;
 homines animaduernerēt, deos in huma-
 na se specie cōfiteri audebāt: quorū uesti-
 giā pleriq; ex nostris imitati, in quibusdā
 apostolorum ac martyrum, ceterorumq;
 sanctorum basilicis, deū instar hominis
 idcirco uoluerunt, ut ad diuinam cōtem-
 plationem rudibus ignarisq; hominibus
 aliquatenus opitularentur: quapropter
 non defuerunt doctissimi ac sapiētissimi
 uiri qui cum prædicta omnia, & alia hu-
 iusmodi humani corporis machinamēta
 diligenter & accurate contemplerentur,
 talem fabricationem instar mundi for-
 mam factam fuisse arbitrarentur: Vnde
 hominem à Græcis Microcosmū, quasi
 paruum mundū, appellatū fuisse putaue-
 rūt. Nec defuerunt etiā q̃ famosissimā illā
 & saluberrimā Noë arcā, in qua paruas

*Cur arcā
illam Noë
ad hominis
formā qui-
dam factā
putarint.*

quasdam humani generis, quod iam pe-
nè totū primo & generali diluuiō perie-
rat, reliquias incolumes remansisse noui-
mus, ex quibus reparati sumus, ad hanc
perfectissimam humani corporis fabricā
construētā fuisse propterea existimarēt,
quod propria ipsius sui longitudo à uer-
tice usq; ad uestigia, sexies tantum habet
quantum latitudo, quæ est ab uno ad alte-
rum latus: & decies tantum quantum al-
titudo, cuius altitudinis mēsurā in latere
à dorso ad uentrem reperitur: seu si iacen-
tem hominem supinum seu primum me-
tiaris, sexies tātum longus est à capite ad
pedes, quantum latus est à dextera in si-
nistram, uel à sinistra in dexteram: & de-
cies tantum quātum altus à terra: Proinde
de commemorata arca trecentorū in lon-
gitudine cubitorū, quinquaginta in lati-
tudine, & triginta in altitudine, facta fuisse
scribitur. Vir enim suapte natura pru-
dentissimus, & multarum quoq; rerum
experiētia, in tanta ac tam diuturna quin-
gentorum annorum uita (nam hac eius
ætate generale illud diluuiū, uniuersum
terrarū

terrarum orbem inundasse legimus) ap-
 prime edoctus, & diuino insuper quodā
 spiritu afflatus, cum hoc mirabile ac per-
 fectum hominis opificiū ab omnipoten-
 ti deo profluxisse & emanasse intellige-
 ret, tale tanti auctoris supremiꝑ magistri
 exemplum, sibi arcam fabricaturo, arcam
 inquam illā humani generis seruatricē,
 quod ipse maximus eorum temporum
 propheta, suis flagitijs facinoribusꝑ pe-
 riturum diuinitus acceperat, non immeri-
 tō ad fabricandum imitandumꝑ propo-
 suit. Et quanquam multa de hoc corpore
 nostro haecenus dixisse meminerimus,
 unum tamē de humana facie, cæteris for-
 tē mirabilius, in calce huius primi libri,
 taciti præterire non possumus. De quo
 cum beatus Augustinus satis superꝑ ad-
 mirari non posset, quodam loco hæc uer-
 ba posuit: Quis enim, consulta ratione, *Humanæ*
 non uiderit in hominū innumerabili nu- *faciei disti-*
 merositate, & tanta naturæ similitudine, *mutudo.*
 tam ualde mirabiliter se habere singulos,
 singulas facies, ut, nisi inter se dissimiles
 essent, nequaquam species eorum ab ani-

malibus ceteris discernere: Et rursus: nisi inter se dissimiles essent, nempe singuli à cæteris hominibus haudquāq̃ discernerentur. Quos ergo similes confitemur, eosdem dissimiles inuenimus. Sed multo mirabilior est consideratio dissimilitudinis: quoniam similitudinem natura communis iustius exposcere uideat̃. Illud uero ceteris omnibus mirabilius iure existimatur & creditur: quippe singula quæq̃ humani corporis membra tam subtili ratione ac tam diuinæ prouidentiae solertia formata cernuntur, ut tantūdem ad usus necessitatem, quantum ad pulchritudinē ualere uideantur. Si quis igitur, ut hanc primam nostri corporis particulam tandem aliquando cōcludamus, cuncta hæc & generalia & particularia humani corporis priuilegia, præcipuaq̃ munera diligenter & accurate animaduernerit, profecto ipsum ab omnipotenti Deo idcirco egregie ac mirabiliter fabricatum nō iniuria fuisse censebit, ut dignum quoddam simulatque accommodatum rationalis animæ receptaculū formaretur. Vnde cum
tales

tales tantasq; corporis nostri dignitates
 & excellentias esse uideamus, haudqua-
 quam mirari debemus, si antiquorum iu-
 storum funera, officiosa pietate curata *Mortuorū*
 sunt, & exequiæ celebratæ, & sepultura *exequiæ et*
 prouisa: quemadmodum ex pluribus ue- *sepultura.*
 teris & noui testamenti exemplis luce
 clarius apparet. Licet hoc totum huma-
 tionis genus idcirco à plerisque philoso-
 phis contemneretur, quoniam nulla de-
 functorum hominum corpora ullo una-
 quam tempore resurrectura arbitraban-
 tur. Nam & Tobias sepeliendo mortuos
 deum promeruisse, teste angelo, cōmen-
 datur. Et dominus noster die tertiā resur-
 rectorus, religiosę mulieris bonum opus
 prædicat, prædicandumq; cōmendauit,
 quod unguētum preciosum super mem-
 bra eius effuderit, atq; hoc ad eum sepeli-
 endum fecerit. In euāgelio etiā iñ laudan-
 tur, qui corpus eius de cruce acceptū dili-
 genter atq; honorifice tegendū sepelien-
 dumq; curarunt. Et, qđ mirabilius uideri
 debet, omnes patriarchæ & pleriq; pro-
 phetæ dū uiuerēt, pprijs testamētis curā

sepeliendorum & humandorū cadauerum suorum, domesticis & posteris relinquebant. Quod si animorum nostrorum uascula talia ac tam mirabilia esse uideamus, ut de deo eorum autore, iure dubitare suspicariue nequeamus, qđ de ipso animo peculiari quodam ac praeipuo omnium rerū thesauro dicemus? An usq; adeò hebetes & obtusi erimus, ut de diuino humanarum animarum autore titubemus, cum de hominū corporibus caeteris earum uasculis ac receptaculis idipsum planè & aperte sentiamus? Quod sequenti libro, quantum parui ingenij nostri facultas efficere conari ue poterit, quemadmodum ab initio promissimus, paulò latius & uberiorius explicabimus.

LIBRI PRIMI FINIS.

recōsulti Florentini, de dignitate &
excellētia hominis Liber II.



ELLEM nobis nunc de ani-
ma humana breuiter cōscri-
pturis, tantū ingenij facul-
tatis & eloquentiæ dari, si
optata fierent, ut in hac tam
obscura & tam abstrusa materia, de qua
philosophi uaria & inter se diuersa ac pe-
nē contraria scripsisse cōperiuntur, non-
nulla præcipua & singularia in medium
afferre possemus. Sed quoniam tantam
in rebus ipsis difficultatē inesse latereq;
cōspicimus, ut Cicero Romanæ eloquē-
tiæ princeps, cum de anima differeret, ac
quid foret in præclaro illo Tusculanarū
disputationum dialogo diligenter & ac-
curate perscrutaretur, magnam quandā
de eius origine, loco, & qualitate dissen-
sionē fuisse describat. Et Lactātiū quoq;
uir doctissimus atq; elegantissimus, cum
de eisdem cōditionibus in cōmemorato
de Opificio hominis opusculo inuestiga-

*Difficilis
animæ co-
gnitio.*

ret, in hunc modū scribens dixisse deprehenditur: Quid autem sit anima nondū inter philosophos conuenit, nec fortasse unq̃ cōueniet. Idcirco omnibus, quemadmodum dicitur, animi & corporis uiribus, aliqua fortasse non indigna maiestatis tuę lectione referre & explicare conabimur. Proinde ad perfectā & uerā eius definitionē, quo ad fieri poterat, anhelantes, ueterē Aristotelis morē in rebus serijs ac grauibus prosequi imitariq̃ decreuimus: qui in omnibus ferē libris suis ea antea recitabat, quæ à prioribus philosophis de illis rebus dicebant, de quibus ipse differere et disputare cōtendebat, eorūq̃ postea opiniōes sigillatim cōfutabat: atq̃ hæc omnia ideo faciebat, ut quid ipse sentiret, quādo cū cæteris cōpararetur, facilius & clarius appareret. Nos igit̃ certa quedā & solita tanti uiri uestigia, in recitandis duntaxat opinionibus antiquorū, breuiter imitabimur: nō em̃ ita arrogantes itaq̃ impudentes, neq̃ sumus neq̃ uideri uolumus, ut in tot & tantis occultarum rerum difficultatibus nostram sententiam

tentiā explicemus. Sed postquam ea ipsa recitarimus, recitataq; leuiter confutauimus, quæ philosophos suis puris naturalibus constitutos conscripsisse percipimus, ad nostros theologos, quibus hæc & cætera huiusmodi naturæ mysteria diuinitus reuelata fuisse constabat, tanquā in unum humanę salutis portum magnā iactati tempestate cōfugiemus. Cum autem nonnullos doctissimos simulatque elegantissimos uiros, præcipue Cicero-
nem & Lactantium, animum ab anima inter se differre uoluisse intelligamus, ut altero uiuere, altero uero sentire & sapere significatur, quoniam satis superq; satis esse arbitramur, ut magnis tam arduarum rerū difficultatibus opprimamur, de nomine minime laborādum fore censemus. Vnde quanquam utroq; ut suis locis aptius & accommodatius fieri posse uidebitur, pro eodem uteremur, animam tamen quā animū propterea crebrius frequentare maluimus, quoniam catholicos doctores nostros siue ex hebræa siue ex græca sacras scripturas in

Latinam linguam conuertentes, siue aliter quomodolibet explanātes, eo uerbo semper usos fuisse comperimus, quorū nos uenerāda ac sacrosancta uestigia tantummodo obseruare & imitari constitui mus: licet gentiles philosophi plerumq; animum, raro uero animam, posuerint.

1. Thales Milesius, ut ab antiquioribus ordiamur, quem in numero illorum septē celebratorū sapientū Romulo regnante extitisse, ac primum in philosophia clariuisse manifestum est, quanquam de anima particularem quandam mentionem nequaquam fecisse memoraretur, cum tamē aquam omnium rerum principium fuisse existimaret, atq; exinde cūcta mundi elementa, ipsumq; mundum, & quaecūq; in eo gignerētur, oriri & nasci opinaretur, animā ab aqua, sicut cætera, originem trahere, eius opinio iure cēsenda est.

2. Anaximander eius auditor, non ex aqua, ut magister, sed ex suis principijs infinitis omnia produci & progredi asserbat.

3. Cui Anaximenes succedens, infinitis illis præceptoris sui principijs aērē adhi-

adhibuisse perhibet. Anaxagoras eius 4
 discipulus, præter generalem quãdam
 de initijs rerum ex similibus inter se par-
 ticularis opinionẽ, de anima differẽs, rem
 seipsam mouentem esse & dixit & sen-
 sit. Diogenes alter Anaximenis auditor, 5.
 eam, quemadmodũ cætera, ad aëra unũ
 omniũ principiũ retulisse scribitur. Leu- 6.7.
 cippus & Democritus atomorũ, hoc est
 leuium & indiuiduorum corpusculorũ
 autores & principes, ex quibus omnia
 confici uolebant, animã nihilominus ca-
 lorẽ & ignem quendã esse arbitrabãtur.
 Heraclitus cognomento Scotinos, quo- 8
 niam de natura rerũ ita obscure scripsisse
 uidebatur, ut illius temporis philosophi
 perplexas eius sentẽtias uix sudantes in-
 telligere potuissent, eam ipsam uaporem
 subtilissimum cẽsebat. Empedocles qui 9
 de rebus naturalibus græcis carminibus
 scripsisse laudatur, quemadmodũ apud
 nos Lucretium latine fecisse nouimus, si
 Ciceroni credimus, animã esse dicit cor-
 di suffusam sanguinẽ. Si uero potius Ari- 10
 stoteli adhæremus, ex elementis eam fa-

cit. Hippias sophista aquam: Critias autē
12 illā sanguinē definiuit. Archelaus Ana-
13 xagoræ auditor siue ex similibus siue ex
dissimilib⁹ inter se particulis omnia quę-
cuncq; essent, & mentem & animum con-
14 stare arbitratus. Zenoni Stoico animus
15 ignis uidetur. Quem Aristoxenus musi-
cus idemq; philosophus harmoniā ut in
16.17 cantu & fidibus: Pythagoras uero ac Xe-
nocrates Platonis auditor, numerum se
18 ipsum mouentem putauerunt. Socrates
Archelai discipulus, omissis naturalium
rerum difficultatibus, quoniam eas aca-
demicorū more nullatenus sciri cogno-
scīue posse autumabat, ac propterea de
anima quid esset nil perscrutatus, sese ad
moralis philosophiæ studia conuerterat:
eam tamē immortalem & perpetuā esse
describit: Quemadmodū & Alemaon
nescio quis, & Pherecides Syrus antea
19 tradiderant. Hunc Socratem Plato cele-
berrimus eius discipulus postea secutus,
quamuis omnium philosophorum diser-
tissimus haberetur, de anima tamen ob-
scura quædam, ac metaphoris tropisq;
referta,

referta, pluribus librorum suorum locis ita locutus est, ut utique intelligi potuerit: ac pleraque in eum librum congesti, cuius titulus est, de immortalitate animorum, ex quibus eam potius suis quibusdam persuasionibus immortalem fore, quam quid proprijs descriptionibus esset, haurire et augurari ualeamus. Quod Cicero eo loco maxime sensisse uidetur ubi uerba hec posuit: Quid tibi ergo opera nostra opus est? Num eloquentia Platonem superare possumus? euolue diligenter eius eum librum qui est de animo, amplius quod desideres nihil erit. & paulò post ita subdit: Feci mehercule & quidem sapius, sed nescio quomodo euenit, dum lego assentior, cum posui librum, & mecum ipse de immortalitate animorum coepi cogitare, assensio illa omnis elabitur. Ex pluribus tamẽ eius dictis deprehendi & elici potest, eum idem sensisse, quod Pythagoram & Xenocratem: uel de substantia, quemadmodum ab Alberto philosopho traditur, uel de numero seipsum mouente, paulò superius

intellexisse diximus. Nec defuerūt etiam
qui eam ipsam cor esse opīnarentur: ex
quo plerique homines excordes, uecor=
des, cōcordesq; dicebantur. Aristoteles
insuper cū hęc omnia quæ ab antiquio=
ribus de anima ferebantur friuola & pe=
nè inania esse animaduерteret, quoniam
cunctæ ferè eorum opiniones ad res cor=
poreas referri uidebātur, præter elemen=
ta, quibus hęc corpora cōstare nō dubi=
tabat, prætermisiss duabus alijs eius defi=
nitionibus, *quintā naturā* esse uoluit, un=
de humana anima conficeretur: quā græ=
co & tunc nouo, sed nunc iam dudū per
omnes philosophorū scholas celebrato
nomine *ψυχή* appellauit: non quasi
continuatam, ut ait Cicero, motionem
& perennem, sed potius spiritalē quan=
dam humani corporis perfectionē: licet
ipse pluribus uerbis uteretur, quemad=
modū Auicenna & Auerrois exponere
& explanare uidentur. Varro deniq; etsi
diuinarū & humanarū rerum perfectissi=
mus putaret, quid tamē esset anima defi=
nīre uolens, eam aërem quendā ore con=
ceptum

ceptum, in pulmone deferuefactum, in corpore temperatū, & in totum corpus diffusum esse determinauit. Seneca uero 21 substantiā incorporeā rationis participē credebat. Contra quos omnes (Aristotele, cū ob dignā tantī philosophi uenerationē, tum ob subtilē quandā ac ueracē eius, licet non perfectā & ex omni parte absolutam, determinationē, semper excepto) dicendum breuiter existimamus. Nam quēadmodū nos de deo, rebusq; cōlestibus ac diuinis animaduertentes, magis quid nō sit, q̃ quid sit unūquodq; dicere et excogitare possumus: ita de anima humana cōsiderantes, eadem prope modū credere & existimare debemus: præsertim cū in omnibus obscuris rebus multo facilius falsa cōuinci, q̃ uera inueniri posse uideamus. Ad leuē uero illam prædictarū opinionū cōfutationem, quā nos facturos esse prædiximus, ea plurimum conferre ac satisfacere putauimus, quæ Ciceronē partim in Tusculanis disputationibus cōscripsisse, partim etiam in cōsolatione sua posuisse meminimus:

cuius uerba quoniam nobis summopere placuerunt, & ad nostrū propositū apprimē ualere uidebātur, in hoc loco ponere & hic scribere curauimus, sic enī ait: Animarū in terris nulla origo est, nam nihil est in animis mixtum ac concretum, aut quod ex terra natum ac fictum esse uideatur: nihil humidū quidem aut stabile, aut igneum: His enim in naturis nihil inest quod uim memorię, mentis, cogitationis habeat, quod & pręterita teneat, & futura pręuideat, & cōplecti possit pręsentia, quę sola diuina sunt: nec inuenimus unde ad hominē uenire possint, nisi à Deo. & reliqua. Aristoteles quippe uir sapientissimus, intelligentiā, uolūtatem, memoriā, naturalia quędā & cōmunia humanarum animarum munera, nisi mediantibus illis quorum propria dona esse uideantur, nullatenus prouenire posse excogitauit. Itaque omnia elementa, licet sola terra ab anima iuxta ueterū philosophorum traditiones, eo ipso recitante, separaretur: & non modo elementa, sed cuncta quęq; corporea, à spiritali eius natura merito

itò distinxisse & segregasse laudat. Hāc
 egregiam supradictorum penè omnium
 opinionū cōfutationē Cicero ab Aristotē
 le magistro (sic enim eum quodam lo
 co appellare non dubitauit) ex secundo
 de Anima sumpsisse & accepisse credi
 tur : In quo quidem libro cum ille ueræ
 philosophiæ princeps, animæ essentiam,
 sic enim interpretari placuit quod Græ
 ci *νοῦς* dicunt, quamuis eo uerbo Latī
 ni ueteres minime uterentur, paulò ac
 curatius perscrutaretur, quā cæteros
 philosophos antea fecisse constaret, eam
 corpoream esse nō posse planè & aperte
 uidit & sensit. Itaque cuncta corpora sua
 cogitatione transcendens, atque opti
 mum quiddam perfectumq; non iniū
 ria oportere esse existimās, ipsam in ge
 nere substantiæ ponere & collocare con
 stituit : nec materiā quam philosophi sub
 stantiæ appellatione censebant, sed for
 mam, & non cuiuslibet corporis, sed talis
 utique quale humanum corpus dicimus
 formam esse, declarauit & uoluit. Quo fa
 cto, cum de eius potentijs postea differe

ret, atq; intellectiuam tanquā perpetuā
à reliquis corruptibilibus separaret, pri-
oribus definitionū particulis ita adhibu-
isse & adiecisse uidetur, ut animam huma-
ni corporis rationalem atq; immortalem
& incorruptibilem formā, planè & aper-
te definiret. Si autē circumscriptos natura-
lis philosophi, qualem seipsum esse profi-
tebatur, limites transgredi & transcende-
re uoluisset, (uide quid homini tribuam)
ab omnipotēti Deo ex nihilo mirabiliter,
ut arbitror, creatā fuisse adiecisset. Quod
si fecisset, nimirum cūctis naturæ legibus
& omnibus quoque naturalium philoso-
phorū decretis ac dogmatibus repugna-
set, qbus ex nihilo aliquid fieri posse ne-
gabatur: Ac propterea animam humani
corporis immortalē & incorruptibilem
formam, rationis & intelligentiæ capacē,
ex nihilo à Deo creatam uerissime ac per-
fectissime dixisset: huiusmodi enim uera
uel definitio uel potius descriptio, ex sa-
cris catholicorum doctorū sententijs eli-
ci posse existimat & creditur. Quāquam
talīa suapte natura abstrusa & obscura in
tenebris

tenebris latere uidentur, quò humane mentis acies inualida penetrare non potest: nisi iam superno lumine illustrarentur, quem admodum optimis illis ac sanctissimis uiris contigisse nouimus, quorum sententias impræsentiarum haurire & explicare contendimus: nam ex uno homine, quæ primum à deo secundum sacras scripturas conditum fuisse legimus, & ideo græce expressius **protoplastus** appellatur, contra falsas philosophorum de æternitate mundi sententias, genus humanum in hunc mundum sumpsit exordium. *Moyſes in ſeceſſum ſe contulit.* Moyſes enim omni ſapientia Aegyptiorum eruditus, ac primus & maximus eorum propheta rum qui prophetias ſuas literis mandabant, cum ſeſe à ſenſibus abſtrahere cuperet, in uastas Aethiopiæ ſolitudines peragrarè non dubitauit, ubi cunctis ſecularibus negocijs prætermiſſis ac neglectis, ad altiffimarum duntaxat & diuinarum rerum meditationem animum mentemque conuertit: in quo quidem ita omnipotentis deo placuiſſe creditur, ut eum non per ænigmata aut per ſomnia obſcurasque ui-

siones instar cæterorū prophetarū, sed facie ad faciē uidere & intueri, ac plura & stupēda miracula facere meruerit, quēadmodum sacræ literæ planē & aperte asserere testificariq; uident. Talis igit̃ Moyses per hunc modum diuino spiritu afflatus, nec humanæ sapientiæ, nec secularis philosophiæ p̃fessor, sed potius idoneus quidam diuinorū operum testis & assertor, pentateuchum suum sic incipere ausus est: In principio creauit deus cœlū & terram, & reliqua usq; ad integram & absolutam cunctorum brutorum productionem deinceps prosecutus, tandem inquit: Faciamus hominē ad imaginē & similitudinē nostrā. Quæ quidem uerba secundū certam quandam & unicam omniū theologorū explanationem, non ad corpus, sed ad animam tantummodo referuntur. Nam quid est deus qui ita dixit: Caro, an spiritus? non caro utiq; sed spiritus, cui similis caro esse non potest: quia ipse incorporeus et inuisibilis est: caro autem & comprehenditur & uidetur. De qua quidem re etsi multa, imò penē infinita

infinita esse uideantur quæ de ea subtiliter
 quæri & inuestigari soleant, animam ta-
 men non à parentibus & extra duce, ut
 theologico uerbo utamur, instar corpo-
 rum processisse, quemadmodum quidam
 hæretici, & in primis Apollonius nescio
 quis, falsò opinabantur, sed à Deo ex ni-
 hilo factam in lucem prodijisse, ita existi-
 mamus & credimus, ut de eo ipso ulla-
 nus dubitare & ambigere nequeamus.
 Cui quidem sententiæ, uero enim omnia
 consonant, cuncti ferè sacrarum literarum
 explanatores, catholiciq; doctores ad-
 hære & assentiri perhibentur. Vnde
 eius quasi materiem, quam nullam fuisse
 manifestum est, nequaquam quærere &
 inuestigare debemus: nō enim tale quid-
 dam esse scimus, sicut terram humani cor-
 poris materiam extitisse diximus, è cu-
 ius limo uel humefacto puluere fingere
 tur. Ex quo Iudæorum & Arrianorum *Insignis In-*
 stultam opinionem falsam esse conuinci *deorum et*
 tur, qui uerba illa, Faciamus ad nostram, *Arrianos*
 & cætera, dei ad angelos fuisse putant. *ru error.*
 Enimuero siue imaginē ad formā, siue

similitudinem ad naturā referant, ut sunt
uariae de hac re theologorum sententiæ,
ceteris prædictorum uerborum explana-
tionibus prætermiſſis, quæ penè innume-
rabiles afferunt, parum attendiſſe ac cō-
ſideraſſe uidētur, quomodo iure fieri po-
tuerit, ut creationis operatio, quæ ad ſo-
lum creatorem pertineret, qui uſq̃ adeò
omnipotens eſt, ut ex nihilo cuncta face-
re ac creare ualuerit, angelis tribueretur
communicareturq̃, quos creaturas eſſe
conſtabat, Quod ſi fuiſſet: utiq̃ creaturæ
ſimulatq̃ creatores planè & aperte appa-
ruiſſent. Si uero quàm illud abſurdum et
quàm impoſſibile eſſet, aliquatenus exco-
gitaſſent, profectò nunquam in tātum ac
tam euidentem errorem incidiffent. Neq̃
etiā eandem imaginem ac ſimilitudinē
dei & angelorū eſſe nō potuiſſe animad-
uerterunt. At ſi creationis operatio cum
angelis cōmunis extitiſſet, nunquid ima-
go & ſimilitudo deo & angelis commu-
nis eſſe potuiſſet? tantum enim abeſt ut
angeli in poteſtate ac maiestate Deo pa-
res eſſe uideātur, ut ipſos ab eius natura
maxime

maxime ac longissime abesse sentiamus. At uero propheta ille supremus non temere sed potius mirabiliter sentiens, ac supra humanum modum sese inter contemplandum attollens, ut quandam diuinarum personarum distinctionem latentem & occultam paucis uerbis, quo ad fieri poterat, planius & apertius explicaret, in creatione animæ pluraliter loqui & enunciare nō dubitauit. Quod & antea fecerat, quando in principio creauit deus Eloin, hebraice dixerat, non temere & fortuitò plurali numero usus, cū in cæteris cunctarū rerum & animalium productiōibus semper Deum singulariter dixisse meminisset. Quod ad præcipuam quandam & egregiam animarum excellentiā uel maxime pertinere & spectare cognoscitur, ut omnes diuinæ personæ ad solam earū creationem expresse fuisse uideantur. Nec his adhuc contentus: Postquam deus creauit homines, benedixit (inquit) illis, eosq; omniū rerum productarum dominos, uniuersiq; terrarum orbis reges imperatoresq; cōstituit.

Et, ut maiorē ipsarum animarū præstantiam dignitatemq̃ mōstraret, tandem in hūc modū secure intrepideq̃ adiecit: Formauit dominus deus hominē de limo terræ, & inspirauit in faciē eius spiraculū uitæ. & reliqua. Dominus, inq̃t, deus, hoc est, illud ineffabile nomē, quod græce *τετραγράμaton* appellat̃, ac propria ipsius essentia significat̃, (sic enim hoc loco q̃ substantiā dicere maluimus) & usq̃ adeo ab Hebræis obseruatur & colitur, ut quē admodū sacris characteribus uenerandis eorū codicibus expressum & scriptū sit, nisi summis dūtaxat sacerdotibus quotannis semel, & in sancto sanctorū pronunciari explicariq̃ non liceat. Quod attendentes Manichei peruersi & acuti hæretici, uerba illa ita interpretabantur, ut animas de substantia dei factas esse adfirmerent. In qua quidem opinione Euripides poëta unā cū quibusdā philosophis fuisse traditur. Verum enim uero quid nos de theologis nostris dicemus? quādoquidē secundū poëtas & philosophos humanas animas ē coelis in terras descēdisse intelligimus:

gimus: qđ Vergil. his uersibus ostendit:

Ignescit ollis uigor & celestis origo

Seminibus, quantum non noxia corpora tardant,

Terreniq; hebetant artus moribundaq; membra.

Idipsum à Lucretio poëta predictū fuisse constat ita canente:

Deniq; celesti sumus omnes semine oriundi,

Omnibus idem ille pater est.

Et Hermes quoq; ille, ob excellentiā suā Hermes
 cognomēto Trismegistus, qđ gręce Mer Trisme-
 curiū ter maximū significat, hominē & à gistus. 1,
 deo & ad dei similitudinē factū esse nō Mercurius,
 ignorauit, quādo humanā formā theoi- ter Maxim.
 den, hoc est deo similē, appellare et nūcu-
 pare nō formidauit. Hūc Platonē postea
 secutū eodē græco uerbo usum fuisse le-
 gimus, Cícero etiā plurib. locis, homini-
 bus nihil mēte melius, nihil pręstātius, ni-
 hil deniq; diuinius ab omnipotēti deo da-
 ri potuisse testat. Sed ut alia multa omitta-
 mus quæ à plerisq; catholicæ ecclesiæ do-
 ctoribus circa huiusmodi geneseos auto-
 ritatē adducunt, his beati Augustini uer-
 bis, ad uerā quandā & breuē cōmemora-
 tarū diuinarū sententiarū explanationē,

contenti erimus: qui quidem cum per totum septimum et octauum librum super Genesim ad literam de animarum dignitate plura copiosissime quæsiuisset atque elegantissime disputasset, longis tandem disputatiōibus defessus, in calce eius codicis, de anima, quam deus homini in faciem eius sufflans inspirasse dicitur, nihil se nisi hoc solū cōfirmare testat̃, quod sic ex deo erat, ut substātia dei nō esset: et sic incorporea, ut non esset corpus, sed spiritus, nō de substantia dei genitus, nec de substantia dei procedēs, sed factus à deo: nec ita factus ut in eius naturā natura ulla corporis uel rationalis animæ uerteretur. Vnde ex his ac cæteris huiusmodi ex nihilo factam ac creatam esse concluditur. Fecit igitur deus hominem ad imaginē & similitudinē suam: talem quippe illi animā creauit, qua ratione & immortalitate, intelligentiā ac memoria & uoluntate, prædita cæteris omnibus animalibus præstaret ac dominaret̃. Hanc nostram, imò potius catholicā, & (ut ita dixerim) theologicam ipsius animæ definitionem

tionem ueram & perfectam idcirco esse
 contendimus, quoniā ipsam, cum ex an-
 tediētis Mosaicorum uerborū definitio-
 nibus, tum etiam ex pluribus alijs sancto-
 rum uirorū, & maxime Ambrosij & Gre-
 gorij, Damasceni ac Remigij, descriptio-
 nibus hinc inde cōflantes, breuiter com-
 pilauimus. Cum itaq; eam substantiam &
 formam incorpoream & à Deo ex nihilo
 creatam, ex his quæ diximus antea pro-
 barimus, reliquū est, ut nōnulla de ipsius
 immortalitate in medium adducamus:
 quo facto, de tribus suis naturalibus po-
 tentijs superius commemoratis, pauca
 quædam breuissime referemus. Ad cer-
 tam igitur quandam & indubitatam ani- *Animorū*
 marum immortalitatem grauiter secun- *immortali*
 dum dignitatem rei procedere & progre- *tatis argu*
 di cupientes, primo hoc ipsum nonnullis *menta.*
 rationibus & argumentis ac persuasio-
 nibus ostendemus: Quibusdā deinde poē-
 tarū ac philosophorū autoritatibus con-
 firmabimus: Admantinis deniq; sacra-
 rum scripturarū testimonijs comproba-
 bimus. Rationibus igitur niti & insistere

uolentes, pauca è multis in hunc modū,
tanquam alijs probabiliora, delegimus:
Cæteræ animantes tribus duntaxat ele-
mentis, quasi pōderosis ac terrestribus,
utuntur: Solus uero homo ignem, ut-
pote leue & sublime ac cœleste elemen-
tum, sine quo uiuere nō posset, in quo-
tidianum uitæ suæ usum adsumit: quod
ideo non exiguum, ut ait quidam, im-
mortalitatis argumentum uideri debet,
quoniam Deum, qui singula quæq; bru-
ta ignis utilitate priuauit, hominibus ue-
ro tantummodo largitus est, nihil teme-
re ac frustra facere operari ue intelligi-
mus: præsertim cum ad generales quas-
dam aliquorū, nedum ad cūctas omnīū
animalium species intendere ac prospice-
re uideatur. Sed cum cætera animalia
mortalia efficeret, p huiusmodi elemen-
torum discretionem, quæ ad uiuentium
usum utilitatēq; creauerat, ea ut reuera
inter se discreuerat, ita per hunc diuersa-
rum naturarum modum ab inuicem di-
screta, ab illis intelligi uoluit, qui subtili
ingenio præditi paulò altius à terrenis co-
gitationibus

glitationibus eleuarent. Si omnes etiam uiuētes homines longe post mortē prospicere, ac futuris seculis magnis cum laboribus, nec minoribus sumptibus, naturali quodā desiderio allecti & instigati, quantū possunt semper prodesse conantur, partim crebris procerarum arborum consitionibus, partim diuturnis magnorum ædificiorum constructionibus, partim continuis filiorum procreationibus, partim denique, ne cuncta in hoc loco complectamur, perpetuis liberalium artium & ingenuarum sententiarum conscriptionibus, ut sunt uaria diuersorum hominū ingenia, quæ omnia Cicero in Tusculanis suis multo latius et uberius prosecutus est, quemadmodum luce clarius constare & apparere dignoscimus, profectò eorū animā immortalē fore iure dubitare & ambigere nō possumus, præsertim cū huiusmodi desiderium cunctis hominibus uel potius toti humano generi ab ipsa natura, rerū omniū parente, inditū fuisse uideamus: Quoniam aliter sequeretur ut innatē eorū animalium

quæ deus præ ceteris nobilitata cōdidisset, cupiditates appetitionesq; euanescerent. Eosdem quoq; homines, natura duce, felicitatem appetere uidemus, quam nullatenus nisi per animæ duntaxat immortalitatem adipisci & assequi possent: nam si omnino extingueret, quonā modo felices esse uiderentur, intelligere excogitareq; nequimus: præsertim cum in hac uita mortali, ob singularem quandā eius uarietatem, nullatenus beati esse ualeamus. Itaque similiter uana & stulta naturæ cupiditas & appetitio resultaret. Omnes insuper naturali & innata uoluntate immortales fore exoptamus & cupimus: sed huiusmodi nostra uoluntas, quā philosophi appetitum cum ratione definiuerunt, omnino falli decipiue non potest. Quod si eueniret, in idem utiq; inanis cupiditatis naturalis absurdū laberemur. Quæ quidem quoniam impossibilia sunt, ac naturæ ipsi planè & aperte repugnare cernuntur, profectò animas unā cum corporibus interire, falsum esse conuincitur. Quod si fieri potuisset, ut animæ simul

simul cum corporibus interirent : porro deum iniustum fuisse manifeste concluderetur : Nam magna quedā perditis hominibus suorum malorum facinorū prēmia, uel diuitias uel honores ac potentatus & regna, indignissime simul atq; iniquissime largiret : Viris uero probis atq; optimis, qui cuncta hæc quæ nos bona appellare solemus, friuola & inania contempserūt, atq; in ediam, parsimoniā, uerbera, eculeos, & singula quæq; corporū tormenta sponte sua susceperunt, ut cœlestem illam ac beatā & immarcessibilem uitā nanciscerentur, non modo dignam laborum suorum mercedem non præberet, sed pro operibus iustis glorioseq; gestis, cūctas huius humanæ uitæ misérias, cruciatus, neces tribueret : quo quid absurdius dici excogitariue possit, nequaquā intelligere ualemus. Vnde Dicæarchus & Democritus, Epicurus ac Panætius, & quicunq; alij animas unā cum corporibus interire putauerunt, proculdubio aberrasse deprehenduntur. Quod quidē tam poëtarum quā philosophorum &

sanctorum uirorum autoritatibus deinceps clarius apparebit. Atque ut à poematibus fabularumque figmentis, tanquam à leuiusculis testimonijs breuiter recedamus, omnes poetas Græcos pariter & Latinos, inferos & infernū pro malorum punitiōibus, Eliseos uero campos & beatorum insulas pro bonorū hominū præmijs, posuisse manifestū est: Quod Vergilius his uersibus expressit:

Hic locus est, partes ubi se uia findit in ambas,

Dextera, quæ Ditis magni sub moenia tendit,

Hæc iter Elysium nobis, at leua malorum

Exercet pœnas, & ad impia tartara mittit.

Idipsum & carmina Sibyllina tūc uel maxime cōfirmare uidentur, cum ultimum de uiuis ac mortuis dei iudiciū uaticinantur. Ad philosophos seueriores ueritatis magistros & p̄fessores accedamus: quorum prim⁹, ut ait Cicero, Pherecides Syrus animos hominū sempiternos esse dixit: cuius opinionē Pythagoras eius discipulus non modo comprobauit, sed causam etiam cur ita esset adiūxit. Qui enim ante Pherecidem existerant philosophi, quoniā

quoniam intelligere non poterant quoniam modo anima sine corpore uiuere ualeret, utrunq; simul interire putauerunt. Itaq; simplici prædicti præceptoris sui de æternitate animorum sententiæ, perpetuam quandam in uaria & diuersa corpora reuolutionē adinuenisse dicitur, quæ mediante, perpetuò seruarentur. Sed hic & cæteri superiores uiderint, qualem incorpoream formam in ipso corpore intelligant. Ciceroni enim nostro naturam animi intuenti, non immeritò multo difficilior cogitatio multoq; obscurior occurrebat, qualis animus esset in corpore, tamquam alienæ domui, quàm qualis remaneret, postquā exierit, & in liberum cœlum, tanquam in domū suam, emigrauerit. Alcmaeon, secundum Aristotelis sententiam, idoneus immortalitatis animorum assertor accedit, sic enim ipsum quodam loco existimasse refert. Plato quantum ut Pythagoreos cognosceret in eam Italiæ partem uenisse memoretur, quæ quondam magna Græcia dicebatur, ubi Pythagoras primo, & qui eū sequebantur

*Pythagoia & Platycidus Di
Ara opimo et mca.*

postea, celebres scholarum suarū sedes
cōstituerant, nō solum de æternitate ani-
morum idem sensisse quod Pythagorā,
sed plures etiam rationes cur ita sit attu-
lisse existimatur: Ipsum tamen à Socrate
eius magistro, idcirco illud accepisse cre-
dimus, quoniā Socratē in extremo mora-
tis articulo constitutum, de eorū immor-
talitate diuinitus differuisse ac disputasse
comperimus. Atq; ab eodem præcepto-
re Xenophontem quoque cognomēto
Socraticum, Platonis condiscipulum, il-
lam ipsam opinionem exhaustisse puta-
mus: quando Cyrum maiorem clarissi-
mum Persarum regem celebrato illo Pæ-
diæ suæ uolumine, quod nos de infantia
Cyri, latine interpretari solemus, de eter-
nitate animorū differentem inducit. Ari-
stoteles magister omnium idem planè et
aperte asserere & confirmare non dubi-
tauit: quem Porphyrius in eandem sen-
tentiam secutus est. Sed & quosdam anti-
quiores & celeberrimos uiros hoc idem
sensisse constat: nam & commemoratus
Hermes ex duabus diuersis naturis ho-
minem

minem conflatum arbitrabatur, quarum alteram mortalem, alteram uero immortalē esse existimabat. At Polites quidā Apollinē Milesiū cōsuluisse dicitur, utrū post mortē anima uel dissoluereť uel remaneret: atq; eam post separationē à corpore perpetuo remanere atq; in æternū uiuere, ex oraculi responsis intellexit. Cicerō deniq; & Seneca pluribus librorum suorum locis permulta argumenta, perq; uarias persuasiones huiusmodi, animorū immortalitatē probare & attestari conantur. Cæterū si his omnibus sapientibus uiris magnisq; philosophis credimus, qui hāc animorū æternitatē uerbis duntaxat & scriptis suis confirmauerūt: quid de illis sentimus, q̄ ea de causa mortem sibi ipsis cōsciuerunt, ut uinculis corporis soluti liberius uiuere ualerēt: quales Cleanthē, Chrissippū, Zenonē, Empedoclē qui se in ardētis Aetnæ specū intempesta nocte deiecisse scribit: Quales insuper Catonē Romanū, & Theombrotum Ambrachiotā fuisse legimus: quos lecto Platōis libro qui est de æternitate animo

rum, seipſos interemiſſe comperi-
 mus. Nōne tales & tātos uiros animorū æter-
 nitatem recepiſſe exiſtimabimus? quan-
 doquidem eos uoluntariā mortem ſpon-
 te ſua accepiſſe non dubitamus. Cū itaq;
 nōnullis rationibus, pluribusq; poëtarū
 ac philoſophorū allegationibus, de ani-
 morū immortalitate aliqua memoratu
 digna breuiter recitarimus, reliquū eſt
 ut ad ſanctorum autoritates & ad diuina
 oracula parūper accedamus. Et quanq;
 cūcta quæ in utroq; ueteri ſcilicet ac no-
 uo teſtamēto ſcripta ſunt, hanc animorū
 immortalitatē præſupponere uideātur,
 pauca tamē ex multis clariora et expreſ-
 ſiora, breuitatis ſimulatq; illuſtrādæ ueri-
 tatis cauſa, breuiter referemus. Et ut à ue-
 tuſtioribus ordiamur: Moyſes in cōme-
 morata Geneſeos autoritate animam im-
 mortalē fore planē & aperte declarauit:
 per hoc enim ſolum propior ac Deo ſi-
 milior, q̃ per quæcunq; alia, facile uideri
 & apparere poteſt: nam cognitione, ſa-
 pientia, & poteſtate, ac ceteris omnibus,
 longe diſſimilis eſt: cū ſola immortalitate
 Deo

*Quoniam
 ne anima
 maxie deo
 ſimilis.*

Deo consimilis appareat. Atq; in eodem libro id ipsum manifestius expressisse uidetur, quādo Enoch illū ab Adam proto-
 plasto septimum, sexagesimo quinto æta-
 tis anno non obiisse, sed cum Deoambu-
 lasse & in cœlū ascēdisse testatur. Quod
 & Helix in libris Regum contigisse le-
 gimus, ut curru igneo uiuus ab ignitis
 equis in cœlum ueheretur: quo in cœlo,
 Heliseum prophetam memorati Helix
 discipulum, puerulum quendam uiduæ
 Sunamitis filiū, paulò ante defunctū ē te-
 nebris in lucem reuocasse nouimus. In sa-
 cro quoque & admirabili illo patientissi-
 mi uiri dialago, quem librum à prædicto
 Moyse, Hebræi compositum fuisse opi-
 nantur, cum de certa quadam & expres-
 sa defunctorū hominū resurrectione de-
 terminetur, profectò animam immorta-
 lem esse nō dubitatur. Dauid etiā plu-
 ribus psalmorū suorū locis his & huius-
 modi uerbis usus: Qui sperant in te do-
 mine, in æternū exultabūt: manifestā ani-
 morū perpetuitatem ostēdere & demon-
 strare dignoscitur. Esaias quādo de Deo

*Historia
 de Iob Mo-
 ses autor.*

loquitur: Præcipitabit, inquit, mortem in
sempiternum, & mortui tui uiuent: quid
aliud quàm animorum æternitatem per hæc
huiusmodi uerba sensisse uideat? Si enim
interirēt, quomodo in sempiternū mors
præcipitaretur? & quonam modo mor-
tuos corpore aliter quàm per animarum per-
petuitatem uiuere posse putandum est?
Cum deinde apud Hieremiam, infernū
& inferos crebrò scriptum fuisse cogno-
uimus, non de cadaueribus quæ in hoc
seculo ante oculos nostros quotidie hu-
mari & sepeliri uidemus, sed de anima-
bus iure intelligimus. Et rursus quando
Ezechielem, uiuentium terram, sæpenu-
mero repetentem, & iustum uita uictu-
rum & nō moriturum, dicentem audiui-
mus, quid aliud nisi humanas animas nō
morituras meritò interpretamur? Dani-
el, à Dario Medorū rege omnibus regni
sui prouincijs, ob admirabilem illam ac
diuinam diuersorum somniorum inter-
pretationē, digne præfectus, nunquam
in lacum leonum crudelibus feris lanian-
dum se mitti passus esset, sed potius sæuo

& impio illius gentis satrapum edicto paruisset, nisi animam immortalem esse credidisset. Quid uero hæc celebrata Osee prophetæ uerba, in forma dei ita dicētis: De manu mortis liberabo eos, de morte redimam eos, ~~ero mors tua~~ ~~ô mors~~, ~~ero mors tua inferne~~. & reliqua, nisi animarum æternitatem sonāt ac planē aperteq; significant? Conuertimini ad me, per loēlem dicit dominus, in ieiunijs & fletibus & planctibus, & reliquis huiusmodi humanorū corporum cruciatibus. Cur inquit conuertimini? ut scilicet per aspera illa tormentorum genera, ad quæ nos exhortatur & inuitat, celerius anima sui corporis compage separata omnino pereat? quinimo potius ut in eternū uiuat. Amos dominū super altare stantē & sic loquentem se uidisse dicit: Fugientes non saluabuntur: nam si descēderint in infernum, exinde manus mea educet: & si ascenderint usq; ad coelū, inde pariter eos extraham, & cetera huiusmodi. Ex quibus quidem uerbis animas defunctorū nequaquā cum corporibus interire declarat, quo-

niam ex omnibus locis extrahendas esse
testat̃. Hic nō uerbis solū, sed rebus quo-
que et corporali morte, tanq̃ uerus omni-
potentis dei athleta, id ipsum approbare
tradit̃: Nam primū ab Amasia sacerdote
multis plagis afflictus, ab Ozia deinde
eius filio, ludæorum rege uecte quadam
per tēpora transfixus, innocēs perire, q̃
diuinæ legis transgressor uiuere maluit.
Quemadmodū Esaia s̃auis impij regis
Manasses temporibus antea fecisse legi-
mus, quando serra equanimiter secari se
passus est. Quod nullo unq̃ tēpore ad-
ducti essent ut facerēt, si animā ullatenus
mortalē credidissent, p̃sertim cū utrāq̃
uiolentā & crudelē mortē faciliter fuge-
re & uitare possent. Abdiam insuper &
Ionam, Micheā, Naum, Abacū, Sopho-
niam, Aggeū, Zachariā, Malachiam, ut
uno uerborū cōtextu breuitatis causa re-
liquos ferē omnes prophetas complecta-
mur, certā quādam & indubitātā huma-
narum animarū immortalitatē codicibus
suis declarasse & cōscripsisse scimus: par-
tīm nāq̃ beatos homines, partim ad Deū
conuersos,

conuersos, partim prophetas per multa secula antea mortuos, iustosq; & sanctos uiros pariter defunctos in eternum uiuere: partim deniq; dominum Heliam, antequam ueniat dies magnus & horribilis, missurum, planè & aperte testantur. Quæ quidē omnia, si anima interiret nulloatenus fieri poterāt. Quid autem de Machabæis fratribus dicemus? quoniā inclita & gloriosa gesta & dura & aspera sub Antiocho Armeniorū rege inflicta pro sacris legibus tormēta, aliā nempe q̃ istā qua uiuimus uitā fore declarant. Cæterū multis & alijs & huiusmodi ueteris instrumenti, quæ penè infinita sunt, prætermisissis, deinceps ad testamētum nouum summam ac breuissimè accedam⁹. Mattheus, Marcus, Lucas, Ioānes, in omnibus euāgelij suis nihil aliud legētib⁹ & audientibus, & toti fermè humano generi, q̃ æternitatē animarū significare & manifestare cōtendunt. Nam & regna cœlorum, & plures beatitudinum species, & inferorū pœnæ, & iniuriarū patiētia, et crebra ieiunia, & mutuae inimicorū dile-

ctiōnes, & asperæ priorū corporum
castigationes, & plures defunctorum ho-
minum suscitationes, & nouissime mor-
tuorum omniū, quibus euangelia refer-
tissima sunt, nequaquam animas interi-
re, sed in æternū potius uiuere, planè &
aperte significant. Actus apostolorū, at-
que Pauli, Petri, Ioannis & Iudæ episto-
læ, ne solis eorum allegationibus conten-
ti simus. Quid enim uerbis opus est, ubi
manifesta & certa rerum testimonia cer-
nūtur? Nōne proprijs martyribus quę
pleriq; ipsorū sponte sua subierunt, cum
fugere & euitare facile possent, & pluri-
bus etiā mortuorum hominum suscita-
tionibus, animas remanere post mortem
ostenderūt? Innumerabiles infinitorum
penè martyrū cateruas omittamus, qui
certatim undecim illis famosis diuersorū
impiorum Imperatorum aduersus Chri-
stianos persecutionibus, ad aspera & di-
uersa martyria concurrebant, atq; exin-
de ad æterna cœlorum regna aspirabāt.
Missos insuper facimus Ioannē Chryso-
stomum, Gregorium Nazanzenū, Ma-
gnum

gum Basilium, Cirillum, Origenem, reli-
quosq; externos, Hilariũ, Cyprianũ, La-
ctantium, Ambrosium, Hieronymũ, Au-
gustinum, Gregoriũ pontificem, & cæte-
ros catholicæ ecclesiæ doctores Græcos
pariter ac Latinos, quandoquidẽ omnes
isti in cunctis operibus suis, quæ penè in-
finita reliquerunt, nihil aliud agere ope-
rariq; contenderunt, nisi ut optima ac ue-
ra & solida utriusq; testamēti fundamen-
ta, quodammodo obscura & inuoluta,
explanarentur, atque quoad fieri pote-
rat paulò clarius explicarent. Cum itaq;
pluribus rationibus, multisq; tam pro-
fanis quàm sacris præstantissimorum ui-
rorum autoritatibus, animam immorta-
lem esse antea probauerimus, nũc de tri-
bus eius naturalibus potentijs, quem-
admodum nos facturos esse promiser-
amus, deinceps pauca dicemus: ac primo
de ipsa hominis intelligentia breuissime
agemus, cuius quidẽ quantæ & quàm
excellentes uires sint, pleraq; magna &
ingentia uel facinora uel machinamen-
ta admirabiliter inuenta & intellecta de-

*Incredibi-
lis humani
ingenij uis*

clarāt. Nam ut à leuioribus incipiāmus, quanto & quā mirabili ingenio præditum Iasonem argonautarum principem fuisse existimamus, quando primū illud nauigiū construxit, quo argonautæ eius collegæ uecti, horrifonum mare ingredi atque horribiles sæui pelagi fluctus secure & intrepide, incredibile dictu, transire ausi sunt? Id cuique ita mirabile uideri poterat, ut unumquemque uidentem in sui admirationem compulisset: ceu ille apud Actium poëtam pastor, qui nauem nunquam antea uidisset, ut procul diuinum & nouum illud uehiculum ex alto conspexit, perterritus & admirandus hoc modo loquebatur: Tanta moles labitur fremebunda ex alto, ingenti sonitu & strepitu per se undas euoluit, & reliqua. Huiusmodi nauigandi artificium paulatim per multa temporum momenta, usque ad hanc nostram ætatem, ita excreuisse uidemus, ut in miraculum usque processerit. Nam non modo Britannicum & glaciale oceanum, ut inquit poëta, quotidie nauigare consueuerunt,

runt, sed etiam in intimam penè Maurita-
niã, ultra terminos antea nauigabiles nu-
per penetrare contenderunt: ubi plures
cultas & habitatas insulas penitus ante-
hac incognitas repertas fuisse audiui-
m⁹. Quanta quoque industria ingentes illas
et celeberrimas Aegypti pyramides, at-
que illam etiam quæ Romæ cernitur al-
tissimã turrim in pyramidalem formam
reductã, factas fuisse arbitramur? Quan-
ta insuper arte Philo Atheniensibus ar-
mamentarium illud à Græcis scriptori-
bus tantopere laudatum, opus ut scribi-
tur impensa & elegantia uisendum, con-
struxisse creditur? Quanta præterea so-
lertia arcam illam, ob priscã generalis di-
luuij tempestatem, à Noë humani gene-
ris uel conseruatore, uel consolatore po-
tius, quod nomen eius ex Hebræa in lati-
nam linguã interpretatũ significare uide-
tur, fabrefactã fuisse putamus? Et ne de
uetustis & admirabilibus ædificijs, quæ
penè innumerabilia fuerũt, impræsentia-
rum plura dicamus, ad noua & recentio-
ra paulisper accedamus, Quanto mentis

acumīne Philippus cognomēto Brunel
liscus, architectorū omniū nostri tēporis
facile princeps, magnū uel potius maxi
mum Florentinæ ædis fornicē illū admi
rabilem, nullis lignorū ferrorū ue arma
mentis, incredibile dictu, fabricatus est.
Nec minori uel maiori potius industria
egregios pictores, præcipuos sculptores
quædam solennia pinxisse nouimus.

Egregia pi
ctorū ex
empla.

Quippe Zeuxim, Apellem, Eufranorē,
tanto et tam subtili artificio picturas suas
effinxisse legimus, ut unus pictam Hele
nam artificiosis lineamētis talem expres
sisse laudañ, qualem Læda eius mater cœ
lesti partu ædidisse uidebañ. Alter equā
canemq; tales depinxerat, ut equi canes
ue transeūtes uiua quasi imagine capti al
lecti q; interdum hinnire ac latrare coge
rentur: Quoniā ea animalia uera esse exi
stimabant, quæ in pariete picta in propa
tulo cernebantur. Alius tanta arte recen
tes uuas unā cum racemis effingebat, ut
uolantes aues falsa specie deceptas parie
tem pictū cum rostris pulsandū pascen
di gratia compelleret. Quid de lotto no
stro



Itro optimo suorum temporum pictore
dicemus: quem Romæ, quem Neapoli,
quæ Venetijs, quæ Florentiæ, quæ deniq;
pluribus alijs celebratis urbibus multa
ita egregie depinxisse cōstat, ut cum an-
tiquis illis maximis eius artis magistris
non iniuria conferri & computari posse
uideatur. De Praxitele, Phidia, & Poly-
creto, optimis & excellentissimis statua-
rijs, idem sentimus, quod de commemo-
ratis pictoribus paulò ante sensisse dixi-
mus, quorum primus Venerem in quo
dam Indorū templo marmore ita uenu-
ste expressit, ut uix à libidinosis trāseun-
tium conspectibus tuta & pudica serua-
retur. Ab alio tamen nescio quo, Syracu-
sis uacca quædam ænea conflata præte-
reuntem taurum ad eius amorem et con-
cubitum excitauit. Duorum quoq; alio-
rum pleraq; maxima & admirabilia ad-
huc Romæ signa uisuntur. Quid de Lau-
rentio peregre regio nostri tēporis statua-
rio referemus: cuius quidem excellen-
tes admirabilesq; uirtutes in nobilitatis
presertim & celebratis sacrae ædis nostræ

ianuis in propatulo uisuntur? Sed ut ad altiora et liberaliora ingenuarum artium monumenta ascendamus: Quid de poëtis, Homero, Hesiodo, Euripide, Pacuio, Virgilio, Plauto, Horatio, & Seneca, cæteris'que Græcis pariter & Latinis commemorabimus? quos poëmata & fragmenta sua tāta ingenij acie finxisse constat, ut non sine aliquo cœlestis mentis instinctu ea perfecisse & absoluisse uideantur. Nobilitatos historicos & oratores ac iurisperitos, Thucydidem dicimus & Polybium, Herodotum ac Diodorum, Liuium & Sallustium, Curtium ac Iustinum, Demosthenem & Aeschinem, Ciceronem & Hortensium, Scæuolam & Paulū, & reliquos huiusmodi præstantissimos uiros omittamus, quos præcipuam elegantiam, & magnam multarum rerum peritiā non sine singulari ingenio acquisiuisse manifestū est. Philosophos insuper missos faciamus, Pythagoram, Platonem, Aristotelem, Theophrastum, Varronem, Ciceronem, Senecam & Plinium, quos in philosophia
ita

ita claruisse manifestum est, ut de cunctis naturalibus rebus mirabiliter perscrutarentur, subrilesq; & acutas cogitationes suas græcis & latinis literis commenderent, lam de medicis medicinæq; autoribus pariter sileamus: Quod quidem artificium accurata & diligens hominum solertia, ad utilitatem suam mirum in modum excogitauit: ut ægrotis & infirmis corporibus, suis adinventionibus & opportunis pharmacis salubriter mederentur. Astrologi insuper motus conuersionesq; syderum, ortus, obitus que signorum & planetarum magna cum attentione suspicientes, in tantam eorum cognitionem peruenerunt, ut uarias Solis lunæq; eclipses defectiones que multo antea prædicerent, & futuras frumentorum, olei, uini ubertates, inopias que prænoscerent: quales multos & in primis Thalem Milesium, qui ob magnam quandam olei emptionem, cuius penuriam per astrologiam futuram esse præuiderat, ex paupere diues effectus est: Et Archimes

Comoditates ex astrologia.

Cur

dem Syracusanū, extitisse tradūt, quem diuersos lunæ, Solis, ac quinque errantium stellarum motus in sphaera nescio qua ab eo mirabiliter fabrefacta, ita illigasse dicitur, ut omnes eorū dissimilimos motus, mirabile dictu, una regeret cōuersio. De quo Lactantius eleganter in secundo diuinarum institutionum libro uerba hæc ponit: An Archimedes Siculus cōcauo ære similitudinem mundi ac figuram potuit machinari: in quo ita solem lunamque cōposuit, ut inæquales motus & cōlestibus similes cōuersionibus singulis quasi diebus efficerent, non modo accessus solis ac recessus, uel incrementa, diminutionesque lunæ, uerumetiam stellarum erraticum uel uagantium dispares cursus orbis ille dum uertit exhiberet. Postremo quanta & quàm magna theologorū nostrorum ingenia fuerint, facile arbitrari & cogitare poterimus, si multiplices libros eorum accuratissime legere & intelligere uoluerimus, in quibus præcipua quædā de mundi creatione, de angelorū productione, de prouidentia Dei, de diuinorum

Archimedes.

narū personarū distinctione, & de incarnatione uerbi, ac cæteris huiusmodi uel maxime continent. Quæ quidem omnia mysteria, etsi prophetis ab initio diuinitus reuelata fuisse existimemus, à quibus postea ad supradictorum theolōgorum notitiam prouenisse noscuntur: tanto tamen artificio, ac tam acri & tam subtili ingenio illa prophetarū firma & solida fundamenta confirmasse & corroborasse uidentur, ut obscura illa & occulta & inuisibilia atq; incomprehensibilia, propria mētis acie cōprehendisse et uidisse comperiantur. Vnde qui hæc & cætera huiusmodi conspexisse putantur, hi profectò docuisse perhibētur, similem animū suum eius esse qui ea siue in cælo, siue in terra, siue in mari toto ue mundo fabricatus esset. Sed ne plura de humana intelligentia dicamus: Quid de memoria altera naturæ dote referemus: cuius quidem quāta & quāam mirabilis potestas sit, summatim dicere, nedum explicare, difficile uel impossibile foret. Nō quærimus quāta memoria Simonides, quanta Theodo

rus, quanta Cyneas Pyrrhi ad senatū legatus, quanta Carneades, quanta Speusippus, quanta Metrodorus, quanta Themistocles, quanta Cyrus, quanta Mitrdates, duo potentissimi reges, quanta Lucullus, quanta Hortensius, quanta Seneca, quosq; ceteros præstātes & eruditos viros in hoc ipso memorandi officio exceluisse legimus: de cōmuni hominū memoria loquimur, et eorū maxime q̄ in quibusdam maioribus studijs liberalibusq; artibus uersati, ingenuā magnarum rerū cōtemplatione operā nauauerūt, quorū quanta mens fuerit existimare propterea difficile ac penē impossibile esse censemus, quoniā infinita & quasi innumerable rerū & uerborū uestigia meminerunt: Cuius quidē etsi tāta uis est, ut eam breuiter pro dignitate sua explicare nequeam, artificii tamē quoddā siue à Simonide poëta Chio, siue ab aliquo alio præstantissimo uiro repertum fuisse accepimus, quod maximum naturali memoriæ lumen afferret. In hoc tam admirabili omnium rerum thesauro inter cætera duplex


duplex uis, una rerū, altera uerborū, ita latere perhibetur & creditur, ut quanq̃ per eam potentiam simul & res & uerba percipiamus, quosdam tamen una plus quā altera ualuisse & uiguisse intelligamus: ceu de Lucullo & Hortensio apud Ciceronē legisse meminim⁹. Hæc enim ipsius in Academicis uerba sunt: Habuit enim Lucullus diuinam quandam memoriā rerum: Verborū maiorem Hortensius. Sed quo plus in negotijs gerendis res quā uerba profunt, hoc erat memoria illa præstantior: Quā fuisse in Themistocle, quē facile Græciæ principem ponimus, singularem ferunt: qui quidem etiam pollicenti cuidam se artem ei memoriæ, quæ tum primum proferebatur, traditurum, respondisse dicitur, obliuisci se malle quā discere. Credo quod hærebant in memoria quęcūq̃ audiebat & uiderat. Tali ingenio præditus Lucullus adiunxerat etiā illam quā Themistodes spreuerat disciplinam. Itaq̃ ut literis cōsignamus quæ monumentis mādare uolumus, sic ille in animo res insculptas

habebat, & reliq. Duabus supradictis singularibus & præcipuis dotibus, quarum una singula quæq; intelligere, altera uero cuncta quæ intellecta essent meminisse ualeremus, siue Deū siue naturā liberū uolūtatis imperiū nō immeritò adhibuisse cognoscimus: ut per huiusmodi potestatem mala scilicet euitare & effugere, bona uero appetere & eligere possemus: Quod theologi liberum uoluntatis arbitrium appellauerūt. De quo quidē quale & ante & post primī hominis transgressionem fuisset, qualeq; in posteris remansisset, plura à sacris doctoribus eleganter tractata in præsentiarum recitaremus, si idoneū in calce huius libri differendi locum fore putaremus. Sed cum iam pridē de animæ definitione, & de eius immortalitate, ac de tribus suis naturalibus potentijs, quo à nobis breuius & diligentius fieri potuerit, hucusque differuerimus, multo melius fore existimauius, ut de toto iam homine, adiutore & fauore Deo, dicere & tractare incipiamus, quādoquidem de duabus principalibus partibus

partibus ex quibus ipse componitur, satis pro facultate nostra differuisse meminimus. Amen.

LIBRI SECVNDI FINIS.

IANOCII DE MANECTIS, EQVITIS AC IV-
recōsulti Florentini, de dignitate &
excellencia hominis Liber III.



QVONIAM corpus & animam duo sola esse intelligebamus, ex quibus homo constabat, ac quædam propria et peculiaria corporis, quædam uero animi singularia & admirabilia, nonnulla etiam utriusque cōiuncto communia uidebamus: Idcirco cum plura de egregijs quibusdā humani corporis munibus primo, atque de præcipuis quoque rationalis animæ dotibus & priuilegijs secundo libro, hætenus tractasse meminimus; deinceps hoc tertio pauca de

roto homine, dum erit in hac uita mortali, differemus : quem ab omnipotēti deo mirabiliter constitutū fuisse, iure dubitare & ambigere nō possumus, quādoquidem partes illās ex quibus hominē ipsum cōstrui ac cōponi intelligimus, diuinitus factas creatasq; antea probauerimus. At uerō si quis rudis & ignarus rerum, de hoc ipso fortē suspicaretur, tunc profectō omnis eius suspicio scrupulusq; cessaret, cum has duas, corporeā scilicet & spiritalem, tam diuersas ac tam distantes naturas, inter seq; contrarias, simul & in unum ita admirabiliter ac uere diuinitus conuenisse uel parumper consideraue-rit : quod aliter q̃ ab omnipotenti Deo nullatenus fieri potuisse certissime scimus: præsertim cum ea sibiipsis maxime aduersantia ac repugnantia uideamus. Verum quanquam id ipsum, ex his quæ in præcedentibus libris late copiose quæ explicauimus, ita certum & manifestum sit, ut nulla ratione, nulla uē autoritate ad probandum & confirmandum indigere uideatur; quia tamen res magna & ardua

ardua est, ubi omnis nostra disputatio fundat̃, & unde quoq; reliquus orationis nostræ cursus emanabit & profluat, paulò altius ab origine repetemus: ac primo quid sit homo breuiter ostendemus: omnis enim quæ de aliqua re suscipitur institutio, iuxta ueterē illam famosamq; sententiam, debet à definitione proficisci: ut intelligatur quid sit id de quo disputatur. Hominem animal sociale & ciuile, rationis & intelligentiæ capax, ab erratibus lucisq; ignaris & cæcutientibus philosophis definitū esse nouimus. Nos igitur, quibus occultū & abstrusum ueritatis lumen ex diuinis sacrarū scripturarum oraculis illustratum euidenter apparuit, hanc ipsam, qualiscunq; est, gentiliū & ethnicorū hominum descriptionem etiam atq; etiam considerantes, non usq; quaque perfectam esse cōperimus. Nam cum eos mentē suam fragili quidē & tenebroso priorū corporū domicilio illigatā, nec ullo nisi naturali duntaxat lumine sustentatam possedisse, atque propterea recōditam quandā magnarū

rerum obscuritatē humanis disputationibus penitus & omnino assequi non potuisse intelligeremus, supernaturali et diuino splendore fulciti & adiuti, in hunc certe modum corrigere & sic emendare audebimus: Vt homo sit animal cum reliquis adiectionibus supradictis, partim mortale dum est in hac uita seculari, partim uero immortale ubi à mortuis resurrexerit. Sed postquā nōnullam de certis antiquorum philosophorum erroribus, quasi fortuitam mentionē fecimus, hanc partem, quantum ad præsens propositū spectare & pertinere censebimus, parū perprosequamur. Multi mūdum fortuito, ut Leucippus, Democritus, Dicæarcus & Epicurus, factum: Multi uero peripatetici semper fuisse, opinantur. Stoici autem mundū ab omnipotenti Deo formatum & constitutum esse dicunt. Qui fortuito factū contendūt, nulla Dei prouidentia regi gubernariue confirmant. Peripatetici quāuis semper fuisse existimauerint, diuina tamē prouidentia unā cū Stoicis administrari gubernariue senserunt.

ferunt. Sed ne fortè aliqua prædictorum philosophorū hæresis, uel, ut planius & expressius loquamur, secta ab humanis erroribus aliena esset, Stoici nimirū cæteris omnibus grauiores, de hac ipsa materia ita diffuse differuisse comperiuntur, ut Deum, quem mundi fabricatorem arbitrabatur, operi suo immiscuisse uideantur. Vnde illud Virgilianum natum esse creditur:

Totamq; infusa per artus

Mens agitat molem, & magno se corpore miscet.
Itaq; Academicis, tanq̃ de omnibus ambigētibz, quoniā nihil sciri posse existimabant, penitus prætermisiss; & Epicureos diuinam prouidentiam omnino tolerantē, & Peripateticos mūdi creationē abnegantes, & Stoicos Deum operi suo immiscentes, aberrasse constat. Cæterū nos quanq̃ homunculi & ignari simus, præsertim si cū tantis ac tam magnis philosophis comparemur, per sacras tamen scripturas cœlitus edocti, et diuino quodam splendore illuminati, contra falsam gentilium ethnicorumq; uirorū sapien-

tiam dicere ac differere præsumētes, mū-
dum ab omnipotenti Deo ex nihilo crea-
tum & gratia hominis cōstitutū asserere
et cōfirmare nō dubitam⁹: credere nāq;
ipsum frustra et incassum tāta ac tam mi-
randa opera cōstituisse, absurdū quiddā
& lōge à ueritate alienū esse, quis infici-
as ibit? Nec q̄q; ppter mundū mundus
ipse factus est: nullo em̄ harū rerū usu in-
digere uideē, cū omīno sensu careat. Nec
etiā dici potest, Deū ppter seipsum mun-
dum fabricasse, cū sine ipso esse potuisset
& posset, quemadmodū ante creationē
planē & aperte fuisse cognouimus. Re-
linquit ergo animarū causa mūdum esse
construētū, cū rebus ipsis ex quibus con-
stat animātes ipsas uti uideamus, quate-
nus per prædictū earū rerum usum sese
cōseruare, ac per hunc modū degere &
uiuere ualeāt. Si cāteras igitur animātes
hominis tantūmodo causa factas esse ap-
pareret, mundum utiq; hominis dūtaxat
gratia à Deo factum & cōstitutum fuisse
concluderē, quoniā ipsum propter ani-
mantes factū, & eas propter hominem fa-
ctas

ctas dicimus: At hoc ipsum ex eo certū
 esse declarat, quod omnia quæcūq; facta
 sunt, soli hominī deferuīre ac mirū in mo-
 dum famulari, meridiana (ut dicit) luce
 clarius cōspicimus: quo quidē pbato ue-
 req; concessō, hominē cuius gratia mun-
 dum creatā confitemur, utiq; à deo factū
 fuisse manifestū est. Vnde falsæ & uanæ
 de formatione hominis cunctōrū poëta-
 rum opiniones extiterunt. Poëtae nanq;
 hominē à Prometheo Iapeti filio de luto
 factū esse finxerūt. Sed fieri nō potuit ut
 homo uerū & uiuū hominē faceret, cum
 posset eadem ratione generari, qua ipse
 Prometheus ex Iapeto natus erat: q̄ quī-
 dem si fuit homo generare hominem po-
 tuit, facere uero nō potuit. Verum quia
 poëtas nō omnino mentiri solere, sed fi-
 guris & enigmatibus sententias suas in-
 uoluere & obscurare uulgò existimatur
 & creditur: Lactantius & August. huius-
 iusmodi uulgi opinione apprime secuti,
 eos in hac ipsa fictione non usquequaq;
 fuisse mentitos putauerūt. Sed primum
 omnium Prometheū de molli ac pingui

luto simulacrum hominis formasse, ab eoq; primitus natā esse artem statuas & simulacra fingendi tradiderunt: Siquidē Iouis eum tēporibus fuisse scribūt, quibus primū templū cōstrui, & noui deorum cultus esse cœperunt. Proinde formatio hominis proprium quoddam solius Dei opus est: nam ipse rerum omnium machinator, cū cuncta antea creasset, postremo fecit & formauit hominē. Quod Cicero, quamuis expers cœlestium litterarū, planē tamen & aperte sensisse uisetur, quandoquidem in primo De legibus libro uerba hæc apposita fuisse cernuntur: Animal hoc prouidū, sagax, multiplex, acutum, plenum rationis & consilij, quē uocamus hominē, præclara quadam conditione generatū, à summo Deo solum extitisse cognouimus; est enim ex tot animantiū generibus ac naturis princeps rationis & cognitionis, cum cætera sint omnia expertia. Quod ueteres & noui, ut ita dixerim, theologi multo clarius & euidentius aperuerunt: nam Deū consummato & perfecto mūdo, animalia uarij generis

rñ generis ex diffimilibus formis, magna
 & minora ut fierent imperasse, prodide-
 runt. Vnde facta sunt bina, id est diuersi
 sexus, singula, ex quorum uarijs foetibus
 & aer & terra & maria cōplerentur: de-
 ditq; eis omnibus generatim Deus ali-
 menta de terra, ut usui esse hominibus
 possent: alia nimirum ad cibos, alia uero
 ad uestimētum: Quæ autem magnarum
 erant uirium idcirco præbuit, ut in exco-
 lenda terra iuuarent: unde sunt dicta iu-
 menta. Item rebus omnibus mirabili de-
 scriptione compositis, regnum sibi æter-
 num parare constituit, & innumerabiles
 penē animas procreare uoluit, quibus
 immortalitatē largitus est: tum fecit ipse
 sibi simulacrum sensibile atq; intelligens,
 hoc est ad imaginis sui ipsius formā, qua
 nihil poterat esse perfectius: hominem si-
 gurauit ex limo terræ: unde homo nun-
 cupatus est, quod sit fictus ex humo. At-
 que hoc ipsum cuncta prophetarū, euan-
 gelistarū & apostolorum oracula, & sin-
 gula quæq; catholicorum doctorum elo-
 quia planē & apertē declarāt: que, ne ni-

mihi sumus, perpetuo silentio præterire,
quàm prolixo sermone explicare ma-
luimus: præsertim cum talia sint ut de eis
nullatenus ambigere & dubitare ualea-
mus. Quod si ueteres illi sapientes uiri
Græci ac Latini, picturâ sculpturam ue
aliquam propterea apprime laudare &
commendare solebant, quod Zeusim,
quod Apellem, quod Eufranorē, quod
Fabiū, peregregios pictores, uel quod
Phidiā, quod Praxitelem, quod Poly-
cletum, quod Paralum, optimos illorū
temporum sculptores habuisse arbitra-
rentur: Quid nos in hac ipsa hominis fa-
bricatione, certa quadam omnipotentis
Dei figura, facere debemus? qui de Deo
uero & solo humani generis autore nō
immeritò gloriamur. Etsi enim illi sum-
mi earum artium magistri fuisse uideren-
tur, homines tamen erant, qui facile labi
et aberrare poterāt. Quod de hoc nostro
opificio iure suspicari et titubare nō pos-
sumus, cum id à Deo optimo maximo
eius conditore profluxisse & emanasse
sentiamus, qui falli decipiue non potest.

At

At dicet fortasse quispiam, statuam picturam uel aliquam apud ueteres non tam ob id laudari & commendari consueuisse, quod optimos statuarios pictoresque opifices habuerint, sed potius quod egregie decenterque formata, & pulchris quoque lineamentis distincta uidebatur. Quod si nos ita antiquitus contigisse concederemus, ut debita membrorum conformatio ad pulchritudinem cuiuscunque operis maxime ualeret: quanquam summa eorum magistrorum excellentia ad magnitudinem laudum plurimum conferebat: quid nos de hac hominis fabricacione respondebimus? nonne cum ex his quae corporibus extrinsecus apparent, tum ex illis etiam quae in intimo & praetoso humanarum animarum thesauro inclusa perhibentur, diuinitus factam fuisse asseremus? Sed ne forte maxima & minima humanitatis nostrae gloria alleciti ac protracti, longius a proposito euagari uideamur, ad id parumper redeamus unde digressi sumus. Cum igitur hominem ab omnipotenti Deo factum esse antea pro-

bauerimus: reliquū est, ut qualem ipsum magister ille supremus fecerit, primum paulò latius ostendamus: quod deinde & quale ei ita mirabiliter constituto officium exercitiūq; dederit, breuiter enarrabimus: postremo cur eum talem cōstituerit, deinceps referemus. Quibus pro facultate nostra ieiune exiliterq; tractatis, nōnullas præterea nobilitatas, & egregias humanæ naturæ conditiones adhibere & adiungere conabimur. Primum

Humana figura omniū præstantissima.

itaq; Deus hoc tam dignum ac tam præstantis eius opificium, tanti fecisse & existimasse uidetur, ut hominē formosissimū, ingeniosissimū, sapientissimum, opulentissimum, ac deniq; potentissimum efficeret: eius namq; forma ita sublimis & excellens est, quemadmodum in primo libro uberrime ac latissime explicauimus, ut plerique tam profani, quàm sacri scriptores, Deos immortales nulla alia præterq; humana figura, uelut cæteris omnibus longe sublimiore atq; excellentiore in templis delubrisq; pingi & effingi uoluerint: quorum formam uel humanam

uo

uel potius nostram diuinam fore oportere censebant: ceu Cicerō in primo de natura deorum planē & apertē declarat, cuius uerba hæc sunt: Auxerūt hæc eadem poëtæ, pictores, opifices: erat autē non facile agentes aliquid & molientes deos in aliarum formarū imitatione seruare. Quippe huiusmodi uana uel picta uel sculpta deorum simulacra à similitudine nomen acceperunt. Sed solum & uerum Dei simulacrū homo est, in quo quidem quibuscunq; eruditis simulatq; pijs consideratoribus diuina quædam similitudo apparere & relucere dignoscitur. Quæ enim cōpositio membrorum, quæ cōformatio lineamentorum, quæ figura, quæ species, ut de extrinsecis & apparentibus dicamus, q̄ humana potest esse pulchrior? Nam si mundus ipse ita decorus et pulcher est, ut pulchrior esse, excogitari ue non possit, siquidem ab ornatu & munditie nomen accepit: quàm pulchrum & quàm formosum illud existimare debemus, cuius gratia mūdī pulchritudinem factam fuisse nouimus? Ag

uero terras, maria, coelos astris stellisque
distinctos, diuersas solariū & lunariū lu-
minū uarietates, eorumque omniū ortus
& occasus, atque omni æternitate ratos im-
mutabilesque cursus, ante oculos nostros,
cōsiderādi & contēplandi causa parum-
per cōstituamus: ut qualis & quantus sit
huiusmodi totus mūdi ornatus, paulò cla-
rius & euidētius elucescat. Ideo uaria su-
pradictarū rerū ornamēta cōsideremus:
fontiū gelidas perēnitates, liquores per-
lucidos, amniū riparūque uestitus uiri-
dissimos, diuersis coloribus atque dissimili-
bus, ut ita dixerim, inter se uiriditatibus
distinctos: speluncarum concauas pro-
funditates, saxorū asperitates, impenden-
tium montiū altitudines, immensitatesque
camporum circūspiciamus. Quæ uero
& quā uaria genera bestiarū uel cicu-
rum uel ferarum? Qui uolucrum lapsus
atque cantus? qui pastus? quæ uita sylue-
strium? quid denique de humano genere
dicemus? qui quasi cultores terræ consti-
tuti, non patiuntur eam nec immanitate
belluarū efferari, nec stirpium asperitate
uastari,

vastari, quorumq; operibus agri, insule,
 littoraq; collucet distincta terris & ur-
 bibus. Quæ quidē omnia si ut animis sic
 oculis uno aspectu uidere & conspice-
 re possemus, quale & quàm mirabile spe-
 ctaculum nobis ita uidentibus & cōspi-
 cientibus appareret, nec uerbis abunde
 explicare, nec mente satis excogitare ua-
 leremus. Etenim si priscis tēporibus illi
 præstantissimi uiri se aliquid dignum as-
 secutos fuisse putabant, qui ostium pon-
 ti uiderant, & eas angustias per quas pe-
 netrauerat Argos prima illa & celebra-
 ta nauis: aut ij qui oceani freta illa con-
 spexerant, ubi rapax unda Europam Li-
 byamq; diuidens ab inuicem dirimebat:
 Quod & quale spectaculum fore cense-
 mus, si totam, terram, situm, formam, cir-
 cumscriptionem, pulchritudinem, simul
 contueri liceret? At uero quoniā omnia
 in unū simul collecta corporeo uisu con-
 spicere uidereq; nequimus, saltem singu-
 la quæq; maiora & digniora paulò ube-
 rius designemus, atque aliquanto latius
 amplificemus, ut per hanc amplificatio-

nem nostrā hęc ipsa tam pulchra & tam
 decora ac tam admirabilia, quandoquidē
 conspiciari non possumus, saltem multo
 melius comminisci & contemplari ualea-
 mus. Quanta itaq; est maris oceani pul-
 chritudo, quamq; incredibilis magnitu-
 do: quo uniuersus terrarū orbis ambiri
 & circuiiri uidetur. Quātus deinde huius
 nostri mediterranei decor & ornatus:
 quod ab illo uelut à fonte et à capite pro-
 fluens plerasque prouincias regionesq;
 mirabiliter abluit. Quæ deinde species:
 quæ magnitudo: quæ moles: quæ ua-
 rietas uniuersi: quæ amœnitas orarū ac
 littorum: Quot genera, quamq; disparia
 partim submersarum partim fluitantium
 & innatantium belluarū: Quanta quoq;
 sunt cœlorum ornamenta: Sol enim qui
 nobis ita paruus apparet, ut humanū ca-
 put uel paululū excedere uideatur, ma-
 gnitudine tamē sua multis partibus tota
 terra, circa quam cōtinuo quodā ac per-
 petuo motu uoluitur, maior: Isq; oriens
 & occidens diem noctēq; conficit, & mo-
 do accedens & modo recedens binas in
 singulos

*Solis ma-
 gnitudo &
 cursus.*

singulos annos reuersiones ab extremo
 contrarias facit : quarum interuallo tum
 quasi tristitia quadam contrahit terram,
 tum uicissim lætificat, ut cum cœlo hilara
 ta uideatur. Luna cuius magnitudo ter-
 ra ipsa minor est, his quibus Sol spacijs
 uagat̃. Reliquæ stellæ, quas uagas & er-
 rantes græco uerbo planetas dicimus, cir-
 ca terram feruntur, eodemq; motu oriun-
 tur & occidunt: quorum motus tum inci-
 tantur tum retardantur, sæpe etiam insi-
 stunt. Sequitur stellarum inerrantiũ ma-
 xima multitudo, quarum distinctio pro-
 fectò talis & tanta est, ut eo spectaculo ni-
 hil pulchrius, nihil ornatius, nihil deni-
 que admirabilius fieri, reperiri, excogita-
 ri, poterat. Quod quidem omnipotens
 Deus non solum idcirco fecisse uidetur,
 ut maius & euidentius ipsius uniuersi or-
 namentum appareret: sed etiam ne Solis
 lumine ad occasum descendente, obscu-
 ra & cæca nox, tetris atque horrentibus
 tenebris nimiũ ingrauesceret, noceretq;
 uiuentibus hominib; obesset, cuius gra-
 tia cuncta quæq; uiuentia instituisse & or-

dinasse nouerat: proinde ipsas noctis tenebras ob tantū & tam incredibilem paruarum stellarū numerositatē multis minutisq; luminibus tēperauit. Quæ quidē quasi omnia Cicero in primo Tusculanarum disputationū his uerbis comprehendere & cōplecti uidetur. Primū uidemus speciem cādoresq; coeli: deinde cōuersionis celeritatē tantam, quantā cogitare nō possumus: tum uicissitudines dierū & noctiū, cōmutationesq; temporū quadripartitas, ad maturitatē frugū & ad temperationē corporū aptas, eorūq; omniū moderatorē & ducē solem, lunamq; accretione & diminutione luminis quasi factorū notantē & significantē dies. Tum in eodē orbe in duodecim partes distributo quinq; stellas ferri, eosdē cursus cōstantissime seruantes disparibus inter se motibus, nocturnāq; coeli formā undiq; sideribus ornatā. Tum globū terræ eminentē ē mari fixū in medio mūdi uniuersiloco, duabus oris distantibus, habitabilē & cultū: quarū altera quā nos incolimus, sub axe posita ad stellas septem, unde
Horrifer

Horriſer aquilonis ſtridor gelidas molitur niues.

*Altera australis ignota nobis, quā Greci
uocāt αὐράξονα. Cæteras partes incultas,
quod aut frigore rigeāt, aut urant calore
Hic aut ubi habitamus nō intermitit ſuo*

Cælum nitescere, arbores frondescere, (tēpore

Vites lætifica pampinis pubescere,

Ramos baccarum ubertate incurvescere,

Segetes largiri fruges, florere omnia,

Fontes scatere, herbis prata conueſtirier.

Tum multitudinē pecudū partim ad ueſcendum, partim ad cultus agrorum, partim ad uehendum, partim ad corpora ueſtienda, hominemq; ipſum quaſi cōtemplatorē cœli ac deorū, eorumq; cultorē, atq; hominis utilitati agros omnes & maria parētia. Si ergo mūdī huius ornatus, ne fortē in rebus tam clariſ tamq; euidentibus longiores ſimus, talis & tantus eſſe perhibetur et creditur, qua forma, qua pulchritudine, quo decore hominē præditum exiſtimare debemus? cuius ſolius cauſa mūdum ipſum pulcherrimum & ornatiffimum factum eſſe non dubitamus. Nō mirum igitur ſi ueteres nouiq;

non iniuria fore potuisset: ceu in primo huius operis libro multo latius & uberius explicauimus. Sed hæc hæcenus de forma. Quid uero de subtili & acuto eius tam pulchri & tam formosi hominis ingenio dicemus? quod equidem tantum & tale est, ut cuncta quæq; post primam illam nouam ac rudem mundi creationē ex singulari quodam & præcipuo humanæ mentis acumine à nobis adinuēta ac confecta & absoluta fuisse uideātur. Nostra namq; hoc est humana sunt, quoniā ab hominibus effecta, quæ cernuntur, omnes domos, omnia oppida, omnes urbes, omnia deniq; orbis terrarum ædificia, quæ nimirū tanta & talia sunt, ut potius angelorum quàm hominum opera, ob magnam quandam eorum excellentiam, iure censerī debeant. Nostræ sunt picturæ, nostræ sculpturæ, nostræ sunt artes, nostræ scientiæ, nostræ (uel uolentibus uel inuitis Academicis, q̄ nihil omnino à nobis, nesciētia, ut ita dixerim, duntaxat excepta, sciri posse arbitrabantur) sapientiæ. Nostræ sunt deniq; ne de sin-

gulis longius differamus, cum propè infinita sint, omnes adinventiones, nostra omnia diuersarum linguarum ac uariarum literarum genera, de quarum necessarijs usibus quāto magis magisque cogitamus, tanto uehementius admirari & obstupescere cogimur: nam cum primi illi homines ac uetusti eorum successores sine mutuis quibusdam & uicissitudinarijs fauoribus, per se solos nequaquam uiuere posse animaduertērēt, subtile quoddam & acutum loquendi artificium adinuenerunt, ut per linguam intercedentibus uerbis abstrusa quæque intīmæ mentis sensa cūctis audientibus innotescerēt. Cum deinde tractu, ut fit, temporis, genus humanū mirum in modum multiplicaretur: ac diuersas orbis regiones prouinciasque incoleret, necessarium fuit, ut elementorum characteres inuenirentur, quibus absentes amicos de cogitationibus nostris certiores reddere ualeremus: Vnde tam uaria linguarum genera & tam diuersæ literarū figuræ emanasse & profluxisse cernuntur.

tur. Nostra sunt denique omnia machi-
namenta, quæ admirabilia & penè incre-
dibilia humani uel diuini potius inge-
nij acies ac acrimonia singulari quadam
ac præcipua solertia moliri fabricarique
constituit. Hæc quidem & cætera huius-
modi tot ac talia undiq; conspiciuntur,
ut mundus & eius ornamenta ab omni-
potenti Deo ad usus hominum primo
inuenta institutæque, & ab ipsis postea
hominibus gratâter accepta, multo pul-
chriora multoq; ornatiores ac longe po-
litiore effecta fuisse uideantur. Vnde fa-
ctum est, ut primi quarumcunque arti-
um inuentores pro dijs à priscis genti-
bus colerentur, de quibus quidem cre-
dibilior, ut in septimo De ciuitate Dei,
inquit Augustinus, redditur ratio, cum
perhibentur homines fuisse, & unicuiq;
eorum ab his qui illos adulando deos es-
se uoluere, & eorum ingenio, moribus,
actibus, casibus, sacra & solennia con-
stituebantur. Quid insuper de humana
sapientia referemus? cum ipsa ordinandi
operatio ad dignum quoddam & unicũ

solius sapientis officium spectare pertinereque existimetur. Illū enim sapientem esse iure dubitare & ambigere non possumus, cuius proprium officium sapere dicimus: quod in nullo alio magis consistere uidetur, quā ut ordine suo inter agendum utatur. Sed ut paulò apertius differamus: Sapientis proprium officiū esse credit, ut omnia quęcunque facta sunt singulari sua sapientia instituat, ordinet atque gubernet. Atqui hæc quę in mūdo cernuntur pleraque ab hominibus ordinata & instituta fuisse, nemo inficias ibit: Homines enim, uelut omnium domini, terrarumque cultores, uarijs eam diuersisque operibus suis mirum in modum coluerunt, atque agros & insulas littoraque terris & urbibus distinxerunt. Quę si ut animis, ita oculis uidere atque conspicere ualeremus, nemo cuncta uno aspectu intuēs, quēadmodum supra diximus, ullo unquā tempore admirari atque obstupescere desisteret: Cæterum non ut oratorum solum, sed etiam ut dialecticorum more, argumentandi & declarandi causa, quandoque argumenta

gumēta stringamus: Sapiētia ipsa de qua
 impræsentiarum differimus in solum ho-
 minem cadit: licet calliditas & astutia in
 mutis quoq; animalibus reperiatur: uel
 cum alijs insidiantur, & deuorandi gra-
 tia dolo capiunt, uel cum insidias cetero-
 rum uario quodam lusionis genere delu-
 dunt. Est enim sapiētia, ut inquit Aristo-
 teles, sciētia & intellectus preciosissimo-
 rum natura: Vel, ut Lactantio placet, in-
 telligentia uel ad bonū rectumq; facien-
 dum, uel abstinentia dictorū factorumq;
 improborū: Vel, ut aliquāto clarius ex-
 plicemus, profectò nihil aliud sapientia
 est, quàm certa quædā unius ac ueri Dei
 notitia: Omnis enim hominis sapiētia in
 hoc uno & solo consistere & residere ui-
 detur, ut Deum præ cæteris cognoscat
 & colat. Præterea alia intellectiuarum ac
 moralium uirtutum opera, ad quem alte-
 rum quàm ad sapientem hominem spe-
 ctare & pertinere uideātur, nequaquam
 intelligimus: qui cum cerneret duplicē
 illum irascibilē appetitū nobis cum brut-
 is esse cōmunem, ad cohibendum effre-

natos rebelles que huiusmodi appetitus impetus, prædictas intellectus morisq; uirtutes adinuenisse ac reperisse perhibetur, quibus ueluti frenis quibusdã uarias ac multiplices & obscœnas uoluptates compesceret: quarum humanarum duntaxat, quàm illum cæterarũ animantium appetitum fertiliorem & abũdantiorem esse uoluit. Nam cæteræ animâtes, præter unam libidinis uoluptatẽ, quæ ad generandũ pertinet, nullam sentiũt. Vtuntur ergo sensibus ad naturæ suæ necessitatẽ. Vident, ut appetât ea quibus opus est ad uítam tuendam. Audiũt, inuicem seq; dignoscũt, ut possint cõgregare quę utilia sunt ad uíctum: aut ex odore inueniunt, aut ex sapore percipiunt. Inutilia respuunt ac recusant. Edendi & bibendi officium uentris plenitudine metiũtur. Ac ne plura de humana sapientia dicamus, Quid de hominũ diuitijs atq; opibus referemus? Nostræ sunt terræ, nostri sunt agri, nostri sunt cãpi, nostri montes, nostri colles, nostræ ualles, nostræ ficus, nostræ persici, nostræ cerasi, nostræ pruni,

pruni, nostrę nuces, nostrę auellana, nostrę aranci, nostrę mespila, nostrę sorbi, nostrę castanea, nostrę quercus, nostrę ilices, nostrę fraxini, nostrę platani, nostrę abietes, nostrę cupressi, nostrę pini, nostrę deniq, ne de pluribus sigillatim dicamus, omnes cū domesticarum syluestres arbores. Postremo nostri cunctarū herbarū fructus, quarū genera tot & tanta esse perhibentur, ut penē infinita uideantur. Nostri equi, nostri muli, nostri asini, nostri boues, nostri tauri, nostri camelī, nostri canes, nostra pecora, nostra omnia armēta, nostri sues, nostrę oues, nostrę capre, nostri agni, nostri hēdi, nostri arietes, nostrę cūctę quęq; greges. Et ne de cicuribus duntaxat differuisse uideamur, nostri præterea sunt lepores, nostri capreoli, nostri apri, nostri cerui, nostrę uulpes, nostri lupi, nostrę natiues, et cætera reptilia: nostrę cūctę quęque ferę, & omnia syluestria. Nostri homines, nostra flumina, nostra fluentia, nostri fluuij, nostri torrētes, nostri lacus, nostra stagna, nostri fontes, nostri riuuli, no

stra maria, nostri omnes pisces, quorum species innumerabiles prædicantur. Nostra pariter reliqua duo elementa, aër & æther; siquidem nostræ aues. Quarum diuersitates tot & tantæ esse perhibentur, ut prouidentia diuina, quã greci *πρόνοια* nuncupant, epicurea fuisse uideatur: cū tam uaria ac tam uoluptuosa, partim animatarum partim inanimatarum rerum genera hominibus ipsis parare & administrare uoluerit; quoniam multiplices & uarias diuersorum animalium species in terris, in aquis, in aëre, ad usum hominis effectas affatim collocauit, abundeque constituit. Quod in æthere similiter fecisset, si eius elementi natura omnium consumptrix fieri permisisset. Quid plura? nostri sunt cœli, nostra astra, nostra sidera, nostræ stellæ, nostræ planete, & quod mirabilius uideri potest, nostri sunt angeli, qui, ut inquit Apostolus, administratores spiritus in usum hominum creati fuisse creduntur; quod Dionysius Areopagita peregregius eius discipulus, in præclaris illis De angelica & ecclesiastica hierarchia

chia uoluminibus, interpretari & explanare cupiens, inter cætera angelorū officia, id præcipuum & peculiare esse confirmauit & uoluit, ut homines angelicis inspirationibus illuminarent, illuminatosq; purgarent, purgatosq; perficerēt. Nō solū prædictis huiusmodi illuminandi, purgandi, ac perficiendi ministerijs, sed pluribus quoq; alijs famulatibus humano generi inservire & obsequi cōperiuntur. Quod multa & quidem celebrata ueteris ac noui testamēti exēpla planē & aperte declarant. Nam & Abrahæ ad ilicem Mambræ, ut scribitur, sedenti tres angelos, ut filium sibi ex Sara iam nonagenaria nasciturum significarent, apparuisse legimus: quem Isaa: propterea cognominauit, quoniā Sara, quasi impossibile foret, quod muliebria multo ante fieri desierant, risisse dicitur: Huiusmodi enim nomē ex hebræa in latinam linguā cōuersum, risus interpretatur. Et unum alterum postea cum Iacob, ut admirabilē quandam sui ipsius uirtutem comprobarer, conflixisse nouimus, ex quo Israël

cognomen accepit, quoniam angelo in mutuo congressu, angelicoq; duello uiriliter restitisset. Ac Raphaëlem insuper Tobiaë filio, cum à patre eiusdē nominis exigēdi decem talentorū argenti gratia, quæ ipse Gabelo cuidam amico suo mutuo dederat, è Galilæa, unde oriundus erat, usq; in Mediā prouinciā mitteretur, peregrini ac longinqui itineris ducē & comitem extitisse accepimus. Daniel præterea cum in lacum leonū iussu Dario Medorum principis à feris laniādum mitteretur, atq; tres quoque uiri eius socij in maximum quendam ardentis fornacis rogi, ex præcepto Nabuchodonosor regis Babylonis, ligatis manibus & pedibus proijcerentur, omnes angelicis obsequijs à crudelibus feris, à flammaq; illesos, & ab igne demum liberatos fuisse scimus. Sed quid nos plura uel ueris uel noui testamenti exempla cōquirimus, cum omnia sacrarum scripturarū loca angelicis mysterijs refertissima uideamus? Siquidē Gabrielem Mariæ uirgini salutiferam Christi cōceptionem: &
beatus

beatis quoq; pastoribus nō unum ange-
 lum, sed potius angelorum agmen, nam
 multos fuisse cōstat, eius natiuitatē nū-
 cialisse: & Iosepho patri, de pueri nati in
 Aegyptum delatione, & non multo ex-
 inde reuerfione, angelos retulisse memi-
 nimus. Et sexcenta alia huiusmodi ex e-
 uangelica lectione prouenisse cognoui-
 mus. In Vitis deniq; sanctorum patrum
 angelos plures defunctorum hominum
 animas in cœlum portasse, & obsequia
 in funeribus frequenter exhibuisse non
 dubitamus: quæ, ne nimij simus, præter-
 mittere, quàm recitare maluimus, præ-
 fertim cum talia sint, ut neminem uel me-
 diocriter quidem doctum latere debeāt.
 Ex qbus omnibus superius à nobis enar-
 ratis, & satis superq; satis confirmatis, ho-
 minem opulentissimū ac potentissimum
 esse planē & aperte concludit: Quando-
 quidē cunctis quæ creata sunt sua uolun-
 tate uti, propriaq; uoluntate dominari &
 imperare potest. Hæc omnia cum uete-
 res Romani humano generi diuinitus à
 natura data esse cognoscerent, atque ipsi

Ioui, utpote cæterorū deorum, quem= admodum ipsi opinabātur, principalissim= mo, accepta referrent: idcirco optimum maximum appellabant. Præterea solertissimi artificis prouidentia homini ipsi, quem tam formosum, tam ingeniosum, tam sapiētem, tam opulentū, & ad extremum tam præpotentem, ac tantum principem & ubiq; imperantē, constituerat, uoluptatem præbuit penè infinitā, quam ex omnibus creatarū rerum generibus delibaret & caperet: Sed in uitiū cadentem, quia præposuit ei uirtutē, quæ cum uoluptate semper, tanquam cum domestico hoste pugnaret: Nam singulis sensibus uisus, auditus, odoratus, gustus, & tactus, certiores ac uehemētiore & plures ab hominibus, quàm à cæteris animalibus uoluptates & delectatiōes capiuntur: quod in Venereis paulò manifestius apparet: Ceu Lactantius in septimo institutionū aduersus gentes, his uerbis innuere uideť: Cū excogitaret Deus duorum sexuū rationem, attribuit his, ut sese inuicem appeterent, & cōiunctione gauderent.

derent. Itaq; ardentissimam cupiditatem cunctorum animantium corporibus admiscuit, ut in hos affectus avidissime ruerent, eaq; ratione propagari & multiplicari genera possent. Quæ cupiditas et appetentia in homine uehementior & acrior, quam in cæteris animalibus inueniunt: uel quia hominũ multitudinẽ uoluit esse maiore: uel quia uirtutẽ soli homini dedit, ut esset laus & gloria in coërcendis uoluptatibus & abstinentia sui, & reliq. Quibusdam deinde sanctis hominibus data fuit cœlitus potestas, ut plura miracula facerent, pluresq; defunctos ab ipsa morte ad ueram & certam uitam, mirabile dictu, suscitarẽt: Ceu de Moyse, Helia, Heliseo, Daniele, pluribusq; alijs ueteris testamenti prophetis: ac etiam Petro, Paulo, Ioanne, reliquisq; apostolis: Stephano, Laurentio, Geruasio, & Prothasio, multisq; alijs martyribus, ab idoneis autoribus scriptũ legisse meminim⁹. Omnibus insuper sacerdotibus cõcessum est, ut nõ modo per baptismũ quibusdã suis formalibus uerbis peccatum originale,

quo omnes homines infecti oriuntur, sed cetera quoque humana delicta, facinora ac flagitia per indulgentiam & ueniam dimittere delereque ualerent. Ac praeterea sacratissimum Christi corpus conficere & consecrare uel maxime possent. Episcopos aliosque Romanae ecclesiae prelatos & summos pontifices omittamus, quibus certa quaedam ac mirabilia damnandorum ac saluandorum hominum priuilegia ab omnipotenti Deo indulta & exhibita fuisse legimus. Haec omnia superius a nobis commemorata poetae, philosophi, ac theologi & ceteri omnes scriptores Graeci pariter & Latini, ac Hebraei quoque, pluribus suorum librorum locis, plane & aperte & asserere & confirmare uidentur. Ouidius namque, ut sola eius auctoritate ex poetis contenti simus, ubi Deum mundum formasse, atque partes suas ab inuicem separasse contendit (etsi nos diuinitus creatum fuisse, non dubitemus) demum in productione hominis carmina haec posuit:

Sanctius his animal mentisque capacius altae,

Deerat

Deerat adhuc, & quod dominari in cætera posset,
Natus est homo.

Plato in Timæo Deum fabricatorē mundi cōstituit: quem ad utilitatem tantummodo hominū ab eo creatum & formatum esse uoluit. Moyſes prophetarū & omnium ueterum theologorum (pace aliorum dixerim) princeps & caput, poſtquam ab omnipotenti Deo cuncta quæque, homine duntaxat excepto, uel facta uel creata fuiſſe dixit: Faciamus, inquit, hominem ad imaginem & ſimilitudinem noſtram, ut præſit piſcibus maris & uolatilibus cœli, & beſtijs terræ, uniuerſæq; creaturæ, omnibuſq; reptilibus, quæ mouentur in terra. Quem quidem, uti prædixerat, tanquā unicū cunctorum antea factorum dominum poſſeſſorēq; poſtea creauit, & benedixit & ait: Crescite & multiplicamini & replete terram, & ſubijcite eam, & dominamini piſcibus maris, & uolatilibus cœli & uniuerſis animantibus, quæ mouentur ſuper terram. Paulus apoſtolus uas electionis & magiſter gentium ac nouorū

theologorū doct̃or, ueterumq; explana-
tor, omnia quæcūq; facta sunt nostra es-
se cōfirmat: nam ad Corinthios scribens
ita inquit: Omnia enim nostra sunt, siue
Paulus, siue Apollo, siue Cephas, siue
mundus, siue uita, siue mors, siue pręsen-
tia, siue futura, omnia enim nostra sunt:
Vos aut̃ Christi, Christus uero Dei. quę
quidem uerba catholici explanatores no-
stri recte interpretari & declarare maxi-
me cupientes, tanti fecisse uidentur, ut
in hunc modū ab inuicem distinxerint,
quippe infima, equalia et superiora hinc
inde distinguentes: ~~Infima~~ ad utendum,
~~equalia~~ ad conuiuendum, superiora ad
fruendum, pulcherrime atq; optime in-
terpretantur. Dauid denique hanc maxi-
mam & præstantissimam ipsius hominis
dignitatem suprā quam dici potest admi-
rans in octauo illo celebratissimo & uul-
gatissimo psalmo quasi Deū percōtare-
tur, & paulo post sibi ipsi sic interrogan-
ti responderet, carmina hæc ponit: Quid
est homo quod memor es eius, aut filius
hominis quoniam uisitas eum? Minuisti
eum

eū paulò minus ab angelis, gloria & honore coronasti eum, & cōstituisti eum super opera manuū tuarum : Omnia subiecisti sub pedibus eius, oues & boues uniuersas, insuper & pecora cāpi: Volucres cœli & pisces maris, &c. Quorū quidem uerborū cōmemoratus Apostolus dum ad Hebręos scriberet meminisse legitur, quādo in eo, inquit, quod omnia ei subiecit, nihil prættermiserit, quod humanā potestati largiri noluerit : cum paulò superius ad maximam quandam humani generis dignitatem uniuersum terrarū orbem nō angelis quos in admirabili quadam excellentia constituerat, sed hominibus duntaxat subiecisse ac tribuisse testatur. Atq; hæc omnia quæ prædicta sunt, dum in hac uita mortali peregrinañt, à domino quasi inuitus repugnansq; consequitur: perpetuam præterea felicitatem, sempiternamq; post corporeā mortem beatitudinem ei, ut diximus, tot tantisq; muneribus mirabiliter constituto & ornato, ferre ac promittere & largiri insuper, modò non repugnaret, concupiuit

& uoluit: atque ut sibi recte admonenti crederet, multifariam & apprime exhortatus est. Ante omnia namq; duobus primis hominibus, quos in maiori quadam dignitate ceu iustitia originali, ut theologo uerboutamur, prædictos quàm cæteros omnes post detestandam illam eorum transgressionem in peccato originali conceptos, constituerat, præter illa naturalia intelligendi, memorandi, ac uolendi dona, expressam quandam ueriboni cognitionem ipsorum mentibus impresserat. Et ne sua mandata transgredierentur, non modo proprijs suasionibus admonuit, sed terribiles quoq; metus mortis que terrores adiecit, ut eos à malis facinoribus uehementius deterret. At uero nec suasionibus nec minis, neq; terroribus profecisse uidetur: nam dum ipsi diabolicis laqueis irretiti labuntur in præceps, nimirū sese genusq; humanum ab illis propagādum perpetuò damnauerūt. Posterī autem qui post plura secula primis illis parentibus successerunt, deterīoribus peccandi conditionibus

bus deprauati, suis malis facinoribus sceleratisque flagitijs sese ita inquinauerunt, ut Deum ad generalem quandam humani generis punitionem prouocarent: ex quo uniuersum terrarum orbem ab illo generali & admirabili diluuió inundatum fuisse constat: ubi cuncta uiuentia, piscibus duntaxat reptilibusque exceptis, aquis submersa interierunt, nisi ea sola, quę in arca illa famosissima à Noë iusto consolatore, quemadmodum eius nomē ex hebræa in latinam linguam conuersum, ceu in secundo huius operis libro dixisse meminimus, significare uidetur, diuinitus fabrefacta incolumia remanserunt: ex quibus cuncta quęque diuersorum animalium genera nouam quandam originem traxisse non dubitamus. Abrahę deinde temporibus eadē monita peruicissitudinarios angelos eousque subsecuta sunt, quoad Deus Moyse diuinam legem per duas illas celeberrimas decantatasque tabulas largiretur. In qua quidem lege quibuscunque præuaricatoribus suis

plura maledictionum & execrationū genera imprecatus est: Seruatoribus uero omnes benedictionum & indulgentiarum species promittere atq; offerre decreuit et uoluit. Cum aliquot deinde annorum milia intercessissent, diuina illa & antiqua pręcepta uilescere cōperūt: Vnde ne totum genus humanū suis iniquis operationibus merito damnaret, appropinquante temporis plenitudine, quemadmodum ait Apostolus, misit Deus filium suum humani generis redemptorem, ut eadē ueteris legis pręcepta renouaret, renouataq; multo clarius & apertius explicaret, atq; temporales illas contemptorū & spretorū mandatorū punitiones, per diuersas detestationes in perpetuas tartari pœnas, & uersa uice, priscam lactis mellisq; dulcedinē, in dignissima quædam uirtutum præmia, hoc est in æternū cœlorū regnum, cōuerteret. Per tot igitur modos, præter naturales quasdam & gratuitas humani generis conditiones, ipsum in tot tantisq; dignitatibus constitutum, felix ac beatum, dummodo
uellet

uellet, ut diximus, efficere concupiuit &
 uoluit. Quod ut facilius ordinare & asse-
 qui ac parare posset, singulis hominibus
 singulos angelos ab initio natiuitatis at- *Suis cuiq;*
 tribuit, ut eos, quasi pædagogi forent, à *homini an-*
 malis facinoribus scelestisq; flagitijs cu- *gelus.*
 stodirēt. In quo quidem Deus toti gene-
 ri humano ita fecisse itaq; indulgisse uide-
 tur, quemadmodū diligentes patres pue-
 ris et adultis filijs facere et indulgere cō-
 sueuerūt: quibus in puerili & adulta æta-
 te cōstitutis, non solum literarum & pri-
 morum elemētorum magistros, sed mo-
 rum etiā doctores, quasi cōtinuos quos-
 dam comites custodēsque largiri & assi-
 gnare solent, quos græco uerbo pæda-
 gogos, hoc est, ut latine interpretemur,
 quasi puerorum ductores, appellarunt.
 Hanc de singulis angelis perpetuis sin-
 gulorum hominum custodibus, nō mo-
 do catholicā sentētiam ex accurata qua-
 dam sacrarum scripturarū lectione, sed
 ex quibusdam etiam gentilibus & ethni-
 cis autoribus certam & ueram esse non
 dubitamus. Nam & priscæ historiæ, san-

etorum uirorum autoritatibus prætermis-
sis, Pyrrhi Epirotarum regis bello Curius,
Fabritius, Coruncanus: primo Punico
Calatinus, Duellius, Metellus, Lucas-
tius: Secundo, Maximus, Marcellus,
Africanus: post hos Paulus, Gracchus,
Catonem, Scipionem, Lælius, multosque
præterea Græcos & Latinos præstantissi-
mos & excellentissimos uiros extitisse te-
stantur: quorum neminem, nisi iuuante Deo,
ut ait Cicero, hoc est fauente angelo sua-
sore & impulsore, talem fuisse credendum
est. Poëtæ quoque eorum poemata fingen-
tes hoc idem suis carminibus fabulantur:
quæ enim alia ratio poëtæ maxime Ho-
merum impulit, ut principibus heroû, Vli-
xi, Diomedi, Agamænoni, Achilli, cæte-
ros deos quasi diuinos ministros, quos
nos iam pridem paulò euidentius angelos
nuncupare & appellare consueuimus, di-
scriminum & periculorum adiutores comi-
tesque adiungeret: Philosophi insuper id
ipsum asserere & confirmare uidentur:
Quando Socrates oraculo Apollinis sa-
pientissimus cæterorum omnium iudicatus,
dæmonem

dæmonem quendā sibi in custodiam datum, cuius cōsilio in rebus serijs & graui-
 bus uterē, coram omnibus prædicabat:
 seu ex pluribus Platonis libris & dialo-
 gis, atq; ex celebrato illo prædicti Apu-
 leij Madaurensis opusculo, cuius titulus
 est De deo Socratis, planē & aperte de-
 prehendimus. Cum igitur deus homi-
 nem ipsum talem esse constituerit, qualē
 suprā breuius quoad fieri potuit uerbis
 designare ac figuris depingere ualuim⁹:
 atq; illum pulchritudine, ingenio, sapien-
 tia, diuitijs & opibus, potentatibus insu-
 per & imperijs, pluribusq; alijs aduon-
 tibus priuilegijs, uel maxime ornaue-
 rit: quod deinde et quale ei cœlesti & di-
 uino animalī atque ita mirabiliter consti-
 tuto officium exhibuerit, parumper con-
 sideremus. Postquam ergo Deus in con-
 stitutione mundi cuncta prius effecerat,
 postremo hominem creauit: hunc He-
 braice Adam appellamus: quod nomen
 primæuo illi nostro parenti propterea
 non immeritò attributum fuisse accepim⁹
 mus, quoniam uerus & dignus homo a

Deo diuinitus factus erat. Vnde uetus illius sacri idiomaticis consuetudo Adam primum, ad certam quādam aliorum hominum differentiam nuncupat & appellat, cuius gratia omnia paulò ante constituerat, atq; præcepit, ut illis omnibus antea creatis dominaretur, atq; ad utilitatē quemadmodū uellet, suam uterēt. Proinde ut magna & recta & admirabilis esset uis & ratio & potestas hominis, propter quem mundum ipsum & omnia quæ in mundo sunt creata fuisse ostendimus: sic pariter rectum & simplex atq; unicū officium suum tale esse existimamus & credimus, ut mundum eius causa factum, ac præsertim cūcta quæ in hoc uniuerso terrarum orbe constituta uidemus, gubernare et administrare cognoscat et ualeat. Quod nequaquam nisi cum agēdo tum intelligendo penitus perficere, & omnino adimplere poterit. Itaq; non iniuria, agere & intelligere proprium ipsius hominis officium fore dicemus: atque ita proprium eius esse existimamus & credimus, ut intelligere & agere, quā re quod

Officiū hominis proprium.

re, quod antiqui et nostri temporis philosophi, ut suis uerbis declarandi & explicandi gratia utamur, proprie proprium appellare consueuerunt, magis humane nature cōueniat: nam cum utrūq; omnibus hominibus pariter competere minime ambigamus, homines tamē sine risu officium suum recte & probe administrare & exercere posse, atq; homines remanere cognouimus: Quod absq; intellectu nequaquā efficere & adimplere ualerent, hominesq; esse desinerent, quorū solum officiū intelligere, sentimus. Scimus. Etsi hoc intelligendi & agendi modus quod homini ab omnipotenti Deo tributum uidemus & scimus, alijs utpote angelis & creatori, & nō ridendi exercitium cōuenire uideat: in hoc certe homo melioris qualitatis & conditionis habet & credit, ut in proprio eius officio unā cum angelicis spiritibus et cum ipso deo cōmunicauerit: Quoniā aliter, hoc est sine operatione & intellectione, mundo eius causa facto ipsum nequaquā uti posse intelligimus. Nullum quoq; aliud

animal præter hominē solum per suā naturam operationis & intellectiōis particeps fieri potuisse nouimus. Quod Ciceronē in secūdo De finibus bonorū et malorum, dum cōtra Epicureos disputaret, his uerbis & in hūc modum declarare & explicare cōperimus, sic enim inquit: Hi nō uiderūt, ut ad currendū equū, ad arandum bouē, ad indagādum canem, sic hominē ad duas res, ut ait Aristot. ad intelligendū & ad agendū esse natum, quasi quendā mortalem Deū. Et philosophus ipse cū in primo Ethicorū, de propter quodā hominis opere & officio inuestigaret, absurdū fore putauit, ut fabri & sutoris ac cūctorum aliorū opificū, & omniū insup humanorū membrorū, ut oculi, manus & pedis & cæterorū propriū aliquod opus & officiū esset, hominī uero nullū singulare peculiareq; exercitium, utpote ocioso & ad nihil agendū nato, tribueretur. Atq; eam quā Cicero eleganter terminauit sententiā, ita definiuit, ut homo, scilicet ad agendum & ad intelligendū, tanquam quidam mortalis
deus

deus nasceretur. Quod si recte decenterque
 faceret, quemadmodum fieri oporteret,
 profectio Deum per ea quæ facta sunt ui
 sibilia cognosceret, eumque cognitum ada
 maret, ueneraret & obseruaret: id enim
 proprium solius hominis officium esse
 creditur, in eoque solo summa rerum &
 omnis beatæ uitæ ratio consistit: Quando
 quidem propterea facti & constituti ab
 eo sumus, ut non cœlum uideremus &
 solem, quod Anaxagoras putauit, sed ut
 artificem solis & cœli Deum pura & in
 tegra mente coleremus. Deus namque uo
 luit ut cœlum spectaremus, non utique fru
 stra, quippe aues et ex mutis penè omnia
 cœlum uidere & suspicere possunt. Sed
 nobis proprie datum est rigidis ac stanti
 bus intueri, ut religionē ibi quæramus,
 & Deum quibus illa sedes est, quoniam
 oculis non possumus, animo contemple
 mur. Naturam enim hominis Deus hanc
 esse uoluit, ut duarum rerum cupidus et
 appetens esset: religionis & sapientiæ,
 quoniā in his duobus inseparabiliter cō
 nexis officium hominis et ueritas omnis

inclusa est. Itaque omnipotens dominus ei in tanta ac tam sublimi dignitate constituto, suapte natura indidit, ut seipsum cōseruandi sui causa diligeret: cæterum uero per certa quædam & expressa scriptæ legis mandata iniunxit, quatenus omnes proximos, hoc est, omnes homines honorarent & obseruarent: Atq; ut hoc diligendi sui officium libentius atq; constantius exequerentur, adimplerent ac perficerēt, singulis quibuscq; huius diuini opificij dilectoribus & cōseruatoribus, sese pro digna quadam mutuæ dilectionis mercede æternum cœlorum regnum daturū planè & aperte pollicitus est: Cæteris autem illius sui operis osoribus, & tantī ædificij quomodocunq; destructoribus & dedecoratoribus, perpetuas inferorum pœnas seipsum exhibiturum pluribus horrendis & terribilibus cōminationibus & nonnullis etiam execrandis detestationibus, pro cōueniente pessimi facinoris sui præmio, claro quodam & aperto sermone significauit. Cū ergo hoc Deus, homini mirum in modum

dum, ut diximus, cōstituto, dignū quodam agendi & intelligendi atq; administrandi & imperandi ac dominandi officium tribuerit, deinceps cur eum fecerit in calce huius tertij libri paucis explicabimus. Est autem uerisimile, quinimò & decens & uerum, cum ratio corporis recta sit, quod est tēporale, ipsum uero animum, qui sit æternus, rectiorem esse debere: cū figura & status nihil aliud significent, nisi mentem hominis eò spectare oportere quò uultum, & animū tam rectum esse conuenire, quàm corpus: ut id *Statura hominis recta quid significet.*

cui dominari debet imitetur & superet. Etenim satis homini esse uidetur, si Deū et eius diuina opera intelligat, cuius quidam intelligentiæ uis & summa hæc est: Ut suspiciat communem parētem generis humani, & rerum mirabilium fabricatorem. Quod quidē Lactantius in libro de ira Dei maxime asserere & confirmare uidetur, cuius uerba hæc sunt: Sicut mundū propter hominē machinatus est Deus, ita ipsum propter se tanquam diuini templi antistitem, spectatorem ope

rum rerumq; celestium: solus est enim qui
sentiens capaxq; rationis intelligere pos-
sit Deum, qui opera eius admirari, uirtu-
tem potestatemq; perspicere: idcirco enim
consilio, mente, prudentia instructus est.
Ideo solus præter cæteras animantes re-
ctus corpore ac statu factus est, ut ad con-
templationem parentis sui excitatus esse
uideatur. Ideo sermonem solus accepit
ac linguam cogitationis interpretem, ut
enarrare maiestatem domini posset. Po-
stremo idcirco cuncta ei subiecta sunt, ut
factori atque artifici Deo esset ipse sub-
iectus. Si ergo Deus hominem suum uo-
luit esse cultorem, ideoq; illi tantum ho-
noris attribuit, ut rerum omnium domi-
naretur; Vtiq; iustissimum est ipsum &
Deum uidelicet eum qui tanta præstite-
rit, amare, & hominem etiam, qui sit no-
biscum diuini iuris societate cõiunctus:
Nec enim fas est cultorẽ Dei à Dei cul-
tore uiolari. Vnde intelligitur religionis
atq; iustitiæ causa esse hominem figura-
tum, cuius rei testis est M. Tullius in li-
bris de legibus, ita dicẽs: Omnium quæ
in docto

in doctorum hominū disputatione uersantur, nihil est profectò præstabilius, quàm planè intelligere nos ad iustitiam esse natos. Quod si est uerissimū, Deus uult ergo omnes homines esse iustos, id est Deum & homines charos habere: Deum scilicet honorare tanquam patrē, hominem diligere uelut fratrē: in his enim duobus tota hominis iustitia consistit. Qui ergo aut Deum non cognoscit, aut homini nocet, iniuste & cōtra naturam uiuit, & hoc modo corrumpit institutum legemquē diuinam. Et in septimo diuinarum institutionum ita inquit: Eorum omnium summa hæc, ut Deum colat: is enim colit qui hæc intelligit. Is artificem rerum omniū, is uere patrem suum debita ueneratione prosequitur, qui uirtutes maiestatis eius de suorū operū inuentione, inceptione, perfectione, metit̃. Cæterū Augustinus rectius quàm Lactant. sensisse, & grauius ac uerius cōsiderasse uideť. Quippe Deum ob immensam eius bonitatem nō sua utilitate (scriptū est em̃, quoniā bonorū nostrorū nō eget) sed potius hominis causa

hominē fecisse putat. Nam, inquit, quia bonus est Deus summus, & reliq. Omitamus Platonicos, q homines factos esse senserūt, ut hunc terrarum orbem incolerent. Missos faciamus pariter Stoicos, qui homines ad usum hominū natos fuisse dixerunt. Peripateticos deniq; ac reliquos cæterarū sectarū philosophos tanquam nocturnos quosdā obscuræ & abstrusæ ueritatis indagatores prætermittamus: & ad catholicos doctores nostros, tanquam in unicū ac tranquillū & securū ueræ & expressæ salutis portum, magna iactati tempestate, confugientes redeamus. Fecit igitur deus hominem, ut per quandam admirabiliū operum suorū intelligentiā, certamq; cognitionē eorū opificem recognosceret & coleret. Quod diuinarum sententiārum magister his uerbis planè & apertè approbare & confirmare uidetur. sic enim inquit: Fecit Deus hominem ut eum cognosceret, & cognoscendo amaret, & amādo possideret, & possidendo deniq; frueret. Itaq; dum est in hac uita mortali mundum ei
ipsi

ipsi habitaculum dedit. Vt enim domus
 unius hominis habitaculū est, & ut urbs
 unius populi, sic mundus pariter domi-
 cilium totius generis humani existima-
 tur & creditur : Et postq̃ defunctus est,
 pio & iusto homini, hoc est qui legitime
 uixerit, sempiternam cœlorū sedem con-
 stituit. Proinde & homo uiuens mūdi in-
 cola fit, & pie moriens cœli possessor effi-
 citur, ac per hunc modum & in hac prę-
 senti & in futura uita semper et omni qui-
 dem tempore felix beatusq̃ habetur. Ex
 hac igitur tāta ac tam sublimi hominis di-
 gnitate & excellentia, uelut ab ipsa radi-
 ce, inuidia, indignatio, dominādi libido,
 & ambitio, atq̃ cæteræ huiusmodi animi
 perturbationes, nō iniuria oriunt̃ & pro-
 fluunt : nam qui sese ita dignū factū fuis-
 se cōsiderat, ut cūctis rebus creatis præ-
 esse ac dominari uideatur, profectō non
 modo ab alijs superari non patiet̃, quod
 est inuidiæ, sed potius cæteros excellere
 uel maxime concupiscet, quod superbię
 & ambitionis proprium uitiū existima-
 tur & creditur. At si fortē cōtigerit ut ali-

quando spernatur, negligat & cōtemna-
tur, usq; adeo indignat, ut cōtemptores
suos, non secus q̃ capitales & acerrimos
hostes ac proprios quosdam excellentia-
rum suarū uiolatores & detractores, eni-
xe usq; ad necem persequat. Quod ego
etiam atq; etiam considerans, atq; homi-
nē nouiter describere & definire uolēs,
ipsum animal indignabundū, mea quidē
sententia, nō iniuria explicauī. Quapro-
pter ut partes huius tertij libri uarie hinc
inde dispersas, tandem aliquando, epilo-
gi gratia, in unum cōcludamus. Si Deus
mundū & cūcta quæ in eo sunt hoīs gra-
tia fabricat⁹ est: Si humanū quoq; genus
omnibus rebus dominari & impare uo-
luit: Si ipsum insup decore, ingenio, sapi-
entia, opibus, & diuitijs, regnis præterea
& potētatib⁹ ornauit: Si pluribus deniq;
& admirabilibus cū generalibus tum sin-
gularibus et præcipuis priuilegijs insigni-
uit: pfectō decere & cōuenire uidebat,
ne is quē in tanto & tam excellenti digni-
tatis gradu collocauerat, et cuius occasio
ne cūcta quæq; machinatus erat, in ppe-
tuum

tuū damnaret: Idcirco quanq̃ protopla-
 stus ille noster diuina mādata trāsgrede-
 retur, ac p̃ hoc ipse & omnes eius poste-
 ri aternā damnationis poenā mererent̃,
 ut ex inde redimerent̃, filiū suum huma-
 nam, quādo aliter fieri nō poterat, carnē
 suscipe, atq̃ ignominiosā execrandi pati-
 buli mortē subire cōstituit. Cæterū si pri-
 mi nostri parentes nequaq̃ peccassent,
 Christus nihilomin⁹ ē cœlis in terras de-
 scendisset, nō ut humanū genus redime-
 ret, q̃d quidē à peccati labe & à reatu im-
 mune extitisset, nisi cōmemorati patres
 nostri diuina mādata temere nimis & in-
 fulse admodū cōtempssissent: sed utiq̃ in
 mundū uenisset, ut hoīem p̃ hāc humilē
 humanæ carnis susceptionem mirabili-
 ter & incredibiliter honoraret, glorifica-
 retq̃: quemadmodū plurimi doctissimi
 simul atq̃ sanctissimi uiri pluribus ratio-
 nibus adiuti, & singulari religione et præ-
 cipua deuotione præditi, pie admodum
 crediderūt: Nihil em̃ aliud quicq̃ ei natu-
 ræ, quam tam pulchrā, tam ingeniosam
 & tam sapiētem ac tam opulentam, tam

dignam et tam potentem, postremo tam
felicem & tam beatam cōstituerat, ad to-
tam & undiq; absolutam perfectionem
suam deesse putabatur, nisi ut ea per ad-
mixtionem cum ipsa diuinitate, non so-
lum cōiuncta in illa Christi persona cum
diuina, sed etiā ut cum diuina natura una
& sola efficereēt, ac per hunc modū uni-
ca facta fuisset uideretur. Quod neq; an-
gelis neq; ulli aliæ creaturæ, nisi homini
duntaxat, ad admirabilem quandam hu-
manæ naturæ dignitatem, & ad in-
credibilem quoque eius ipsius
excellentiā, datū, con-
cessum & attributū
esse nouimus.

LIBRI TERTII FINIS.

NECTIS, EQVITIS AC IV-
recōsultū Florentinū, de dignitate &
excellētia hominis liber IIII.



ACTENVS cūcta quæ ad
singulārē quādam & præ-
cipuam dignitatem & ex-
cellētiā hominis uel ma-
xime spectare & pertinere
uidebantur, quantū paruula ingenij no-
stri facultas permittēre operariue pote-
rat, tribus præcedētibus libris sparſim ac
diffuſe claro quodā & aperto sermone
cōgeſſimus. Itaq; opportunū quoddam
& accommodatum ueniſſe & occurriſſe
tempus non iniuriā exiſtimamus, ut ul-
timas huic operi manus imponeremus,
quod proſectō iam feciſſemus, niſi no-
ſtra intereſſe putaremus, ut ea refellere-
mus quæ à pluribus priſcis nouelliſq; au-
toribus uel de laudatione & bono mor-
tis, uel de miſeria humanæ uitæ ſcripta
uiſſe intelligebamus: quoniā ea illis à no-
bis antea tractatis aliquatenus repugna-
re animaduertebamus. Sed in hac noſtra

prædictarum ueluti friuolarum ac falsarum opinionū cōfutatione, ordine quodam uti cōstituimus, ut res ipsa grauius seueriusq; tractetur. Primo nanq; ad ea quæ de fragilitate humani corporis: Ad illa deinde quæ de ignobilitate animæ: Postremo ad ea quæ de tota hominis persona obijciebant, quantū rerum tractandarum natura ac materiæ, de qua agitur, conditiones & qualitates permittere & pati uidebant, breuiter respondebimus. A corpore igitur incipiētes, multos graues & doctos uiros fuisse dicimus, qui humanū corpus suapte natura nudum & inerme, ita fragile, ita imbecillum, ita caducū esse putabant, ut frigora, æstus, labores, famē, sitim, & cæteras huiusmodi corporis molestias sine aperta quadā & manifesta lēsione pati & tolerare non posset. At si fortē quieti ocioque se dederit, in ipso rursus situ ac tabo liquefcere, labascere ac marcescere asseuerabant. Ea insuper quibus uel maxime oblectabatur, & sine quibus uiuere nō poterat, plerunq;

plerunque sibi molesta ac mortifera fore, aiebant. Nam ingentem & repentinum sonitum, nimiam intuitionem, tetrum odorem, amarum saporem, & asperam contactionē, magnam quandam earum partium lassitudinem inducere credebant. Vigilia præterea & somnus; cibis & potus, ut ipsi arbitrabantur, quandoq; letifera efficiebantur. Aquarū denique nouitatibus, uinorumq; mutationibus, uentorum flatibus & tenuissimis causis atque leuiusculis læsionibus morbidorum sua semper natura dignoscebatur. Quoniam ipsum ex infimis fluidis, que contextum atque constructum fuisse constabat: quemadmodum per plura manifesta experimenta & euidentia quoque exempla planē & aperteprehendimus. Et Aristoteles etiam & Seneca, Cicero & Plinius, multiq; alij Græci & Latini, sacri ac prophani scriptores, ne de omnibus particularem quandā mentionem faciamus, pluribus librorū suorum locis hoc idem asserere et cōfirmare

conantur. Nam & Aristoteles in Ethicorum libris quodam loco uerba hæc ponit: Videre, audire, ut naturales testantur sermones, laboriosa sunt. Et Cicero in Tusculanis quæstionibus, ita inquit: Cūq; natura corpora nobis infirma dedisset, hisq; intolerabiles dolores et morbos insanabiles adiecisset, animos quoque dedit & corporum doloribus cōgruentes, & separatim suis molestijs & angoribus implicatos. Quantis enim morborū generibus corpora nostra à capite usque ad pedes pullulare & redundare uideantur, difficile dictū foret. Vnde primo sua pte natura imbecilla existentia, & postea per aliquam ægritudinis speciem debiliora effecta, ad celerem interitum labuntur & currunt: Quinimò, ut expressius dixerim, ad quotidianam quādam & repentinam ruinam instar auium uolitare & corruere comperiuntur. Proinde humanam uitam breuem & quodammodo momentaneam fieri manifestū est. Et Seneca pluribus scriptorum suorum locis, & maxime in cōsolatione ad Elbiam matrem,

trem, hanc nostri corporis imbecillitatem multum admodum lamentatur. Plinius in suo Naturalis historiae uolumine inter cetera de hac humani corporis debilitate apprime conquestus, propterea naturam potius nouercam, quam matrem nobis extitisse scribit. Iob insuper domum istam nostram, & hoc habitaculum tuguriumque terrestre, id est, ex terra madefacta & ex luto & limo compactum & constitutum, fuisse tradit. Quod Innocentius tertius summus pontifex in eo libro cuius titulus est, De miseria humanae uitae, augere & amplificare uolens, de uilitate utriusque materiae, & illius ex qua Adae corpus, & alterius etiam ex qua ceterorum hominum corpora confecta fuisse scimus, multa & dicit & sentit: siquidem primi hominis corpus de limo terre diuinitus factum esse confirmans, planetas & stellas ex igne, flatus & uentos ex aere, pisces & uolucres ex aqua, hominem & iumenta de terra, ab omnipotenti Deo fabricata fuisse probat: cetera uero aliorum hominum corpora ex humanis seminibus

ac spermatibus concepta, & postea nata
in lucem prodijſſe aſſeuerat. Ex quibus
tanto uiliorem & ignobiliore primi ho=
minis materiam, quàm aliorum quorum
cunque animatorum extitiſſe cōcludit,
quanto terreſtre elementū cæteris omni
bus uilius & ignobilius reperitur. Et reli
qua quoq; hominū corpora eandē cum
mutis animalibus naſcendi cōditionem
ſortita eſſe refertur, niſi forte poſtquam
concepta ſunt embriones duntaxat, hoc
eſt imperfecti ſolorum hominum fœtus,
in materno utero ex ſanguine menſtruo
educarentur & nutrentur: quod ipſe
quodā prædicti operis ſui loco planè in=
nuiffe & aperte ſenſiſſe uidetur: quando
quidem hoc ſolum poſt ſuam conceptio
nem, hominum & non aliorum anima=
lium corporibus obieciſſe legimus. Ac
his ipſis plura alia huiusmodi dedecoris
ac uituperationis & ignominia plena at
que referta ſubiungit: quæ, ne longio=
res ſimus, breuitatis gratia prætermitti=
mus. Hæc igit ſunt quæ à pleriq; idoneis
autoribus de imbecillitate uel potius de
fragilitate

fragilitate humani corporis disputari, & in medium adduci consueuerunt. Nunc uero ad ea quę de ignobilitate animę disāferi ac tractari solēt parūper accedamus. In secūdo huius operis libro, ubi uarias de conditionibus & qualitatibus animę diuersorum autorum opiniones recitauimus, inter cætera philosophos quosdam fuisse diximus, qui humanam animā aliquid corporeū esse opinabantur, ut Thales, Anaximander, Anaximenes, Anaxagoras, Diogenes, Leucippus, Democritus, Heraclitus, Empedocles, Hippias, Archelaus, Zeno, Aristoxenus, Varro, & si qui alij fuerūt. Nec defuerūt etiā qui eam nihil omnino esse uoluerunt, ut Dicæarchus, qui propterea quod animā nihil esse imaginabatur, id nomen irritū & inane, frustraꝑ animantes & animalia appellari asseuerabat. Pleriq; insuper astiterunt, qui etsi ipsam quicquā corporeū abnegarent, de potentia tamen materię & extra duce, ut theológico uerbo iterū utamur, educi censebāt. Atq; hi omnes animos humanos unā cum suis corpori

bus interire existimabant, nec solum hi qui animos aliquid corporeum esse fore que credebant, sed etiam quidam alij, qui eos spiritus arbitrabantur, mori simul cum proprijs corporibus putabant: quales Epicureos extitisse nouimus, & quicumque eos secuti sunt, animos non aliter suis quibusdam perturbationibus uexari quam corpora, ac pluribus morborum generibus implicari aiebant. Nam quemadmodum in humanis corporibus multas ægritudinum species, hemicraneam, ophthalmiā, polypū, lienteriā, chiragras, podagras, lateris dolores, strangurias, tormina, febres, & cætera huiusmodi, inter assistendum quandoque acriter uexare, & ad extremum in manifestum quendam & certum interitum ducere uidebant: ita pariter in animis uaria diuersarum perturbationum genera assistere arguebant, à quibus ipsi plerunque in contrarias partes distrahebantur, ac per hunc modum interibant: quales sub ægritudine emulationem, obrectationem, misericordiam, angorem, luctū, mœrorem, æumnā, dolorem,

Varie animorum pestes.

lorem, lamentationem, sollicitudinē, molestiam, afflictionem, desperationē, constituebāt. Sub metu uero, pigritiam, pudorem, terrorem, timorem, pauorē, exanimationem, conturbationem, formidinem, reponebant. Sub lætitia autem, maleuolentiam, delectationem, iactationē collocabant. At sub cupiditate, excandescentiam, iram, odium, inimicitia, discordiam, indigentiam, desiderium, & reliq. ordinabant. Quæ quidem omnia & cætera huiusmodi perturbationum genera Cicero quodam scriptorum suorum loco egregie elegāterq; cōplexus est. Qui uero animos hominum immortales fore autumabāt, omnes uarijs perturbationibus dum in corporibus uiuerent, cōmoueri & cōquassari arbitrabantur: Quando uero duarū illarum ab inuicem & inter se diuersarum naturarum coniunctio per separationem dissoluebatur, partim in diuersa uiuētium brutorū corpora, ut ea tempestate casus ferebat, ingredi iudicabant: ac sic eousque uiuere putabant, quoad marcescente primo illo corporeo

instrumento in aliud quoddā intrare cōgerētur. Ac per hunc modum ob uaria ac penē infinita brutorū corpora, secundum hanc opinionē, perpetua & æterna animorū uita seruabat. Cuius quidē opinionis Pythagoras Samius autor fuisse perhibet, qui à Pherecide Syro eius magistro primo ex naturalibus immortalitatis repertore, animā immortalē esse accipiens, atq; hoc quonam modo sine corporibus euenire fieriue posset intelligere nō ualens, huiusmodi circularē, ut ita dixerim, reuolutionē excogitauit atq; ad inuenit. Proinde homines ex constitutionibus suis brutorū animalū carnibus uesci prohibebat, ne forte defunctorū amicorum & domesticorum animę per humanas eorū corporū comestiones exinde expellerentur, atq; aliò transmigrare cogerent. Partim uero eas per centū annos, ut inquit poëta: Centū erant annos, & reliqua. hoc est per multa temporum curricula, siue p̄ aërem istum crassum & caliginosum, siue per purū æthera uagas & errabundas uolitare aiebat, donec uel
ad tar=

ad tartara laberentur, uel ad coelum, secundum diuersas antea actæ uitæ conditiones euolarent. Quapropter siue mortales siue immortales essent animæ, iuxta cōmemoratas prædictorum philosophorum de ipsarum qualitatibus & conditionibus sententias, eas tales esse nō iniuria cōcludi uidebatur, ut siue in corporibus assistentes suis naturalibus perturbationibus uexarentur, siue post mortem unā cum illis euanescerent: at si remanerent, certe uel in alienis corporibus habitaret, uel per aëra uel per æthera uolitarēt, uel apud inferos morarentur: Itaq; quocūq; modo fiebat, ut ubicūq; existerent, apprimē torquerentur. Atq; hæc sunt quæ de indignitate humanæ animæ in præsentiarum retulisse sufficiat. Deinceps ad ea breuiter procedamus quæ de tota hominis persona, atq; de humana uita, à nonnullis idoneis autorib. ignominie, uituperatiōis & detestatiōis causa referebantur. Si igit, dicet quispiā, duo illa ex quibus hominē cōpositum ac confectū esse cōstat, talia sunt qualia suprà ostēdisse &

demonstrasse uidetur, quis iure ambigere, dubitareue poterit, quin illud quod ex eorum cōpositione resultat, cōponentium naturam redoleat, sapiat atque retineat: Proinde hominē fragilem, caducū. & ignobilem, & multis ac penē infinitis morborum & perturbationū generibus subiectū & implicatū, singulis quibuscq; naturā & cōditiones paulò diligētius & accuratius cōsiderantibus planē & aperte apparebit. Quocirca plerique ueteres doctissimi simulatq; sapiētissimi uiri, hæc & cætera huiusmodi corporis & animæ incommoda atq; humanæ uitæ mala, secum ipsi animaduertentes & sæpenumero reputantes & recognoscentes, pluribus librorum suorū locis de talibus hominum qualitatibus apprime conquesti ac lamentati fuisse comperiuntur. Nam &

Val. Max. lib. 8 ca. 9. Hegesias quidam Cyrenaicus philosophus de pluribus humanæ uitæ incōmodis, priscis quondā tēporibus sic copiose & eleganter disputabat, ut is à Ptolemæo Aegyptiorum rege prohibitus esse dicatur illa in scholis dicere, quoniam multū

his

his auditis mortem sibi ipsi consciscerent. Vnde cū uiua, ut aiunt, uoce, regia prohibitionē impeditus, differere & disputare non posset, demum sese continere nequiuit, cum ea literis mādaret, de quibus loqui uetebatur: ac per hunc modum egregium dialogum composuit, ubi quidam inducebatur, qui à uita per tedium discens ab amicis reuocabat: Quibus ille respondēs, uaria humanæ uitæ enumerabat incōmoda. Crantor quoq; in cōsolatione, nescio qua, hoc idem planè et aperte confirmabat, ubi inter cætera, ut refert Cicero, Thermaneū quēdam Eleusium mortē filij grauius mœrentē facit: proinde in Psychomantium ad Apollinis oraculū accessisse sciscitaturus, quænam exitisset tantæ calamitatis causa. Ei sic interroganti, in tabellis tres huiusmodi uersiculos datos fuisse scribit:

Ignaris homines in uita mentibus errant.

Euchinous potitur munere læto:

Sic fuit utilius finire ipsiq; tibiq;.

Alcidamus insuper rethor antiquus &, ut ait Cicero, in primis nobilis, laudatio

nem mortis scripsisse perhibetur, quæ ex enumeratione humanorum malorū maxime consistere et cōstare uidebatur. M. Tullius præterea in præclaro illo & celebrato Consolationis uolumine, hanc humanarum calamitatum materiam aureo eloquentiæ suæ flumine elegantissime simulatque copiosissime prosecutus, uitam hominum usq̃ adeo luxit & lamentatus est, ut qui ea legerent, nihil aliud, ut ait quidā, cuperent quàm has res seculares nostrasq̃ relinquere. Plinius denique quodam Naturalis historiæ loco, nihil homine miserius ac superbius esse testatur: Cæteras quippe animantes solum sine ullis animi angoribus uictus curam habere confirmat & probat: hominem autem præter illa, quæ sibi cum brutis communia sunt, multis ac penè infinitis animi perturbationibus quotidie vexari ac torqueri asseuerabat. Hinc Herodoti historia quædam de Cleobe & Bitone duobus cuiusdam Argiæ sacerdotis filijs prædicabatur: Nam cum illa ad solenne

lenne & statutum sacrificium curru de more in urbem ueheretur, modo nescio quo factū est ut iumenta morarētur: Vnde filij qui aderant, ueste posita, adiuuandi gratia corpora perunxerunt, ad iugum accesserunt, ac per hunc modum aduectā in fanum, cum currus ductus esset à filijs precata à dea dicitur, ut illis premium daret pro pietate, quod maximum hominī dari posset à deo: Post epulatos cum matre adolescentes, somno se dedisse, inuentos manē esse mortuos.

Hinc Trophonius & Agamedes commemorabantur, qui simili precatōne usi dicebantur: nam cum Apollinī Delphis templū exædificassent, uenerantes Deū petierunt mercedem non paruam quidē operis ac laboris sui, nihil certi, sed quod esset optimū hominī: quibus Apollo id daturum ostendit: unde cum post diem tertium mortui reperirentur, mortem optimum quiddam esse iudicatum per eum Deum fuisse confirmabant, cui reliqui dī concessissent, ut præter cæteros diuinaret. Hinc poëtarum de Sileno

fabella ferebatur, qui ipsum à Mida rege captū fabulantur: nec prius ab eo dimissum & relaxatum extitisse asseuerabant, quàm regem docuisset, nō nasci homini longe optimū esse: proxime autē, q̃ prius mori. Atq; hoc ei muneris pro sua missione & relaxatione dedisse scribitur. Qua quidē sentētia & Euripides & multi alij poētæ in cōfabulationibus suis usi fuisse perhibentur. Hinc proueniebant nōnullæ pertinaces & obstinatæ quarundam Asiaticarū gentium opiniones, quæ familiares & conuicinos lugendi gratia inuitare & domū conuocare consueuerāt, ubi esset aliquis in lucē æditus: quod humanæ uitæ uaria reputābant mala. At qui labores morte finisset graues, hunc omnes amicos laude & lætitia exequi. Hinc Theombrotus Ambrachiota, etsi ei nihil accidisset aduersi, fatius tamē mori q̃ uiuere iudicauit, proinde sese è muro in mare obeundi causa proiecit. Hinc Socrates cum è uinculis & carceribus educi facile posset, interire quàm uiuere maluit. Hinc Cato Vticensis mortem si-

bijps

bīpſi conſciuit : atq; ſic è uita abiſſe fer=
 tur, ut C. Cēſaris uictoriam certam quan=
 dam moriendi ſui cauſam naçtū ſeſe eſſe
 gauderet. Hinc denique innumerabiles
 alij gentiles & ethnici ſapiētiffimi ſimul=
 atq; fortiffimi uiri extiterūt, qui his dūta=
 xat cauſis abducti, et ſeſe uita priuarūt, et
 proprias ſuas ſuorūq; domesticorū mor=
 tes æquo & hilari animo tolerarūt. Sed
 quid opus eſt plura profanorū hominū
 exempla proferre, cum Salomōnē in Ec=
 cleſiaſte hoc idem planē & aperte ſenti=
 re uideamus? Nam in principio à uanità=
 te incipiens, & per totum poſtea proce=
 dens: Me, quodam loco inquit, tædet ui=
 tæ meæ, cum uideam uniuerſa mala, quæ
 ſub ſole fiunt. Et paulò poſt ita ſcribit:
 Vnus interitus eſt hominis & iumento=
 rum, & æqua utriuſq; conditio: ſic mori=
 tur homo ſicut & illa moriuntur: ſimili=
 ter ſpirāt omnia, & nihil habet homo am=
 plius iumento: cuncta ſubiacent uanità=
 ti, & omnia pergunt ad unū locū, de ter=
 ra facta ſunt, & in terrā pariter reuertun=
 tur. Quis nouit ſi ſpiritus filiorū Adami

ascendat sursum, & si spiritus iumentorum
descendat deorsum: Et inferius sic ait:
Laudaui magis mortuos quam uiuentes,
& feliciorem utrisque iudicaui, qui non-
dum natus est, nec uidit mala, quæ sub
sole sunt, & alibi: Melior est dies mortis
die natiuitatis. & multa his similia com-
plectitur. Cum lob quoque in sacro illo &
celebrato eius dialogo inter cætera uer-
ba hæc ponit: Homo natus de muliere
breui uiuens tempore, repletus multis
miseriis, qui quasi flos egreditur & con-
teritur, & fugit uelut umbra, & nunquam
in eodem statu permanet. Et alibi ita in-
quit: Militia est uita hominis super ter-
ram, & sicut dies mercenarii dies eius. &
paulò post sic scribit: Externi sumus &
ignoramus: quoniã sicut umbra dies no-
stri sunt super terram. Et infra ait: Dies
mei uelociores fuerunt cursore. Fuge-
runt & non uiderunt bonum, & transie-
runt, quasi naues poma portantes, sicut
aquila uolans ad escam. Et paulò inferius
dicit: Quare de uulua eduxisti me domi-
ne, qui utinam cõsumptus essem, ne ocu-
lus

lus me uideret, fuisset quasi non essem
 de utero translatus ad tumulū. Sexcēta
 huiusmodi per totum penē librum hinc
 inde dispersit, quæ omnia sigillatim con=
 numerare nimis longū esset, cum Am=
 brosius insuper Mediolanēsis episcopus
 uir sanctissimus atque doctissimus seor=
 sum de bono mortis tractare, ac singula=
 re q̄ddam opus separatim scribere nō du=
 bitauerit, in quo quidē opere et multa hu=
 manæ uitæ mala enumerat, & ad princī=
 palē conclusionē quā intendit, prædictas
 & alias quasdam Ecclesiastes autoritates
 cōmemorat; & ad confutationē quorun=
 dam quæ prius circa uituperationē mor=
 tis sibi ipsi antea obiecerat, tria eius gene=
 ra distinxit, atque obiecta illa dissoluit; ac=
 demū id in calce libri, q̄d à principio pro=
 posuerat, pbare et cōfirmare conat̃. Po=
 stremo cum cōmemoratus Innocentius
 particularem quēdam librū cōposuerit,
 quē, ut suprā diximus De miseria huma=
 næ uitæ nūcupauit, ubi à prima natiuita=
 tis origine incipiēs. & usq; ad ultimū finē
 tendens multa cōgessit, e quibus nos illa

duntaxat elegimus, quæ cæteris memoratu digniora, & ad nostrum refellendi & confutandi propositum aptiora fore putabamus. Postquam enim ipse de putrida quadam & uili embrionis conceptione differuit, Omnes, inquit, tunc cum nascimur, quando nondum per ætatem infecti & deprauati esse possumus, ut certam quandam & ueram naturæ miseriam exprimeremus, uel mares uel fœminæ querulis & lamentabilibus uocibus lugemus & eiulamus: cunctos namque masculos in ha, fœminas uero in he, cum oriuntur, flere ac plorare testatur: & ad maiorem & euidentio rem huius suæ sententiæ confirmationem uulgarem illum & decantatum uersum allegans commemorat, quo sic enunciatur, Dicentes he uel ha quotquot nascuntur ab Eua. Et id nomen ita interpretatur, Eua nihil aliud quam heu & ha, quorum utrumque dolentis interiectionem esse confirmat: Et demum, ante peccatum uiraginem, & postea Eua appellari meruisse, subiungit. His igitur & huiusmodi ueluti solidis quibusdam & optimis,

optimis, ut sibi uidebatur, futuri ædificij sui fundamentis qualitercunq; iactis, per nuditatem, per pediculos, per sputum, per urinas, per stercorea, per breuitatem temporis, per senectutē, per uarios mortalium labores doloresq;, per diuersa hominum studia, per uicinitatē mortis, per multiplicia tormentorum genera, ac per plura huiusmodi humani corporis incōmoda, late copioseq; procedit. Quæ quidem si nos, diuina fauente gratia, quemadmodum cupimus, pro modulo nostro cōfutarimus, oportune finem dicendi faciemus, ubi prius nosmetipsos & quoscunq; huius nostri operis lectores in calce libri diligenter & accurate admonuerimus, quatenus delectabiles et optimas humanæ naturæ conditiones, de quibus in tribus præcedētibus libris satis large, satisq; copiose disputauimus, ab omnipotenti deo recognoscant, ut per bona opera in hoc seculo semp læti & alacres uiuere, & in futuro postea diuina trinitate, à qua prædicta omnia nobis prouenerunt, perpetui frui ualeamus. Nos igitur

cuncta superius commemorata refellere
& confutare uel maxime cupientes, eo-
dem ordine ad confutandum procede-
mus, quo inter obijciendum usi sumus.
Vnde à corpore incipientes ad imbecilli-
tatem & cæteras eius incōmoditates, sic
& in hunc modū respondere nō dubita-
mus: Catholici doctores nostri humanū
corpus quod ab omnipotenti Deo ex li-
mo terræ factū fuisse suprā diximus, tale
extitisse testātur, ut partim mortale esset
si protoplastus ille peccasset, quemadmo-
dum eū fecisse scimus: partim uero si nō
peccasset immortale efficeretur: primus
enim homo mortale & quodāmodo im-
mortale corpus habuisse perhibet. Vn-
de quæri solet, an utrunq; ex conditōne
ipsius corporis habuerit, an potius im-
mortalitas ex gratiæ beneficio ac priuile-
gio puenerit. Proinde in primō eius sta-
tu ita factū fuisse dicunt, ut si uoluisset uti-
que, non mori potuisset. In secūdo uero
statu, postquam delinquēs transgressus
est à primæua illa conditōne sua, ipsum
usque adeo degenerasse & defecisse tra-
dunt,

dunt, ut certam quandam & indubitatā
 moriendi legem cōtraheret. At in tertio
 gloriosæ resurrectiōis statu, tale tantūq;
 per gratiam effectum iri dicunt, ut mori
 non poterit, quemadmodū in fine huius
 nostri operis, adiutore Deo, paulò latius
 & uberius ostēdemus. Itaq; omnem cora-
 poris imbecillitatem & quascūq; ægritu-
 dines, & cætera quæq; eius incommoda
 à nobis antea commemorata, non ex na-
 tura sua, sed potius ex peccati labe con-
 traxit. Vnde quicqd mali in præsentia-
 rum habere ac possidere existimatur &
 creditur, meritò non eius naturæ, sed pri-
 mæ potius transgressioni, quemadmo-
 dum suprà diximus, attribuendum est.
 Itaq; omnes prophanorum & sacrorum
 scriptorum cōquestiones & lamentatio-
 nes de laudationis & bono mortis & de
 reliquis incommoditatibus suis deficere
 cessareq; deberent: quandoquidem tale
 non ab ipso deo, neq; ab eius natura, sed
 à peccato prodijisse & prouenisse noui-
 mus. Cæterū fortasse dicet quispiā: quan-
 quā uia esse concederet, cōsequens tamē

non uideret, cum quæcūq; hominū corpora siue ex natura, siue potius ex peccato, ceu tu probare & asserere conaris, hanc fragilitatis & ægritudinis ac mortis & reliquarū deniq; incommoditatū necessitatem acceperint, acceptamq; retulerint: quinimò talem & tantam molestiarum necessitatē reportarūt, ut quæcūq; sit & undecūq; prouenerit, iam à principio creationis naturalis effecta fuisse uideatur: quando eam moriendi & cæterarum malarum cōditionum legem cunctis humanis corporibus à principio natiuitatis suæ & omni quidē tēpore imminere & impendere nō dubitamus. Hæc omnia & cætera huiusmodi etsi nos uera esse fateamur, pluribus tamen, nisi nimis queruli nimisq; ingrati ac pertinaces & delicati essemus, uoluptatum q; molestiarū generibus potiri in hac nostra cōmuni & peruulgata uita, dicere & asseuerare auderemus. Nulla est enim, mirabile dictu, hominis operatio, si diligēter & accurate eius naturam aduerterimus, ex qua ipse saltem non mediocriter oblectetur.

tur. Quippe singulis exterioribus, uiden-
 di, audiendi, olfaciendi, gustandi & tan-
 gendi sensibus tantas semper & tam ue-
 hementes uoluptates capit, ut quædā in-
 terdum superfluæ ac nimix & superua-
 caneæ fieri uideantur. Quantis nanq; ho-
 mo uoluptatibus capitur, partim ex cer-
 ta quadam & expressa pulchrorū corpo-
 rum uisione, partim ex sonorum & sym-
 phoniarū & rerum insuper magnarū ua-
 riarūq; auditione, partim ex florū et simi-
 lium odorū olfactione, partim ex diuer-
 sa dulcium epularum suauiumq; uinorū
 degustatione, partim deniq; ex mollissi-
 marum substantiarum attractatione, dif-
 ficile dictū, quinimò impossibile foret.
 Quid de reliquis interioribus sensibus
 dicemus? quātas enim oblectationes in-
 cōstituendis sensibiliū rerum discretionī
 bus & differentijs afferre secum sensus
 ille perhibetur, qui communis à philoso-
 phis appellatur. Quantū quoq; nos dele-
 ctat uaria diuersarum substantiarū & ac-
 cidentīū imaginatio? quantū extimatio?
 quantum memoratio, quantū deniq; in-
 tellectio?

tellectior cum ea quę iam aliquo particulari sensu deprehēdimus, imaginari, componere, effari, meminisse, & intelligere cōstituimus, uerbis satis declarare & explicare nō possumus. Quocirca si homines, quas fert uita cōmunis pluribus inter uiuendū uoluptatibus & delectationibus potirētur, quā molestijs & angoribus cruciarētur, potius gaudere & cōsolari, quā torqueri & lamentari deberent: præsertim cum natura plura frigorū, æstuum, laborū, dolorum, morborumq; remedia, quasi certa quædā illarū ægritudinū antidota nō aspera, non molesta, non amara, ut plerunq; in pharmacis cōtingere & euenire cōsueuit: sed potius mollia, grata, & dulcia ac uoluptuosa abunde affatimq; subministrauerit. Quemadmodū enim cū comedimus & bibimus, in depulsione famis sitis mirabiliter oblectamur: ita cū calescimus, cū refrigeramur, cū quiescimus pariter lætamur. Sed quoniam illa à gustu percipiunt, ceteris omībus tãgibilibus quodāmodo delectabilia uident, quę comuni

muni et nō particulari ipforū genitaliū ta-
 ctu apprehenditur: Quod à natura soler-
 tissima et callidissima atq; profectò unica
 rerū magistra nō temere & fortuito, sed
 certis rationibus & euidētibus causis fa-
 ctū fuisse philosophi tradidere, ut longe
 maiores in coitu, q̃ in comestionibus ac
 potationibus uoluptates caperent, quo-
 niam specierum cōseruationes principa-
 lius, q̃ indiuiduorum intendebat: quorū
 alterū per cōmitionē maris & fœminæ,
 alterum uero assumptione alimenti in re-
 stauratiōem (ut ita dixerim) deperditi,
 conseruabatur. Itaq; cunctæ de fragilita-
 te, de algoribus, de æstibus, de laborib⁹,
 de fame & siti, de tetrīs odoribus, & de
 huiusmodi saporibus, intuitionibus, at-
 tractationibus, lassitudinibus, uigilijs, &
 somnijs, cibis & potibus, & cæteris simi-
 libus humanarum incōmoditatum argu-
 mentis, opiniones ac sententiæ singulis
 quibuscq; naturā rerum paulò diligētius
 animaduertentib. ac aliquāto accuratius
 cōsiderantib. friuolæ & uanæ atq; inanes
 esse uidebunt. Nā præallegatæ Aristote

lis, Ciceronis, Senecæ, Plinijq̃ autoritates per ea quæ antea dicta sunt, meritò refelluntur & cōfutantur. Quippe uidere & audire tunc laboriosa & molesta sunt, cum superuacua & nimia efficiūtur: At cum modice ac mediocriter his et huiusmodi sensibus utimur, non modo neq̃ fatiscimus neq̃ laboramus, sed potius refocillamur, gestimus & gaudemus: etsi natura corpora nobis infirma, ut ait Cicerō, et imbecilla et fragilia largita est: qđ negare & inficiare nō possumus. Iam plurima huius infirmitatis, imbecillitatis & fragilitatis nostrę remedia, ut supra diximus, affatim abūdeq̃ subministravit. Et sic hoc nostrum domicilium ex terra madefacta, & humo, inquit uir patientissimus, hoc est infimis fluidisq̃ contextum esse uidemus, nimirum ob admirabilem quandam & delicatā huiusmodi corporis cōplexionem, qualis tanto & tam digno & tam præstanti humanæ animæ receptaculo cōpetere & cōuenire putabatur, aliter fieri non poterat. Quapropter cum rationibus & allegatis antiquorum
uirorum

uīrorum autoritatibus abunde, ut credimus, hæcenus satisfecisse uideamur, reliquum est, ut ad Innocentij summi pontificis rationes paucis respondeamus, ad quod nos ita parati itaque armati accedimus, ut aptas quasdam & accommodatas responsiones nobis non defuturas existimemus. Si enim primū hominis corpus ex limo terræ, cæterorū uero tam animatorum quàm inanimatorum corpora ex alijs elementis facta fuerunt, quæ quidem suapte natura, quàm cætera nobiliora et generosiora cernuntur, ut ille dicit & sentit, & nos facile concedimus, profectò hoc quodcunque terrestre hominis opificium tanto præstabilius & excellentius cunctis alijs uideri debuit, quanto cæteris & uentis & planetis & stellis nobilior erat, quæ licet ex aëre & ex igne facta essent, insensibilia tamē & inanimata esse constabat: & piscibus quoque & aui-
bus, quæ ex ipso, & iumentis quæ ex terra pariter secum animata prodierūt, admirabilius apparebat: Nam hoc animal rationale, prouidū & sagax multo pro-

pterea nobilius corpus q̃ iumenta et pecora habebat, cū quibus in propria materia cōuenire uidebatur, quoniā ad agendum & ad loquendū & ad intelligendū, quibus illa carebant, longe aptius & accommodatius erat. Ventis uero & stellis, rebus penitus et omnino insensatis, piscibus quoq̃ & uolucris animatis utrisque, pariter excellentius putari poterat. Nam etsi cū nullis prædictarū rerum in propria materia conueniret, insensatis tamen illis, ex eisdem rationibus & causis quas de iumentis & pecoribus diximus, præstantius concludebat. Et aquatilibus præterea & aëreis animantibus similiter excellentius credebatur, quoniā tale suapte natura factū fuerat, ut nisi peccasset, mori & interire non posset, quēadmodū suprā dixisse et ostendisse meminim⁹, qđ nullis alijs corporib. cōueniebat: Vnde terrestre elementū tāto cæteris admirabilius & præstantius uideri debet, quāto illis suapte natura ignobilius & ineptius existens, in corpore dūtaxat humano altius sublimatū & dignius exaltatū fuisse nouimus.

mus. Atq; hæc de primi hominis corpore breuiter dixisse sufficiat. Ad alia uero ceterorum hominum communia corpora, & ad illa quæ de conceptione eorum, & embrionū educatione, obijciebantur, breuissime respōdere cupiētes, quod ad hæc duo pertinere & spectare uidebat̃, eandem uel potius meliorē cum cæteris p̃fectis animalibus conditionē eò sortita fuisse respōdemus, quod corpora nostra ex melioribus & delicatiorib. seminibus q̃ brutorum omniū oriunt̃, ut sic orta ex potioribus et purioribus, & ita dixerim, sanguinibus nutriunt̃ & educant̃. Quoniam sicut sperma ex sup̃fluo alimēti, ita pariter sanguinē ex ipsa eiusdē alimentī substantia generari, certa quædā & celebrata philosophorū omniū sententia est. Quanto igitur cibus cuiuscūq; animalis delicatior et generosior est, tanto sperma ex superfluitatib⁹ illius generatū melius ac præstātius efficiet̃. Eodemq; modo de sanguine sentiendū est, qui quidē in homine tanto præstantior q̃ in cæteris animalib. esse debet, quāto cibus human⁹

cæteris quorūcūq; animantium alimen-
tis nobilior existimatur & creditur. Cæte-
ras obiectiones suas de nuditate & de im-
becillitate & de alijs huiusmodi incōmo-
ditatibus missas facimus: quoniam suprà
incerta quadam plurium cōmunium ob-
iectionum confutatione, satis pro faculta-
te nostra diluisse uidemur. Nunc ad con-
futanda ea quæ de ignobilitate animæ di-
cebātur, paucis accedamus. Dicæarchū
& si qui alij fuerunt qui ipsam nihil esse,
totumq; eius nomē irritum & inane, fru-
straq; animātes & animalia appellari cō-
tenderent, penitus omittamus: Quoniā
ea de humana mente excogitauerunt, ut
prorsus amentes et omnino inanimati ac
prorsus insensati propterea fuisse uidean-
tur, quoniam sese ipsam habere non cer-
nerent. Hos proxime sequuntur, Thales,
Anaximander, Anaximenes, Anaxago-
ras, Diogenes, Leucippus, Democritus,
Heraclitus, Empedocles, Hippias, Ar-
chelaus, Zeno, Aristoxenus, Varro, &
quicūq; aliquid corporeū uel extra du-
ce & de potentia materiæ educi & exin-
de si

de simul cum corporibus interire existi-
mauerunt. His hebetibus & ut ita dixe-
rim, corpulentis & pinguibus philoso-
phis ea respondemus, quæ in secundo hu-
ius operis libro posuisse meminim⁹, ubi
inter cætera hæc Ciceronis nostri uerba
allegauimus, quæ ipsi ueritati & catholi-
cæ Christianorum fidei uel maxime con-
sonabant: Animarū nulla in terris est ori-
go, nam nihil est in animis mixtum ac cō-
cretum aut quod ex terra natum ac fictū
esse uideat⁹, nihil humidū quidē aut flabi-
le aut igneū his naturis, nihil est qđ uim
memoriæ, mentis, cogitationis habeat,
quod præterita teneat, & futura præui-
deat, & cōplecti possit præsentia, quæ so-
la diuina sunt: nec inuenim⁹ unde ad ho-
minem uenire possent, nisi à Deo. Singu-
laris est igitur quædā natura atq; uis ani-
mi, seiuncta ab his usitatis notisq; natu-
ris, ita quicquid est illud quod sentit, qđ
sapit, quod uidet, quod uiget, cœleste &
diuinum, ob eamq; rem æternum sit ne-
cesse est. Et Aristoteles quoque philoso-
phorum princeps & caput, cūcta mixta

& simplicia corpora, sua cogitatione transcendit, atque quintam quandam naturam esse uoluit, e qua mens emanaret: cogitare enim & prouidere, & cætera huiusmodi, à nullo prædictorū corporum prouenire posse putabat, quemadmodum Cicero de eo loquens quodam loco ista scribit: Aristoteles longe omnibus, Platonem semper excipio, præstās & ingenio & diligētia, cum quatuor nota illa genera principiorum esset complexus, e quibus omnia orirentur, quintam quandam naturam censet esse, e qua sit mens: cogitare enim & prouidere & dicere & docere, & inuenisse aliqd, & tam multa alia meminisse, amare, odisse, cupere, timere, angere, lætari, hæc & similia eorum, in horum quatuor generum inesse nullo putat: quintum genus adhibet uacans nomine, et sic ipsum animum endelechiā appellat nouo nomine, quasi continuatam quandam motionem & perennem. Ad Epicureos & ad cæteros huiusmodi mortales, & ut ita dixerim, plebeios & minutos philosophos parū per

per ueniamus: quia animos unà cū corporibus interire pntauerūt, eosq; ad illa remittamus, quæ in prædicto huius operis libro affatim & abunde retulisse meminimus: ne forte si hic apponeremus, eadem pluribus locis repetere & replicare obiurgaremur: Vbi nos diuersas rationes, multas magnorum philosophorum autoritates, plurima sanctissimorum uirorum oracula, & pleraq; celebrata prophanorum & sacrorum scriptorū exempla congeessimus, illis qui immortales animos ita esse putauerunt, ut in aliena corpora quando è proprijs recedebant, ingredi cogerentur, quoniam qualis esset animus sine corpore intelligere nō poterant, ideoq; formam aliquam figuramq; quærebant, ac reuolutionem illam inanem, insulsam, & insanā excogitauerūt, illud Ciceronianum in eodem loco à nobis allegatū breuitatis causa repetamus, qui quodam Tusculanarum suarum libro ita inquit: Sed plurimi contra nituntur, animos que, quasi capite damnatos,

morte multant: neq; aliud est quicquam cur incredibilis animorū uideatur æternitas, nisi quod nequeunt qualis animus sit uacans corpore intelligere & cogitatione comprehendere: quasi uero intelligant, qualis sit in ipso corpore, quæ conformatio, quæ magnitudo, q̄ locus, ut si iam possent in homine uno cerni omnia quæ nunc tacta sunt, casurus ne in cōspectum animus, an tanta sit eius tenuitas, ut fugiat aërem. Hęc reputēt isti, qui negant animum sine corpore se intelligere posse: uideant quē in ipso corpore intelligant. Mihi quidē naturā animi intuenti multo difficilior cogitatio occurrit, multoq; obscurior, qualis animus sit in corpore tanquā alienæ domui, q̄ cum exierit & in liberū cœlum, tanquam domum suam, uenerit: Nisi enim quod nunquam uidimus, id quale sit intelligere nō possumus, certe & deum ipsum & diuinū animum corpore liberatū cogitatione complecti possumus. Ad illa deinceps ueniamus, quę aduersus totā hominis personā proponebantur. Itaq; primo ad autoritates,

tes, postea ad rationes descēdemus, quip-
pe ad auctoritates Hegesiæ, Crātoris, Al-
cidamī, Ciceronis, Plinij, Herodoti, Eu-
ripidis, Cleombroti, Socratis, Catonis,
quorū aliqui nōnullas mortis laudatio-
nes cōscripserūt: aliqui uero sese propte-
rea interemerūt, quod per mortem mul-
tiplicibus humanæ uitæ incommodis &
calamitatibus priuarētur. Primo, priscas
cunctorū gentiliū scriptorum opinio-
nes tunc uel maxime floccipendēdas fo-
re respōdemus, cum à catholica & ab or-
thodoxa sententiā ullatenus discrepare
uideantur. At cūcta à Deo creata ualde
bona, ut sacra scriptura testatur, nemo sa-
ne mentis ullo unquam tempore dubita-
uit. Quod si sic est, profectō hominem,
cuius gratia omnia ualde bona & opti-
ma facta fuisse constat, nō solum optimū
quiddam, sed etiam, ut ita dixerim, plus-
quam optimū esse iure dubitare & ambi-
gere non possumus. Humana igitur ui-
ta qua homo uiuere dicitur, generaliter
misera esse fieriue non potest: aliter se-
queret, ut id quod optimū esse cōstaret,

in cōtinua quadam & perpetua miseria uiueret. Quod quoniam falsum esse manifestū est, nimirū præallegatas uel poëtarum uel oratorum uel philosophorū, qui de miseria humanæ uitæ differuisse atq; scripsisse perhibētur, auctoritates falsas ac friuolas & inanes extitisse apparet. Quod quidem rationibus superius probatum, famoso quoque beati Augustini testimonio confirmatur, qui duodecimo De ciuitate Dei libro uerba hæc posuit: Sicut melior est natura sentiens etiā cū dolet, quā lapis qui dolere nullo modo potest: ita rationalis natura præstātor etiā misera, q̃ illa quæ rationis uel sensus est expers, & ideo in eam nō cadit miseria. Quod cū ita sit huic naturæ, quæ in tanta excellētia creata est, ut licet sit ipsa mutabilis, inhærendo tamen incōmutabili bono, id est summo bono, beatitudinem consequat̃, nec expleat indigentia suā nisi utiq; beata sit, eiq; explendæ non sufficiat nisi Deus, profectò non illi adhærere uitiū est. Id ipsum Lactantius pluribus institutionum suarum locis uerum testatur:

testat̃: quādo Ciceronis & aliorū qui de bono mortis nōnulla literarū monumētis tradiderūt opīniones refellens, sic inquit: Cicero in principio consolationis suę dixit, luendorū scelerū causa nasci homines. Iterauit idīpsū postea quasi obiurgās eum, qui uitā nō esse plenā malis putet. Recte ergo p̃fatus est, errore ac miserabili ueritatis ignoratiōe se teneri. Et nō multo post ita subiūgit: At illi qui de bono mortis disputāt, quia nihil sciūt, sic argumentant̃: Si nihil est post mortē, nō est malum mors: aufert enim sensum malī. Si autem supersunt animæ, etiam bonum est, quia immortalitas sequitur. Quam quidem opīnionem illa sua admirabili eloquētia penitus diluit, & omnino refellit, ac prorsus redarguit, et ad extremū falsam cōuincit. Ad celebrata illa Socratis, Cleombroti, Catonis exēpla, eos nullis humanarū calamitatū rationibus, sed potius spē immortalitatis ad contemptū uitæ tantūmodo adductos fuisse dicimus: Quod nisi ita esset, ipsi utiq; de magnitudine animi non fuissent à uarijs

scriptoribus tantopere laudati: quoniam laboriosa effugere, non fortis & magnanimi, sed potius, ut inquit Aristoteles, mollis & eneruati hominis est. Pythagoras quoque uetat iniussu Imperatoris, id est Dei, de præsidio & de statione uitæ decedere. Id ipsum etiam uerum esse deprehenditur & ex ea Socratis oratione, qua Plato facit eum usum apud iudices iam morte multatū: Magna me, inquit, spes tenet iudices, bene mihi euenire, si mittar ad mortē, necesse est enim sit alterū de duobus, ut aut sensus omnes omnino mors auferat, aut in alium quendam locum ex his locis morte migretur. & reliqua. Et ex Theombrotica Platonici libri de immortalitate animæ lectione, qui non alia de causa sese interemit, quæ quia Platoni De æternitate animorū in commemorato libro credidit: quem quidem beatus Augustinus in primo De ciuitate dei ante quæ se ipsum interficeret legisse testatur. De Catone præclarissimo uiro sentiendū est aliter, plus cæteris sui interemptoribus aberrasse, si sola euitandi mala

mala quę sibi ex uictoria Cęsarıs prouen-
 tura suspicabatur causa, semetipsum in-
 teremisset, ut eò de magnanimitate etiã
 à prophanis scriptoribus tãtis ac tam ma-
 gnis in cœlũ laudibus extolleret. Quod
 idem Augustinus in eodem De ciuitate
 dei libro eo loco maxime sentire & in-
 nuere uideť, ubi sic inquit: Cato Uticen-
 sis seipsum occidit, siue turpe esse iudica-
 uerit sub uictore Cæsare uiuere, siue po-
 tius eius glorię ne sibi parceretur inuide-
 rit: ut ipse Cęsar dixisse fert. Plutarchus
 insuper ipsum eundem Platonis librum
 priusquã sibi manus inijceret in uita sua
 legisse testatur. Ad sacras illas Salomo-
 nis, Iob, & Ambrosij autoritates uarie re-
 spondendum fore censemus. Nam Salo-
 mon in prædicto Ecclesiastes libro ita lo-
 cutus est, ut ad omnes totius mundi ho-
 mines propalã quasi publicus præco &
 manifestissimus cõcionator loqueretur,
 qđ ipsum & Cohelet Hebreũ, & Eccle-
 siastes gręcũ nomẽ planẽ & aperte signi-
 ficat. Proinde secundum diuersas homi-
 num conditiones, ita uarie & sentit & di-

cit, ut pluribus locis sibi ipsi manifeste aduersari ac maxime repugnare uideatur: ceu illi sententiæ quum de uno & de eodem hominis & iumentorum interitu superius allegatum fuit, illud maxime contradicit quod in calce libri postea subiungit, ubi de homine loquens inter cætera ita dicit: Ibit in domū æternitatis suæ, & circuibunt in platea plangentes antequā rumpatur funis argenteus, & recurrat uita aurea, & cōteratur hydria super fontē & confringatur rota super cisternam, & reuertatur puluis in terram suam unde erat, & spiritus redeat ad Deum qui dedit illum. Et duobus quoque alijs, uidelicet unī quādo dicit: Laudauī magis mortuos quā uiuentes, & feliciorem eum iudicaui qui nondum natus est, neq; uidit mala quæ sub sole sunt. Et illi insuper alteri quando ait: Melior est dies mortis die natiuitatis. Et cætera huiusmodi plura apprime repugnant: ac præsertim hæc alia duo manifestissime cōtradiciunt, unū quādo inquit, melior est canis uiuus leonē mortuo, & alterum quando ita ait: ua
de ergo

de ergo & comede in lætitia panem tuū,
 & bibe cum gaudio uinum tuum, quia
 placēt Deo opera tua. Quapropter cum
 ex hac tam diuerſarū & inter ſe tam diſſi-
 dentium ſententiarum uarietate & diſ-
 ſonantia ac contrarietate, tum etiam ex
 mala & interdum non ſana eius libri do-
 ctirina, inter priſcos illos primitiuæ ec-
 cleſiæ Iudeorum doctores ac magiſtros,
 qui paulò poſt mortem Chriſti redem-
 ptoris noſtri ſacrum Hebræorum libro-
 rum ordinem inſtituerunt, quo nunc u-
 tuntur, & rabbi hebraice uocantur, diu
 diſputatum fuit & dubitatum, Vtrum
 prædictus liber in firmo & ſolido quo-
 dam ſacrarum ſcripturarum canone unā
 cum cæteris prophetiſis codicibus co-
 ordinaretur, uel potius anathemate da-
 mnatus igni combureretur. Et niſi in cal-
 ce libri uerba hæc appoſita legiſſent: De-
 um time & mandata eius obſerua: Hoc
 eſt omnis homo, & reliqua huiusmo-
 di: proculdubio codex iſte iamdudum
 ſecundum prædictorum magiſtrorum

sententiam ignibus cōbustus nusquā appareret. Ad tot ac tam uarias patientissimī uīri autoritates ac sentētias, eum librū à Moyse sacrosanctæ legis latore in dialogo De prouidentia diuina compositum fuisse respondemus, ubi uarias & diuersas interloquentiū sententias esse necessariū est. Vnde cum omnes illas præallegatas autoritates, uel proprio ipsius ore, uel trium amicorum consolatorum suorum uerbis enunciatas extitisse cōperiamus, eas pro falsis ac fallacibus propterea habendas dicere & asserere non dubitamus, quoniā ab Eliu sapientissimo et optimo uiro, & ipse Iob, & omnes tres amici in cunctis cōmemoratis sententijs planē & aperte redarguti, & postea ab omnipotēti Deo ita increpati & castigati fuisse uidētur, ut omnes prædictas sententias in alias ueras & certas commutauerint, commutatasq; conuerterint. Ad Ambrosiū & cæteros huiusmodi doctores si qui aliij fuerūt, qui cogitatiōes suas de bono mortis literis mandauerunt, respondentes, illos propter beatam & felicem

cem bonarū animarum à corporibus separatarū futuram uitam, & propter admirabilem & penè incredibilem post nouissimam resurrectionē humanorū corporum glorificationem, de qua in fine libri paulò latius & uberius differemus, ita scripsisse dicimus: quemadmodū ex proprijs eius scriptis planè & aperte deprehenditur. Cum ergo cūctas prophetarum & sacrorum scriptorum auctoritates superius allegatas pro facultate nostra diluisse uideamur, reliquū est ut deinceps ad rationes Innocētijs pontificis parumper accedamus. Primum nanque & principale Innocētijs nostri fundamentum, super quo totū eius miserabile ædificiū, ex quo De miseria appellare placuit, firmasse ac stabilisse perhibetur, de quorumcūq; nascentium hominū natiuitate esse cōstat, quod quasi in principio cōmemorati operis sui meritò collocauit, ubi de humanis calamitatibus differens, uerba hæc posuit: Omnes nascuntur eiulantes, ut naturæ miseriā exprimamus. Masculus enim recenter natus dicit, ha: fo-

mina dicit he: dicentes ha uel he, quot
 quot nascuntur ab Eua. Quid est igitur
 Eua: nisi heu, ha, utrunq; interiectio do
 lentis, doloris exprimit magnitudinem.
 Hec enim ante peccatū uirago, post pec
 catum Eua meruit appellari. Et reliqua
 huiusmodi. Postea prosequit: Vnde se
 se optima futuri ædificij fundamenta ias
 ctasse putat: quæ profectò talia sunt, ut,
 nisi me debita summi pontificis reueren
 tia, quemadmodū ait poëta noster, conti
 neret, leuia quædam & puerilia & à pon
 tificia & apostolica grauitate longe alie
 na esse contenderem: Sed honestis qui
 busdam duntaxat dictorum suorum con
 futationibus ob maximam quādam de
 functæ sanctitatis suæ uenerationē con
 tenti acquiescemus, ubi nostræ confutan
 di & refellendi professioni, uel medio
 criter satisfacisse uidebimur. Quale igitur
 & quātum sit hoc suum tam firmum
 ac tam solidum & tam adamantinum, ut
 ita dixerim, fundamentum, ante omnia
 paulisper considerandum est: ut eo dili
 genter accuratēque considerato, qualia
 & quanta

& quanta fore debeant reliqua uere debilibus & arenosis potius & fragilibus, quàm glareosis & adamantinis fundamentis apposita, facilius animaduertere atque euidentius intelligere ualeamus. Ac primū quàm falsum sit illud, & quàm ab ipsa rei ueritate abhorreat, quod de he & ha duabus naturalibus interiectionibus, ad claram quandam & manifestæ humanæ miseræ expressionē, refert, ueneranda sacrae scripturae uerba planè & aperte declarāt. Moyses enim diuino spiritu afflatus, in principio Geneseos ita inquit: Et uocauit Adam nomen uxoris suæ Euam, eo quod mater esset cunctorum uiuentium. Itaq; huiusmodi Eue cognomine, propterea appellata fuit, quoniam mater & origo & principium esset omnium hominum, qui ab ea, ueluti à primæua radice propagandi, oriundi erant: quemadmodū ex sacris textus latini uerbis euidenter ostendit: licet in Hebraico idiomate euidentius appareat, nam propheta ille maximus in præallegato libro cunctarū rerū originē progressumq;

describens, inter cetera sic ait: Et uocauit nomen uxoris suæ Eua. & causam talis appellationis assignare & demonstrare uolēs, statim intulit: quoniā mater omniū uiuentium futura erat, hoc est cunctorū hominum, qui ob humanæ naturę excellentiam et, ut Græci expressius dicūt, ob antonomasiam uiuentes meritò appellari merebantur, qui quidem uiuentes hoc hebraico nomine nūcupantur. Sed pro eo hebraice ubiq; posito, Hieronymus noster omnium sacrorum tam Græcorū quàm Latinorum interpretū accuratissimus, Eua euphoniæ causa semp̄ expressit. Huic simile illud alterū quod de uiragine dicit. Quādo ipsam ante peccatum uiraginē, & post peccatū Eua appellari meruisse cōfirmat. Quod pariter quemadmodū & primum falsum esse demonstrabit, præsertim si propria eiusdē prophætæ uerba paulò diligentius & accuratius cōsiderabuntur, quæ talia sunt: Dixitq; Adam, hoc nūc os ex ossibus meis, & caro de carne mea, hæc uocabitur uirago, quoniā de uiro sumpta est. Quod
etſi

et si in latino sermone manifeste intelligatur, hebraico tamen manifestius & euidentius apparet, ubi ita exprimitur: Hęc uocabitur ischa, quoniā de isch (quod nomen latine interpretatū, uirū significat) sumpta est. Hieronymus uero ut etymologiam uerbi in sua quoad fieri poterat trāslatione efficacius seruaret, pro ischa hebraice posito, uiraginē à uiro deriuatā posuit. Hęc dicta, Iosephus primo antiquitatis Iudaicæ his uerbis uera esse confirmat. sic enim inquit: Ischa hebraica lingua mulier appellatur, nomen uero mulieris erat Eua, quę significat omnium uiuentiū matrem. Quas ob res si Innocentius noster in principijs & in fundamentis suis luce clarius aberrasse deprehenditur, ut suprà probatū et demonstratū est, quid in reliquis quæ super prædictis erroribus fundata fuisse cernimus, eum fecisse existimabimus? non enim uerisimile eum in progressu operis uera sensisse, quę in principio ab ipsa rei ueritate longe aberrasse intelligimus. Atqui in hos tantos ac tam manifestos errores nuncq̃

incidisset, nisi Hebraicarū literarū omnino expers fuisset. Sed qualia sint singula quęq; sua, parumper uideamus: ac plura eius capitula de singularibus hominū calamitatibus, cōfutandi causa, breuiter in mediū adducam⁹. Quippe de nuditate, de fructibus hominū & arborū, de incōmoditate senectutis, de breuitate uitę, de labore mortaliū, de uarijs hominum studijs, de diuersis anxietatibus, ac cæteris huiusmodi, quę ne lōgiores simus, breuitatis causa prætermittimus, multa et dicit & sentit. Verū ut in hac nostra cōfutatione ordine quodam incedamus, ab initio de nuditate hominis incipiētes, pauca dicemus, de qua ipse loquēs, sic inquit: Nudus egredit̃ & nudus regredit̃: Pauper accedit & pauper recedit. Ad quod nos decoris et pulchritudinis causa homines ita nasci oportuisse respōdemus. Primo nanq; si uarijs diuersisq; pellibus instar brutorū cooperti & induti nasceremur, q̃ turpis & q̃ fœdus esset aspectus ille satis dici explicariue nō posset. Ob excellentiam quoq; cōplexionis nostrę, quę
ex deli-

ex delicijs humani seminis pcedebat, aliter cōtingere & euenire non poterat: sed quando aliter fieri potuisset, profectò natura quæ humanum corpus cæterorum omniũ operum suorũ pulcherrimũ ac nimirum formosissimũ opificiũ ab ea mirabiliter fabrefactũ, nunq̃ alieno indumẽto abscondisset, ne fortẽ pulchritudines suas incōgruis & obiectis uelaminib. cooperiret. Aliter etiã si uoluissẽmus de naturali quodã omniũ hominũ nascentiũ uestimento respondere ualebamus: quod ppter ea facere noluiĩmus, quoniã ipsum in eodem loco, hoc naturale indumentũ quo omẽs nascimur, satis his uerbis uituperasse legimus. Sic em̃ subiũgit: Si quis aut̃ indutus egredit̃, attẽdat quale proferat indumentũ, turpẽ dictu, turpius auditu, turpissimũ uĩsu, fœdã pelliculã sanguine cruentatã. qđ nos de secũdina, sic em̃

Secũdina

pellicula illa cum qua infantes nascunt̃ à medicis appellat̃, ipsum intellexisse non iniuria interpretamur, quã ex necessitate materiæ unusquisq̃ inter nascendum ferre, ac paulò post in lucẽ editus deponere

naturali lege cōpellitur. Quid de hominum & arborū fructibus dicemus: quos ipse ad inuicem comparare uolens, paulò post prædictam nuditatem huiusmodi cōparationem aggressus, ita inquit: Herbas & arbores inuestiga, illæ de se prodeunt flores, frondes & fructus, & tu de te lendes, pediculos & lūbricos: illæ de se fundūt oleum, uinum, & balsamum: & tu de te sputa, urinā & stercus: illæ de se spirāt suauitatē odoris, & tu de te reddis abominationem foetoris. Et sic in reliqua huiusmodi spurcitijs foeditatibusq̃ referta procedens, late copioseq̃ prosequit̃, quæ decoris honestatisq̃ gratia im præsentiarū omittam⁹. His tam pulchris ac tam formosis prædicti summi pontificis obiectionibus istam ipsam suam fructuum cōparationem absurdā esse & uideri, respōderi potest, nam proprius cuiuslibet arboris fructus uere dicitur is, quem arbor illa suapte natura producit. At proprii hominis fructus non sunt foeda illa & superflua spurcitiarum & foeditatū genera superius allegata, sed potius multi-

multiplices intelligendi & agendi operationes humani fructus habentur & sunt, ad quas homo, sicut arbor ad fructificandum, naturaliter nascitur. Et quantum natura superflua illa in homine non intendat, ex necessaria quadam cibi et potus repletionem proueniant, mirabile tamen ac penè incredibile dictum est, quantum pleraque illorum quæ in homine superflua dicuntur, ad plura rerum genera conferre iudicantur, ceu de sputis, de urinis & de stercorebus, ac de capillis à physicis scribitur: Quippe ieiuni hominis sputum ueneno *Sputi ho-*
 sis serpentium moribus ophthalmisq; *minis iei-*
 medetur: eius uero urina ad laxandum uen- *ni efficacia*
 trem, & ad conseruationem uisus mirabi- *Urine uis.*
 liter confert. Humanarum aurium sordes
 naribus illinitæ, quibuscunque dormire ne-
 quientibus somnū prouocare uidentur.
 Ad fertilitatem agrorum humanum ster-
 cus hominisque capillos, quorum ne unum
 quidem periturum ex euangelica lectione
 didicimus, cæteris omnibus stercoreandi
 generibus copiosius & abundantius con-
 ducit. Quid ad incommoda senectutis et

ad breuitatem uitę respondebimus: pro
fectò quemadmodũ cęteris superioribus
fecimus, ita istis oportuna responsa no-
bis nõ defutura iure existimamus & cre-
dimus. Nam si in primordio conditionis
humanę prisci illi maiores nostri ita lon-
gavi extitisse cõperiuntur, ut usq; ad no-
ningentos circiter annos peruenerint,
ceu Innocentius ad comparationem &
ad detestationẽ huius pręsentis uitę no-
strę, quam dicit esse breuissimam, nõnul-
las rationes adducere & allegare uidet:
profectò Deus eo tempore rebus huma-
nis propterea recte cõsuluisse, ac sapien-
ter prouidisse perhibetur, quoniã aliter
nec genus humanũ in hac parua & prę-
sentanea temporis breuitate propagari,
neq; urbes ædificari, neq; scientiæ & ar-
tes adinueniri potuissent. Sed postquam
prædicta omnia quę hominibus necessa-
ria erant, per diuturnitatẽ temporis adin-
uenta, in lucem prodire, & demum per-
fecta & cõpleta in medium euasere, hu-
mana uita paulatim decrescēs, in hęc po-
stremo quasi breuitatem peruenit, quam
nunc

nunc uidemus. Quod Iosephus in prædicto antiquitatis Iudaicę libro manifeste cōfirmare uidetur, quando Deū religiosiss illis primęuis maiorib. nostris tam longam ac tam diuturnā uitam ab initio cōcessisse & condonasse tradit. Et non multo post de Thare Abrahamę patris morte differens, cū ipsum quinq; supra ducendos ætatis annos uixisse dixisset, statim in hunc modum subiecit: Recidebat enim iam uita hominū, fiebatq; paulatim breuior usque ad generationē Moyši, post quē terminus uitę positus est cxx. annorum: quoniam ad conseruationē et ad salutem humani generis post multas plurimarum urbium ædificationes, post plerasq; utiliū artium adinventiones, ac post humani generis propagationē, nequaquē necessarium erat ut homines diuturnioris & longioris uitę efficerent quā nūc cōmuniter uiuant. Satis enim, ad nostra propria intelligendi & agendi officia, & ad bene beateq; uiuendum, superq; satis et olim uiuebamus & nunc uiuimus: quēadmodū Seneca in lib. De breuitate

uitæ, illam celebrem & peruulgatam de longitudine artis, & de uiuendi paucitate exclamationē refellens, planē & aperte demonstrat. Ad senectutis incōmoda illa suprà obiecta cum antea actæ & similis uitæ uoluptatibus & oblectatiōibus conferenda & cōparanda fore prædicamus: quod si fieret, certe multo plures ac maiores uoluptates, quàm molestias hominibus quondā in præsentiarumq; uiuentibus prouenisse ac prouenire non iniuria existimamus & credimus. De labore mortaliū idem dicere ac respōdere possumus, quod de incommodis senectutis nuper respondimus: multo enim plures oblectatiōes, quàm labores ex humanis operationibus agentibus & operantibus nobis, propterea prouenire censemus, quoniā si singulas quasque hominis operationes diligenter & accurate cōsiderauerimus, profectò sicut nos semper inter agendū aliquantulum laboramus, ita pariter ac uehementius etiam in quacuncq; nostra operatione oblectamur: homines enim inter uiuendū necessariò oblectari oportere,

oportere, celebrata Aristotelis sententia est: quinimò philosophus ipse in decimo Ethicorum, de uoluntate differens, eam ab hominis operatione nequaquã seiungi & separari posse confirmat & probat. Et quod admirabilius est, uoluptatē humanæ uitæ usquē ad eò annexam & cōiunctam esse profitetur, ut ab ea nullatenus segregari, seiūgiue possit. hæc enim eius uerba sunt: Quī autem per singulos sensus fiat uoluptas manifestū est, dicimus enim uisionē & auditionē uoluptatē asferre. & paulò post cum uoluptatem ab omnibus expeti probauisset, ita inquit: Sed utrū propter uoluptatē uiuere expetimus, uel propter uitam uoluptatem, relinquať ad præsens, coniugata enim ista uidentur esse, nec separationem recipere: nam sine operatione non fit uoluptas, & omnem operationem uoluptas perficit, ut homo in continua eius uita à principio natiuitatis suæ usque in finem, semper & omni quidem tempore oblectet. Quod si sic est, profectò plures uoluptates quàm labores esse constat, quemad-

modum suprà paulò latius & uberius dixisse & explicasse meminimus. De uarijs hominum studijs diuersisq; eorum anxietatibus eodem modo respondendum esse cēsemus, ne fortè in rebus tam claris ac tam manifestis prolixiores sim⁹, quàm materiæ, de qua agitur, qualitates & conditiones requirere & exigere uideantur: præsertim cum & cūcta superius allegata, & cætera omnia quæ nouiter de humanis calamitatibus dici & allegari possent, ex nouissima corporum nostrorum resurrectione faciliter diluantur, atque abundanter & copiose confutentur: quando enim resurgemus, profectò tunc defuncta corpora sine aliqua labe, sine aliqua corruptione, sine aliqua imbecillitate, sine aliqua deniq; deformatione, renouata gloriosissime resumemus: quæ non modo cunctarum infirmitatum, ægritudinum & cæterarum omnium incommoditatū, quibus nunc abundare & undique affluere quotidie experimur, penitus & omnino expectata, sed etiam totis singularum pulchritudinum

tudinum ornamentis referta apparebūt,
quemadmodum per plures & admirabi-
les glorificatorum corporum conditio-
nes, paucis deinceps demonstrabimus:

Quarum prima est perpetua & æterna *Clarificati*
absque aliqua infirmitate sanitas, quæ nul- *ti corporis*
lis morborū generibus aliquatenus im- *cōditiones.*
pediri prohiberiue poterit: de qua psal-
mista pluribus locis, & maxime eo car-
mine sensisse uidetur, quando dixit: Lau-
da anima mea dominum, qui sanat infir-
mitates tuas. Secunda, iuuentus sine se-
nectute, non tantum homini hæc sua &
perpetua corporis incolumitas prodes-
set, nisi quædam cōtinuæ iuuentutis bea-
tudo concomitaretur: nec etiam plu-
rimum proficeret, si ille qui semper sa-
nus esset, multorum tamen annorū gra-
uitate depressus, aliquo sustētationis ba-
culo indigeret. Cuncti enim in perfe-
cta & completa triginta duntaxat anno-
rum ætate resurgemus: Nam Aposto-
lus ita inquit: Donec occurramus omnes
in unitatem fidei & agnitionis filij dei, in

*Ad Rom.
cap. 8*

uirum perfectū, in mensurā ætatis plenitudinis Christi, qui quāuis trigessimoteratio ætatis suæ anno pateretur, quoniā nihilominus trigésimo ex eremo, ubi diutius cōtemplandi & meditandi gratia latuerat, in lucem uenerat, & mūdo manifestus apparuerat, eapropter triginta annorum ætate resurgemus. Nec solum ea Christi ætate, sed etiam in statura corporis sui, mirabile dictu, resurgentes adstantimus, ceu suis uerbis testatur Apostolus, quando ita inquit: Prædestinauit conformes fieri imaginis filij sui. Tertia, libertas corporum adsequetur. Corpora enim nostra quæ nūc tot necessitatibus, tot oneribus, tot peccati corruptionibus opprimuntur, tunc leuia & subtilia & ab omni labe libera nitidaq; efficientur. Quarta, est pulchritudo sine macula: si enī omnis corporis pulchritudo est congruentia partium, cum quadam coloris suauitate, profectō ibi erit perfecta et cōpleta pulchritudo, ubi nulla partium, ut ita dixerim, congruentia fieri poterit: Et ubi quoq; admirabilis quædā diuini coloris

loris suauitas necessariò intercedens omnia condecorabit: Nam ita in sacris literis scriptũ esse constat: Fulgebunt iusti sicut sol, in regno patris sui. Quinta, accedet impassibilitas & immortalitas: ibi nanque habitantes neq; ab æstibus, neq; ab algoribus, neq; à fame, neque à siti, neque à senectute, neque ab ullis deniq; laboribus uexabuntur. Sexta, requies sine intermissione proueniet: ibi enim totus homo semper & omni quidem tempore conquiescet. Septima, perpetuũ & æternũ absque ullo mœrore gaudium comitabitur: Nam Deus omnem lachrymam ab oculis sanctorũ suorum ita absterget itaq; emundabit, ut nusquam, neque ullo unquã tempore appareat: quippe neq; dolor amplius sentietur, neq; clamor et lamentatio ulterius audietur, quæ prima unà cum hac uita mortali & seculari penitus & omnino abierũt & usquequaq; euanuerũt. Cum ergo per ea quæ dicta sunt, omnia quæ huic nostro laudabili de dignitate & excellentia hominis proposito obijci posse uidebantur, hæc

nus ut potuimus satis abundeque confutarimus, restat ut de beatorum præmijs & gaudijs, simulatque de damnatorum hominum pœnis ac doloribus aliqua memoratu digna in medium adducamus. Sanctorum gaudia plura ac magna & penè infinita esse, nemo uel sacris literis mediocriter doctus ignorat. Primo nanque gloriosissimo & suauissimo diuinæ maiestatis aspectu perfruentur: quippe, ut ait Paulus apostolus, cum illas glorificatorum corporum conditiones, præcipuas earum dotes & singularia priuilegia conspiciabuntur, supra modum atque incredibiliter exhilarerunt: beatorum namque corpora usque adeò lucida erunt, & nihil sit in rebus humanis, quod tanto & tam immenso eorum splendori conferri & comparari possit. Proinde Esaias propheta et Mattheus euangelista hanc tam egregiā & tam singularem glorificatorum corporum claritatem per aliqua corporaliū rerum exempla exprimere uolentes, nec ex omnibus quicquā sole lucidius inuenirent, nimirum quantum potuerunt so-

lari

lari splendori æquipararunt: Alter nanque, Fulgebunt, inquit, iusti, sicut sol in conspectu Dei. Alter uero in transfiguratione Christi super montē Thabor apparente uerba hæc posuit: Resplenduit facies eius sicut Sol. Vsq̃eadeo quoque subtilia uidebuntur, ut neque hostia, neque parietes, neque muri, neq̃ mœnia, neq̃ aliqua alia adamantina impedimenta obstare ac resistere ualebunt, ut uno momento quocunque uoluerint prætergredi & penetrare nequiuerint. Quod Christus tūc uel maxime indicauit, quando post resurrectionē suam ianuis clausis ingressus in medio discipulorum manifestus apparuit. Vsq̃eadeo insuper agilia ostendent, ut nulla grauitate ad pergendum quocunque cupiuerint aliquatenus impediantur: quod celebrato illo Christi exemplo euidentissime declaratur, quando periclitabundis discipulis opitulaturus, per mare Galilææ siccis pedibus inambulans hinc inde perrexit. Postremo impassibilia & formosa atque immortalia demonstrabuntur, quando

nullo elementorum pondere grauabuntur, quando nulla turpitudine deformabuntur, quando nulla denique ægritudine debilitabuntur: Quando præterea infinitam beatorum canentium societatem & maximam quãdam sanctorum amicorũ multitudinem intuebuntur, admodum lætabuntur. Si enim amicitia in rebus humanis, ubi tot suspiciones, tot fraudes, & talia ac tanta pericula quotidie imminere cernuntur, ita suavis & dulcis est: quantum suauitatis ac dulcedinis in illa diuina & mutua ac uicissitudinaria charitate fore arbitramur, ubi erit sine aliquo dolore atque ullo discrimine summa tranquillitas: Quando ulterius cœlestem illam Hierusalem ciuitatem inhabitantes, proprijs oculis uidebunt, apprime exultabunt: Cuius quidem fundamenta è duodecim candidissimarum gemmarum generibus iacta, mœnia circumcirca ex iaspide structa: portas pariter duodecim, singulas è singulis margaritis & unionibus confectas, Ioannes euāgelista in fine libri Apocalypsis suę, ex angelica reuelatiōe fuisse testatur:

testatur : ac reliqua huiusmodi magnificentijs excellentijsq; referta , late copioseq; complectitur. Ad extremū, quando se in perpetua felicitate beatos , damnatos uero in æternis pœnis māsuros contemplabuntur, profectò maximis & infinitis iubilationibus replebuntur. Huiusmodi beatorum gaudijs, totidem uel plura etiam miserorum hominum tormenta consonabunt. Nam primo miserabiles illi, diuina uisione priuabuntur: cuius quidem carentia, damni pœna à modernis theologis appellat: ac talis & tanta habetur, ut secūdm celebratas Chrysostomi & Augustini sententias, quicumque à cœlesti patria exulantes , cum huiusmodi uidendi Dei cōditionibus apud inferos , quàm alibi uispiam esse mallent ubi Deum uidere & conspicere nō possent. Ad hanc talem & tantā damni pœnam infiniti & uerè intolerabiles , ignis, sulphuris, fœtoris, uermium, rigoris, & cæterorum talium perpetuorū tormentorum cruciatus accedunt : quæ quidem pœna sensus ab eisdem theologis appel-

lari & nuncupari consuevit. Hæc duo ni-
mirum maximi quidē & cōtinui damna-
torum lamentantiū, stridentiū & eiulan-
tium gemitus, ploratus & ululatus con-
comitabuntur. Quid de horrido ac terri-
bili illo infinitorum hominum pluribus
intolerabilibus tormētorum generibus
cruciatorum mutuo & uicissitudinario
conspēctū dicemus? quæ quidem ita tes-
tra & horribilia sunt, ut ea nostra fugiat
cogitatio, & reformidet oratio. Postre-
mo quantum cruciabuntur, quando se-
se perpetuò miseros sine aliqua futuræ li-
berationis spe continuis cruciatibus con-
sepultos imaginabuntur: Beatos uero,
uersa uice, infinitis & sempiternis gau-
dijs repletos, satiatos, semper exultatu-
ros & iubilaturos cogitabunt. Quapro-
pter ut tandem aliquando finem dicen-
di faciamus, & ultimas demum huic no-
stro opēri manus imponamus, cum pri-
mo quanta & quā miranda sit humani
corporis dignitas, quā deinde esset ani-
mi sui celsitudo ac sublimitas, quā præ-
terea & quā præclara ipsius hominis
ex dua-


ex duabus prædictis partibus compo-
 sita excellentia foret, tribus superioribus li-
 bris satis abunde satis que copiose expli-
 cauerimus : postremo cum hoc quarto
 cuncta quæ cōmemoratis sententijs no-
 stris maxime aduersari & repugnare pu-
 tabantur, hactenus diluisse & confutasse
 meminimus : reliquum est, ut ad di-
 ligentem quandam & accuratam diuino-
 rum mandatorum obseruationem præ-
 sentes et posteros parūper exhortemur,
 per quam duntaxat in coelestem illam &
 æternā patriam ascēdere ualeamus. Itaq;
 non modò Maiestatem tuam, Serenissi-
 me princeps, ut ad te tandem aliquando
 quasi longo quodam postliminio reuer-
 tamur, sed quoscūq; etiam alios ad quo-
 rum manus hæc nostra scripta forte per-
 uenerint humiliter & suppliciter depre-
 camur, quatenus cuncta quæque diui-
 na mandata obseruare & exequi uelitis:
 quod si quisque pro uirili sua efficere &
 operari curauerit, nimirū & temporalia
 hæc priuilegia & perpetua utriusq; uitæ
 præmia consequetur. Proinde cunctis

accuratis cœlestium præceptorum obseruatoribus proculdubio contigerit, ut statim à principio natiuitatis suæ fortunati, semper & felices ac beati fuisse atq; esse & fore in æternum uideantur. Quocirca & rogamus & obsecramus omnes huius qualiscūq; operis lectores, ut ad hanc nostram breuem & amatoriā exhortationem cū cæteris posthabitis diligenter attendant, atque ea operentur & faciant, quæ nos his ipsis breuiter persuadere conabimur. O homines, uel ô uiri potius, quinô ô reges et principes et imperatores, postquam in tanta ac tam immensa dignitate & excellentia constituti & ordinati estis, ut omnia quęcūq; in mundo siue in terris & aquis, in aëre siue in æthere siue in cœlis facta sunt, uestro imperio ditioriq; subdita & subiecta esse per ea quæ suprâ scripsimus nullatenus dubitetis, sit uobis cura uirtutis: hanc calcatis & supeditatis uitijis, totis animi & corporis uiribus diligite: hanc amate, hanc obseruate, hanc quesumus apprehendite, hanc cæpessite, hanc complectimini, ut per continuas

nuas & assiduas eius ipsius operationes,
 non solum felices & beati uideamini, sed
 ut etiā immortali Deo quasi similes effi-
 ciamini. Vestra enim intelligēdi & agen-
 di officia cum omnipotenti Deo cōmu-
 nia habentur & sunt. Vnde si uobis per
 acquisitionem & usum uirtutis, tranquil-
 lā immortalitatis beatitudo prouenerit,
 nimirū in patria æterno illi principi qua-
 si similes apparebitis: nam semper intel-
 ligendo et agendo ac cōtemplando, quæ
 ppria solius dei officia credūtur, in per-
 petua & æterna beatitudine una & sim-
 plici uoluptate instar sui cum conti-
 nuis exultationibus & cū sem-
 piternis iubilationibus
 & cantibus gau-
 debitis.

HAEC igitur habuimus quæ ad te, Serenissime princeps, de dignitate atque excellentia hominis impræsentiarum scriberemus: ac cuncta superius à nobis late copioseque explicata, toties uel maxime uera esse sentimus, quoties in singulares illas & admirabiles personæ tuæ dotes & preciosa priuilegia oculos mentemque cōuertimus. Tūc enim quādo singula quæque tua humanæ naturæ beneficia diligēter, & accurate cōsideramus, tale, pfectò corpus, talemque animū ex præcipuis quibusdā & egregijs utriusque partis cōditionibus abs te haberi & possideri intelligimus, quali sigillatim hætenus explicasse meminimus. Ex quibus tam excellentibus & tam præstātibus mēbris ac muneribus inter se mirabiliter compactis & simul in unum cōuenientibus, talem pfectò ac tantā ALFONSI regis personam in lucem prodijisse conspeximus, ut non communi & trita naturæ lege natus, sed potius ab omnipotēti Deo institutus & electus esse uidearis.

LIBRI QVARTI FINIS.



BASILEAE, APVD AND.
CRATANDRVM,
ANNO M. D. XXXII.
MENSE IUNIO.

